

GEOGRAPHY
OF THE
NORTH-WESTERN PROVINCES

In Bengali

COMPILED BY

KALIPRASAD SANDILLA

**THIRD ENGLISH TEACHER, GOVERNMENT HIGH
SCHOOL ALLYPUR N. W. P.**

CALCUTTA

**MIRZAPUR, UPPER CIRCULAR ROAD,
No. 58—5.**

**THE GIRISHA-VIDYARATNA-
PRESS.**

July, 1870.

উত্তর পশ্চিম অঞ্চলের ভূ-বৃত্তান্ত ।

আলিগড়ের রাজকীয় বিদ্যালয়ের
তৃতীয় শিক্ষক

শ্রী কালীপ্রসাদ শাওন

কর্তৃক
সঙ্কলিত ।

কলিকাতা ।

মুজাপুর, অপর সরকারিউলার রোড,

৫৮ । ৫ সঞ্জয়ক ভবনে

গিরিশ-বিদ্যারত্ন যন্ত্রে

মুদ্রিত ।

সংবৎ ১৯২৭ । আষাঢ় ।

মূল্য ৥২০ দশ আনা ।

উপহার ।

সুহৃদর

শ্রীযুক্ত বাবু মোহিনীমোহন রায় মহাশয়
সমীপেষু ।

ভ্রাতঃ

আপনি আমার পাঠের সময়াবধি এপর্যন্ত
সময়ে সময়ে যে সকল অকৃত্রিম সখ্যের নিদর্শন
প্রকাশ করিয়া আসিতেছেন, আমার মত হত-
ভাগ্য ব্যক্তি, কি সাধ্য যে, তাহার অনুমাত্র
প্রতিদান করিতে পারে ? তবে যদি এই
ক্ষুদ্র পুস্তক খানি কোন রূপে জন-সমাজে
গৃহীত হয়, আপনার প্রতি আমার অকপট
সৌহার্দ এবং আন্তরিক-কৃতজ্ঞতার এই একটি
চিহ্ন থাকিতে পারিবে, এই ভাবিয়া পুস্তক
খানি আপনাকে উপহার দিতেছি । যদিও
ইহা আপনার যথায়োগ্য উপহার নয়, কিন্তু
স্নেহের হৃদয়ে কিছুই মলিন বোধ হয় না,
অতএব এই লউন ! গ্রহণ করুন ! এক্ষণে আপনি
গ্রহণ করিলেই, কৃতার্থ হই ।

“উপহারহিতো নার্থোমিত্রবৎ জগতীতলে” ।

অনুগত

শ্রী কালীপ্রসাদ শাণ্ডিল্য ।

পূর্বভাষ।

— ০ —

ইদানীং আৰ্য্যাবৰ্ত্তের,* যে সকল ভূ-বৃত্তান্ত প্রকাশিত হইয়াছে, তদ্বারা পশ্চিমোত্তর প্রদেশের কেবল স্থূল স্থূল বিষয় গুলি উপলব্ধ হয়, এবং স্থূলবিশেষে বিশেষ নামের উচ্চারণ-বৈলক্ষণ্যও দৃষ্ট হয়, কিন্তু এ একটি বহু-জনাকীর্ণ বৃহৎ প্রদেশ, স্বতন্ত্র একজন প্রতিনিধি শাস্তার অধীন, আবার পূর্বাপর এপ্রদেশই সন্থিক লব্ধপ্রতিষ্ঠ, কেননা এ প্রদেশেই আৰ্য্যদিগের প্রায় যাবতীয় তীর্থ, এপ্রদেশেই ব্যাস প্রভৃতি মহামতিদিগের জন্মস্থান, এপ্রদেশেই চন্দ্রবংশীয় রাজ-শ্রেষ্ঠগণ বিশুদ্ধ-রাজনীতির অনুবর্ত্তী হইয়া, মানব-লীলা সম্বরণ করেন, এপ্রদেশেই এক সময়ে

* আধুনিক ভূগোল-বেত্তারা এদেশের যাবনিক নাম “ হিন্দু-স্থান ” ই প্রয়োগ করিয়াছেন, কিন্তু সেই ঈর্ষামূলক অপবাদ-সূচক নামটি আৰ্য্যদিগের অন্ত্রশায্য হেতু, এ স্থলে পরিত্যক্ত হইল। “ ভারতবর্ষ ” বা “ ভারতখণ্ড ” এ দেশের প্রাচীন নাম বটে, কিন্তু ভারত রাজার রাজত্বের পূর্বে, এ দেশ কোন নামে অভিহিত ছিল, তাহারও একবার অনুসন্ধান আবশ্যিক, তাহা হইলে আৰ্য্যাবর্ত্ত ভিন্ন আর কোন নাম লক্ষিত হইতে পারে! তবে যে, কোন কোন পৌরাণিক এবং আভিধানিক এ দেশকে আৰ্য্যাবর্ত্ত এবং দাক্ষিণাত্যে বিভাগ করিয়া, বিক্র্যা ও হিমালয়ের মধ্যবর্ত্তি স্থানকে আৰ্য্যাবর্ত্ত নামে নির্দেশ করেন, তাহাদিগের মত কোন রূপেই বিশুদ্ধ যুক্তির অনুমোদনীয় নয়, যে হেতু আৰ্য্যাবর্ত্তের যোগার্থের সহিত উহার আংশিক সঙ্গতি ভিন্ন, সম্পূর্ণ সঙ্গতি দৃষ্ট হয় না।

বন রাজ্যের উদয়াস্ত হইয়া যায়, অবশেষে এপ্রদেশেই ১৮৫৭ খৃঃ অব্দে স্কুলিঙ্গ-প্রমাণ বিদ্রোহানল কাল-গতিকে ক্রমশঃ প্রজ্বলিত হইয়া ভয়ঙ্কর রূপ ধারণ করে, অতএব এতাদৃশ বিবিধ ঘটনায়ুক্ত স্থানের সংক্ষিপ্ত বিনয়নে কোঁতূহলের শেষ হয় না। বিশেষতঃ অধুনা অনেক বঙ্গ-বাসি আৰ্য্য, কেহ কৰ্ম্মোপলক্ষে, কেহ তীর্থ-বাসোদ্দেশে, কেহ ভ্রমণাভিলাষে, কেহ দুঃসহ পীড়া বশতঃ জল-বায়ু পরিবর্তনার্থে, এ অঞ্চলে আসিতেছেন, তাঁহাদিগের পক্ষেও এতদঞ্চলীয় সাকল্য পরিজ্ঞান আবশ্যিক। এতন্নিবন্ধন প্রায় বৎসরাবধি আমি এই ক্ষুদ্র পুস্তকখানি সংগ্রহ করিতে প্ররত হইয়াছি, ইহাতে প্রত্যেক জেলার চতুঃসীমা, আনুমানিক লোকসংখ্যা, গ্রামসংখ্যা, রাষ্ট্র* পরিমাণ, উপনগর, পরগণা, নগর, স্থান বিশেষের প্রাচীন নাম ও তদানুষ্ঙ্গিক বাচনিক ইতিহাস এবং প্রসঙ্গাধীন অন্যান্য অনেক বিষয় যথাক্রমে সন্নিবেশিত হইয়াছে। এক্ষণে কত দূর কৃত-কার্য্য হইয়াছি তাহা পাঠক মণ্ডলীর আগ্রহ-সাপেক্ষ। অপর এই পুস্তকখানি প্রয়োজনাই জানিতে পারিলে, রাজওয়াদার ভূরভাস্ত্র এবং এতদঞ্চলীয় লৌকিক আচার ব্যবহার সম্বন্ধে সমাজগত নিয়ম সমূহ সংগ্রহ-পূর্বক

* কোন বিশেষ স্থানান্তর্গত সাকল্য ভূমি প্রকাশক অন্য কোন শব্দ না পাওয়ায় রাষ্ট্র শব্দ ব্যবহার করা গেল, যদিও ইহা বিবাদাম্পদ বটে, কিন্তু বোধ হয়, উপস্থিত বিষয়ে এককালেই অপ্রযুক্ত্য নয়।

পৃথক্ পৃথক্ পুস্তকে প্রকাশ করিতে প্রোৎসাহিত
হইব ।

পারিশেষে কৃতজ্ঞতার সহ স্বীকার করিতেছি, অত্রতা
রাজকীয় বিদ্যালয়ের উর্দু ভাষার অধ্যাপক শ্রীযুক্ত
মউলবি মির্জা, মউলবি জাফর এবং মুন্সি আলিবখশ,
বিশেষতঃ ভট্টপাল্লি নিবাসী শ্রীযুক্ত রামনারায়ণ
বিদ্যারত্ন, বরেনী জেলাস্থ আঁওলা নিবাসী শ্রীযুক্ত
আব্দুল-শাম্মী এবং ত্রিহৃত নিবাসী শ্রীযুক্ত পণ্ডিত কালী-
চরণ প্রভৃতি মহোদয়গণ এতৎ প্রণয়নে আমাকে যথেষ্ট
সাহায্য করিয়াছেন । এতদ্বির কলিকাতা সংস্কৃত
কলেজের শব্দ-শাস্ত্রাধ্যাপক শ্রীযুক্ত গিরিশচন্দ্র
বিদ্যারত্ন মহাশয় অনুগ্রহপূর্বক প্রুফ সকল সংশোধন
করিয়া আমার পরম উপকার করিয়াছেন ।

শ্রী কালীপ্রসাদ শাণ্ডিল্য ।

আলিগড়

উৎ পং অঞ্চল ।

৩২ আষাঢ় । সম্বৎ ১৯২৬ ।

সূচীপত্র ।

বিষয়	পৃষ্ঠা
পরিভাষা	১
এপ্রদেশের নাম “উত্তর-পশ্চিমাঞ্চল” হওয়ার কারণ	২
চতুঃসীমা, ঠৈর্ঘ্য-প্রস্থ এবং লোকসংখ্যা	২
পর্কত	১০
নদ-নদী	১৩
গঙ্গার প্রধান খাল	৩০
প্রাকৃতিক বিভাগ	৩১
স্থানিক প্রকৃতি	৩২
আধিভৌতিক	৩৩
শাসন-প্রণালী ও রাজস্ব.. ..	৩৪
আর্য্যবংশীয় শ্রেণীভেদ	৩৪
মুসলমান-জাতীয় শ্রেণীভেদ	৩৭
রূপাকৃতি । শারীরিক ও মানসিক শক্তি । স্বভাব	৩৮
ধর্ম	৩৯
ভাষা । উর্দু ভাষার উৎপত্তি	৪০
শিক্ষাবিভাগ	৪১
হল্কাবন্দী প্রথা	৪২
বিদ্যালয়ের শ্রেণীভেদ	৪৩
স্ত্রীশিক্ষা	৪৩
কলেজ	৪৪
টোল	৪৪
মক্তব	৪৫,
সভা এবং সমাচার পত্র	৪৫
গ্রাম-নগর	৪৬
পথ-ঘাট	৪৭

বিষয়	পৃষ্ঠা
প্রান্তর । পশু-পক্ষী ..	৪৯
কীট-পতঙ্গ । সরীসৃপ ...	৫১
মৃত্তিকা । জলসেক-প্রক্রিয়া ..	৫২
খন্ড ..	৫৫
রবি-খন্দোৎপন্ন ...	৫৫
চন্দ্র-খন্দোৎপন্ন ...	৫১
আঁকর ...	৫৬
শিল্পজাত দ্রব্য ...	৫৬
বহির্বিভাগ	৫৭
অন্তর্বিভাগ ..	৫৭
রাজকীয় বিভাগ ..	৫৮
আনুক্রমিক বিভাগ ...	৫৯
নগর ও তদন্তর্গত প্রসিদ্ধ উপনগর এবং গণগ্রাম	৬০
বনারস বিভাগ ...	৬৩
গোরখপুর ...	৬৩
বস্তী ...	৬৫
আজমগড় ...	৬৬
গাজীপুর ...	৬৭
জৌনপুর ...	৬৯
বনারস ...	৭০
পঞ্চকোশী তীর্থ ...	৯৯
মির্জাপুর ...	১০১
এলেক্ত্রাবাদ বিভাগ ..	১০৪
এলেক্ত্রাবাদ ...	১০৪
ফতেপুর ...	১১১
বাঁদা ...	১১২
হমীরপুর ...	১১৫
কাগপুর ...	১১৬

বিষয়	পৃষ্ঠা
বাঁসী বিভাগ	১৭১
বাঁসী	১১৫
জালোন	১১৯
মলিতপুর	১২০
আগরা বিভাগ	১২১
এটাওরা	১২১
করেখাবাদ	১২২
এটা	১২৪
মৈনপুরী	১২৫
আগরা	১২৬
মথুরা	১৩৬
মিরঠ বিভাগ	১৪৩
আলিগড়	১৪৩
বলন্দশহর	১৪৬
মিরঠ	১৪৭
মুজফফরনগর	১৫০
সহারণপুর	১৫১
দেবান্দুন	১৫২
রোহিলখণ্ড অর্থাৎ বরেলী বিভাগ	১৫৩
শাজাহাপুর	১৫৪
বরেলী	১৫৫
বনার	১৫৬
মুরাদাবাদ	১৫৭
বিজনৌর	১৬০
তরাই	১৬১
কমায়ু বিভাগ	১৬১
অলমোড়া	১৬১
জীনগর	১৬৩
অজমের	১৬৪
উত্তর-পশ্চিম অঞ্চলের অন্তর্ভুক্ত লৌহবন্দ স্থানীয়	১৬৬
শাখা লৌহবন্দ	১৬৮

শুদ্ধিপত্র ।

—০—

অশুদ্ধ	শুদ্ধ	পৃঃ	পং।
এ প্রদেশে পাঁচটি কালেজ নিম্ন লিখিত স্থানে স্থাপিত আছে, যথা বনারস, আগরা, বরেন্দী এবং অজমের	এ প্রদেশে পাঁচটি কালেজ নিম্ন লিখিত স্থানে স্থাপিত আছে, যথা বনারস, আগরা, বরেন্দী, রুরকী এবং অজমের	৪৪	৩
বিঠুর	বিঠোর	৪৭	৩
একটি গাজীপুরে এবং বকসরে	একটি গাজীপুরে এবং একটি বকসরে ...	৪৭	১২
রাজপুতানা-বাসিরা দক্ষিণ রাজওয়াড়ার	রাজপুতানা বাসি বা দক্ষিণ রাজওয়াড়ার	৪৮	৫
পুরোভাগে একটি কূপ-পার্শ্বকদেশে একটি কৌপাধার কুণ্ড	পুরোভাগে একটি কূপ এবং পার্শ্বকদেশে একটি কৌপাধার কুণ্ড	৫২	১০
ভরখনা	ভরখনা	৬১	৭
শেকোরাবাদ	শেকোরাবাদ	৬১	১১
একটি ব্যবহারিক সৈনিক নগর	একটি ব্যবহারিক ও সৈনিক নগর ...	৭১	১২
প্রার	প্রার	৭১	২০
সে বায়ু	সেরাধু	১৬৬	৭



পরিভাষা।

(১) এক প্রতিনিধি শাস্তা বা এক ভার্যাপিত সচিব-প্রধানের (এক লেপ্টেনেন্ট গবর্নর বা এক চিফ কমিশনরের) শাসনাধীন সমুদয় স্থানকে “প্রদেশ” বা “অঞ্চল” * বলে।

কোন নদীর উভয় বা এক পার্শ্ব-স্থিত সাকল্য বা আংশিক স্থানকে, কিম্বা কোন পর্বত-প্রস্থ সম্বিহিত সাকল্য বা আংশিক স্থানকে ঐ নদী বা পর্বতের নামানুসারে “প্রদেশ” বলে।

পরস্পর কিঞ্চিৎ ব্যবহিত ক্ষুদ্র ক্ষুদ্র পর্বতময় স্থানকে, অথবা কোন পর্বত-শ্রেণীর অধিত্যকাস্থ পরস্পর দূরাদূর সমূহ লোকালয়কে, কোন বিশেষ পর্বতের অপ্রাধান্যে, কেবল “পার্বত্য প্রদেশ” বলে।

(২) এক ভার্যাপিত সচিবের (এক কমিশনরের) শাসনাধীন সমুদয় স্থানকে “বিভাগ” বলে, এবং রাজ্য-

* প্রদেশার্থে ভিন্ন অঞ্চল শব্দ যখন অন্য কোন স্থান-বাচী বিশেষ নামের সহিত যুক্ত হয়, তখন সেই স্থানের প্রাধান্যে তদন্তর্গত বা তৎসম্বিহিত স্থান সমূহকে বুঝায়।

২ উত্তর পশ্চিম অঞ্চলের ভূরক্তান্ত ।

কার্যার্থে ভারার্পিত সচিবের প্রধান আধিবেশনিক নগরের নামানুসারে সমস্ত বিভাগ প্রসিদ্ধ ।

রাজ-কার্যের প্রত্যেক শৃঙ্খলাকেও তন্মানুসারে “বিভাগ” বলে ।

(৩) এক রাজ-কর-সংগ্রহীতার (এক কালেক্টরের) শাসনাধীন সমুদয় স্থানকে “জেলা” বলে, এবং রাজ-কার্যার্থে রাজ-কর-সংগ্রহীতার আধিবেশনিক নগরের নামানুসারে সমস্ত জেলা প্রসিদ্ধ ।

জেলা যাবনিক ভাষা, ইহার ধাত্ত্ব শিরা, ধমনী ।

(৪) এক রাজ-কর-সংগ্রহীতার প্রধান আধিবেশনিক স্থানকে “নগর,” তৎসংলগ্ন ক্ষুদ্র লোকালয়কে “নগর-প্রান্ত” অথবা স্থল বিশেষে “শাখানগর” বা “শাখা-পুর” এবং জেলাস্থ অন্যান্য নগর-সদৃশ লোকালয়কে “উপনগর” বলে ।

(৫) এক প্রতিনিধি শান্তিরক্ষক বা এক প্রতিনিধি রাজ-কর-সংগ্রহীতার (এক ডেপুটি ম্যাজিস্ট্রেট বা এক ডেপুটি কালেক্টরের) শাসনাধীন সমুদয় স্থানকে “উপবিভাগ” বলে, এবং রাজ-কার্যার্থে প্রতিনিধি শান্তিরক্ষক বা প্রতিনিধি রাজ-কর-সংগ্রহীতার প্রধান আধিবেশনিক উপনগরের নামানুসারে সমস্ত উপবিভাগ প্রসিদ্ধ ।

রাজ-কার্যের প্রত্যেক শৃঙ্খলার এক এক ভাগকেও তন্মানুসারে “উপবিভাগ” বলে ।

(৬) এক তহসীলদারের শাসনাবধি সমুদয় স্থানকে “তহসীল” বলে, এবং রাজ-কার্যার্থে তহসীলদারের প্রধান আধিবৈশনিক উপনগরের নামানুসারে সমস্ত তহসীল প্রসিদ্ধ ।

তহসীল যাবনিক ভাষা, ইহার ধাত্বর্থ আদায় করা, কিন্তু ইহা ব্যবহারতঃ যে উপনগরে রাজস্ব সংগৃহীত হয় তদ্রাঢ়ী । এ অঞ্চলের (উত্তর পশ্চিম অঞ্চলের ভূমাধিকারিগণের সহিত চিরস্থায়ী বন্দোবস্ত না থাকা হেতু, রাজস্ব সংগ্রহার্থে প্রতি জেলায় তিন চারি জন করিয়া তহসীলদার নিযুক্ত আছেন । ইহারা তিন শ্রেণীভুক্ত, প্রথম শ্রেণীতে ২০০, দ্বিতীয় শ্রেণীতে ১৭৫, এবং তৃতীয় শ্রেণীতে ১৫০, টাকা মাসিক বেতন নির্দ্ধারিত আছে । তহসীলদারী কর্মার্থীরা যথাসীতি পরীক্ষোত্তীর্ণ হইলে, ঐ কর্মলাভের যোগ্য হন, এবং যশের সহিত কর্ম করিলে ডেপুটি কালেক্টরের পদে উন্নত হইতে পারেন ।

(৭) তহসীলান্তর্গত বা প্রদেশ-বিশেষে জেলাস্তর্গত কতিপয় গ্রাম-সমষ্টির নাম “পরগণা,” এবং পর-গণান্তভুক্ত নির্দ্ধারিত কোন প্রধান গ্রামের নামানু-সারে সমস্ত পরগণা প্রসিদ্ধ ।

আধুনিক কোন কোন আভিধানিক এ শব্দটি যাবনিক ভাষা স্থির করিয়াছেন, বস্তুতঃ তাহা নয়, এটি প্রাকৃত ভাষা, সংস্কৃত “পরগণা” অর্থাৎ শহুর লক্ষ্য-স্থান । প্রাচীন আর্য্যাবর্তে অনেক ক্ষুদ্র ক্ষুদ্র রাজ্য ছিল, এবং তাৎকালিক রাজ্য কেবল কতি-পয় কর-স্থানীয়ে বিভক্ত হইত ; কর-স্থানীর হস্তগত করা রাজ্য-লাভের একটি সহজ উপায় অসুভাবে, তদানীন্তন পরম্পর-বিচ্ছেদে সমরুক রাজগণ, প্রত্যেকে অন্যের রাজ্যক্রমণের প্রথনোদ্যমে

৪ উত্তর পশ্চিম অঞ্চলের ভূরূতান্ত্র ।

তদীয় কর-স্থানীয়ের প্রতি দৃষ্টি রাখিতেন, এবং তজ্জন্যই কর-স্থানীয় পরগণ্য শব্দে অভিহিত। প্রাচীনকালে পরগণ্যই প্রধান কর্মচারী। বোধ হয়, এক জন করিয়া “গোপ” নিযুক্ত থাকিতেন।

(৮) শহর শব্দের ব্যবহারিক অর্থে গণ্ডগ্রাম হইতে প্রধান নগর পর্য্যন্ত বুঝায়।

শহর যাবনিক ভাষা, ইহার প্রকৃত উচ্চারণ শেহর।

(৯) যে নগরে বা উপনগরে আমদানি-রপ্তানি হয়, অর্থাৎ যে নগরে বা উপনগরে নানাস্থানজাত বিবিধ বা বিশেষ কোন প্রকার দ্রব্য সংগৃহীত হইয়া, বিক্রয়ার্থে স্থানান্তরে প্রেরিত হয়, তাহাকে এপ্রদেশে “মণ্ডী” বলে।

মণ্ডী দাক্ষিণাত্য ভাষা।

(১০) যে প্রদেশে, বিভাগে বা উপবিভাগে নির্দ্ধারিত নিয়মাবলী রাজ-কার্য্য নির্বাহ হয়, তাহাকে নিয়মানুগত প্রদেশ, বিভাগ বা উপবিভাগ বলে।

(১১) যে প্রদেশে, বিভাগে বা উপবিভাগে নিয়ম-তিক্রম ও উপস্থিত প্রয়োজন বশতঃ রাজ-কার্য্য নির্বাহ হয়, তাহাকে নিয়মবহির্ভূত প্রদেশ, বিভাগ বা উপবিভাগ বলে।

(১২) সুশোভিত শ্রেণীভূত সমূহ পণ্যালয়কে, অথবা শ্রেণীভূত পণ্যবীথিকা-বিশিষ্ট চতুষ্কোণ প্রশস্ত স্থানকে “চক” বলে।

চক প্রাকৃত ভাষা, সংস্কৃত শব্দ “চক্র” ; কিন্তু বোধ হয়, এ প্রয়োগটি সর্ষ-বাঁদি-সম্মত নহে। অজ্ঞ মুসলমানেরা ব্যাপ্তি-ক্রমের জ্ঞানাভাবে, চক শব্দকে পারস্য “চকোর” শব্দের অপভ্রংশ বলিয়া থাকে, কিন্তু তাহাদিগের এ অনুভবটি নিতান্ত অসঙ্গত, যেহেতু “চকোর” শব্দ সংস্কৃত চতুষ্কোণ হইতে সম্ভূত, এবং অর্থতঃ কেবল চতুষ্কোণ ভিন্ন, বিপনি-সংযুক্ত চতুষ্কোণ স্থান-বাঁচী হইতে পারে না।

(১৩) প্রশস্ত-শির, চতুর্দিক ঢালু, স্বত্বাকার যুক্তিকাময় উচ্চ স্থানকে “কোট” বলে, কিন্তু মথুরায় কোট-সদৃশ স্থানকে “টীলা” বলে।

কোট কোন নগরের অন্তর্ভুক্ত বা সংলগ্ন থাকিলে তাহাকে “উপর কোট” বলে, এবং উপর কোট পণ্যালয় হইলে, স্থান বিশেষে, উহাকে “উচশেহর”ও বলে।

(১৪) গুলিকা-প্রক্ষেপণ-যোগ্য বপ্র-বেষ্টিত ষড়ভুজ, চতুর্ভুজ বা স্বত্বাকার প্রশস্ত ক্ষেত্রকে “দুর্গ” বলে ; এ অঞ্চলে তাহাকে “গড়” এবং সাধারণতঃ “কেলা” বলে।

স্থলবিশেষে, বপ্র বাহির হইতে ঢালু হইয়া ভিতরে উন্নত, কিম্বা ভিতর হইতে ঢালু হইয়া বাহিরে উন্নত থাকে। কোন কোন স্থানে দুর্গমধ্যে প্রাসাদ, দুর্গের চতুর্দিকে পরিখা এবং দুর্গ প্রবেশার্থে দুইটি করিয়া সঙ্কাম দৃষ্ট হয়।

(১৫) সেনাগার-বিশিষ্ট সৈন্য-বিন্যাসোপযোগী

* স্থান বিশেষে দুর্গ এবং কোট একার্থেই ব্যবহৃত হইয়া থাকে।

৬ উত্তর পশ্চিম অঞ্চলের ভূরূপান্তর ।

প্রশস্ত ক্ষেত্রে “সেনানিবেশ,” “সৈনিকাবাস” বা “সৈন্যাবাস” বলে ; এ অঞ্চলে তাহাকে “সার্ভিনি” বলে ।

(১৬) সেনানিবেশ ভিন্ন, যে স্থানে বিশেষ কার্য্যবশতঃ অল্পকালের নিমিত্ত সৈন্যদিগকে বাস করিতে হয়, তাহাকে “সৈন্য-শিবির” বলে ।

(১৭) পান্থগণের বিশ্রামার্থ চতুর্ভুজ বা বৃত্তাকার প্রাচীর পরস্পর-সন্নিহিত-বহু গৃহ-সংযুক্ত এবং প্রশস্ত অঙ্গন বিশিষ্ট হইলে, তাহাকে “পান্থ-নিবাস,” “পাথিকশালা” বা “পাথিকাগ্রাম” বলে ; এ অঞ্চলে তাহাকে “সরায়” বলে ।

(১৮) বালুকাময় প্রশস্ত প্রান্তরকে “রেতোহস্থান” বলে ।

হিন্দী “রেত” সংস্কৃত “রেতজা” শব্দের অপভ্রংশ এবং পারস্য “রেগি স্থান”ও সংস্কৃত রেতোহস্থান হইতে সম্ভূত ।

(১৯) যেস্থান হইতে কোন নদীর উদ্ভব হয়, তাহাকে “প্রভব” বা “নির্গম” বলে, এবং যে স্থানে অন্য নদী বা সমুদ্রের সহিত মিলন হয়, তাহাকে “সঙ্গম” বলে ।

সঙ্গম-স্থানে সামান্যতঃ উপনদীর নামানুসারে সঙ্গম শব্দ উক্ত হয় ।

(২০) কোন নদীর প্রভব হইতে স্রোতানুসারে সঙ্গমভিমুখে গেলে, দক্ষিণ পাশ্বে যে তীর থাকে, তাহাকে ঐ নদীর “দক্ষিণতীর,” এবং বামপাশ্বে তীরকে “বামতীর” বলে ।

(২১) কোন নদীর গর্ভ হইতে তীর পর্য্যন্ত ক্রমশঃ উখিত বালুকাময় চড়াইকে ঐ নদীর নামানুসারে “পুলিন” বলে ।

(২২) এক নদী হইতে অন্য নদীতে, কিম্বা এক নদীর কোন এক স্থান হইতে কতক সরল, কতক বক্র ভাবে ঐ নদীর অন্য স্থানে, যে রূহৎ জলপ্রণালী খাত হয়, তাহাকে “খাল” বলে ; এ অঞ্চলে তাহাকে নেহর বলে ।

(২৩) এক খাল হইতে অন্য খালে বা নদীতে যে ক্ষুদ্র জলপ্রণালী খাত হয়, তাহাকে “উপখাল” বলে ; এ অঞ্চলে তাহাকে “বঘা” বলে ।

বঘা আরবি বঘা শব্দের অপভ্রংশ ।

(২৪) আর্ষ্যদিগের দেবালয়কে “মন্দির” বলে, এবং যে মন্দির হইতে তিফাজীবীরা প্রতাহ তিফা পায়, তাহাকে সামান্যতঃ “সদাহত,” কিন্তু কাশীর বাঙ্গালি-টৌলায় “ছত্বর” এবং বৃন্দাবনে “কুঞ্জ” বলে ।

(২৫) মুসলমানদিগের তজমালয়কে “মস্জীদ” বলে ।

মস্জীদ আরবি সিজ্দা হইতে সম্ভূত, সিজ্দার অর্থ নমন এবং মস্জীদের অর্থ নমনোপযোগী স্থান ।

(২৬) শুক্রবারে অনেক মুসলমান একত্রিত হইয়া যে রূহৎ মস্জীদে উপাসনা করে, তাহাকে “জামে মস্জীদ” বলে ।

৮ উত্তর পশ্চিম অঞ্চলের ভূরক্তান্ত ।

অজ্ঞ মুসলমানেরা শব্দার্থ-জ্ঞানাভাবে ইহাকে “জুম্মা-মস্-জীদ” বলে । তাহাদিগের এরূপ ভ্রমের একমাত্র কারণ এই উপলক্ষ হয় যে, জুম্মা শব্দের অর্থ শুক্রবার এবং সামান্যতঃ সেই বারেরই অনেক লোকের সহিত ঐ মস্‌জীদে উর্গাসনা হয় । বস্তুতঃ এটি জামে শব্দ, এবং এপ্রদেশের সুশিক্ষিত মউলবিরাজামেই উচ্চারণ করিয়া থাকেন, যেহেতু জামে শব্দের ধাত্বর্থ “জামে-জমা” অর্থাৎ সমবায়-স্থান ।

(২৭) এক জন মুসলমানের সমাহিত স্থানকে “কবর” বা “গোর” বলে, এবং একাধিক কবর বা গোর যুক্ত স্থানকে “কবরো-স্থান” বা “গোরো-স্থান” বলে ।

(২৮) কোন দরবেশ অর্থাৎ সিদ্ধ পুরুষের কিম্বা কোন সম্ভ্রান্ত ব্যক্তির সমাহিত স্থানকে, অথবা কখন কখন কোন পুণ্য-ক্ষেত্র বা রাজসভাকে “দরগা” বলে ।

(২৯) মুসলমানের সমাধি-মন্দিরকে “মকবরা” বলে ।

মস্‌জীদ আদি করিয়া যে কয়েকটি যাবনিক শব্দ এখানে পরি-ভাষিত হইল, তাহা কেবল যাবনিক বিষয়েই প্রযুক্ত্য ।

এপ্রদেশের নাম
“ উত্তর-পশ্চিমাঞ্চল ”
হওয়ার কারণ ।

ইংরাজেরা প্রথমতঃ বাঙ্গালা প্রদেশ হস্তগত করিয়া
ক্রমশঃ এ প্রদেশের আধিপত্য লাভ করেন, এ প্রদেশ
বাঙ্গালা প্রদেশের উত্তর পশ্চিমে সংস্থিত, এই নিমিত্ত
তঁাহারা ইহাকে “ উত্তর পশ্চিমাঞ্চল ” * বলাতে, ইহা
একণে ঐ নামেই প্রসিদ্ধ ।

— ০ —

চতুঃসীমা, দৈর্ঘ্য-প্রস্থ এবং
লোকসংখ্যা ।

উত্তর-পশ্চিমাঞ্চলের উত্তরে নেপাল রাজ্য এবং
অযোধ্যাপ্রদেশ ; পূর্বেদিকে বাঙ্গালাপ্রদেশাধীন বেহার
এবং পালানৌ ; দক্ষিণে গোয়ালিয়র, বুদ্ধেনলখণ্ড এবং
রিমা প্রভৃতি স্বাধীন রাজ্য ; এবং পশ্চিমে ঘমুনা নদী,
যাহার অপর তীর হইতে পঞ্জাবের প্রারম্ভ । ইহার

* যে আর্ষা-ভূভাগকে একণে “ উত্তর-পশ্চিমাঞ্চল ” বলিয়া
নির্দেশ করা যাইতেছে, তাহা স্বাধীন আর্ষা-রাজ্য অংশতঃ
“ দক্ষিণ কোশলা ” “ মহাকোশলা ” বা “ কাশীরাজ্য ”,
অংশতঃ অন্তর্বেদ এবং অংশতঃ হিমালয় ও পার্শ্বত্যা প্রদেশ
বলিয়া বিখ্যাত ছিল ।

পূর্ব-পশ্চিম দৈর্ঘ্য ৫২৮ ক্রোশ এবং উত্তর-দক্ষিণ প্রস্থ ১৭৬ ক্রোশ । লোকসংখ্যা তিন কোটি, তন্মধ্যে দুই কোটি ষাইট লক্ষ আর্ঘ্য এবং শূদ্র, অবশিষ্ট চল্লিশ লক্ষ যবন এবং মেল্লু ।

—SSSS—

পর্বত ।

এ প্রদেশের পশ্চিমোত্তর কোণে হিমালয়-শ্রেণীর যে সকল পর্বত আছে তাহা কমাযুঁ এবং নৈনীতালের *

* “নৈনী” (নারায়ণীর অপভ্রংশ) যোগিনী বিশেষের নাম, এবং “তাল” (ঠেট হিন্দী) অর্থ সরোবর । নৈনীতালের যে যে পর্বতের অধিতাকায় এতদঞ্চলীয় প্রধান রাজপুরুষগণের গ্রীষ্মাবাস; সেই পর্বত-রাশি যে সামুদ্রিক বেষ্টিত করিয়া রাখিয়াছে, তাহার ঠিক মধ্যস্থলে পূর্ব-পশ্চিম প্রায় আদিক্রোশ দীর্ঘ একটি “তাল” অর্থাৎ সুগভীর জলাশয় আছে । ঐ জলাশয়ের দক্ষিণতীরে পর্বতীয় লোকের আবাস ও পণ্যবীথিকা, এবং সম্বিহিত এক কন্দর মধ্যে নৈনীর পান্যময়ী একখানি প্রতিমূর্তি স্থাপিত আছে । ঐ মূর্তিখানি চতুর্ভুজ এবং প্রায় পৌনে দুই হাত উচ্চ, তৈজ্যমাসে দশম উপলক্ষে উহার সম্মুখে একটি মেলা হয়, তাহাতে নিকটবর্তি গ্রাম-সমূহের স্ত্রী পুরুষ উভয়ই সমবেত হইয়া নানা প্রকার আমোদ আনন্দ করে ।

অপর উপরোক্ত জলাশয়ের অধিকোণ হইতে “বসুরিয়া” নামে একটি ক্ষুদ্র সরিৎ নির্গত হইয়া প্রথমতঃ দক্ষিণাভিমুখে এবং তৎপরে দক্ষিণ-পশ্চিমাভিমুখে প্রবাহিত হইয়া বরেন্দী জেলায় “জুয়া” নদীর সহিত মিলিত হইয়াছে । উক্ত সরিৎটি নৈনীতাল হইতে প্রায় দেড় ক্রোশ পর্য্যন্ত অন্তঃসলিলা থাকার মাতৃ-যোনিতে উহার নির্গম দৃষ্ট হয় না, কিন্তু দেড় ক্রোশের

পর্কত বলিয়া বিখ্যাত । শেষোক্ত ঠৈশল-রাশি রোহিল-
খণ্ড বিভাগস্থ মুরাদাবাদের ৩০।৩২ ক্রোশ উত্তরে
সংস্থিত, এবং উহার অধিত্যকার এ প্রদেশের প্রধান

পর উহা যেন অকস্মাৎ ভূগত হইতে উদ্গত হইতেছে, এইরূপ
বোধ হয় । অপর উহার উদ্গম হইতে কতক দূর নীচে উহার
উপর একটি সেতু আছে, তাহা “বল্লিয়ার পুল” বলিয়া
আখ্যাত, এবং ঐ পুলের এক ক্রোশ নীচে উহার বামতীরে
“রানীবাগ” নামে একটি সুরম্য বাগান আছে, তাহার অব্যব-
হিত পূর্ব দিকে একটি সংপথ, এবং তদনন্তর একটি ক্ষুদ্র পর্ক-
তের উপর “অহুতপুর” নামে একখানি গ্রাম, উহাতে কৃষি-
জীবী পর্কতীয় লোক বাস করে ।

রানীবাগের অগ্নিকোণে প্রায় তিন ক্রোশ ব্যবহিত এক
প্রান্তর মধ্যে “হলদাউনী” মণ্ডী নামে একখানি রুহৎ গ্রাম
আছে, ঐ গ্রাম হইতে যে সংপথটি নির্গত হইয়াছে তাহাই
রানীবাগ এবং বল্লিয়ার পুল দিয়া নৈনীতালে গিয়াছে । অপর
ঐ গ্রামের দক্ষিণে আদক্রোশ ব্যবহিত “গউলা” নামে একটি
ক্ষুদ্র নদী প্রবাহিত হইতেছে, ঐ নদীটি পূর্বদিকস্থ হিমাচল
হইতে নিঃসৃত হইয়া, এই স্থান দিয়া পশ্চিম-বাহিনী হইয়া
বল্লিয়ার সহিত মিলিত হইয়াছে, উহার সঙ্গম সমীপে “চিত্তে-
শ্বর” নামে একটি অতি উচ্চ শিবলিঙ্গ স্থাপিত আছে, বকর-
সংক্রান্তিতে ঐ স্থানে একটি মেলা হয় ।

নৈনীতালের পূর্বদিকে প্রায় পাঁচ ক্রোশ দূরে পর্কত-বেষ্টিত
সানুদেশে “ভীমতাল” নামে আর একটি জলাশয় আছে,
তাহার দৈর্ঘ্যও কিঞ্চিৎ নূন আদক্রোশ, এবং তাহার অগ্নি-
কোণে “ভীমেশ্বর” নামে একটি শিবলিঙ্গ প্রতিষ্ঠিত ।

ভীমতালের পূর্বে একক্রোশ ব্যবহিত “সনৎকুমার” নামে
একটি তাল আছে, তাহাও পর্কত-বেষ্টিত সানুদেশে একটি
মনোরম্য জলাশয় । অপর নৈনীতাল অঞ্চলে ৬৪ টি তাল
কথিত হইয়া থাকে, কিন্তু তন্মধ্যে উপরের লিখিত তিনটিই
অপেক্ষাকৃত প্রসিদ্ধ ।

রাজপুত্রগণ গ্রীষ্ম ঋতুতে শৈল-বায়ু সেবনার্থ অবস্থিতি করেন। মিরঠ বিভাগস্থ ছেরাদুন নগরের দুই ক্রোশ উত্তরে “রাজপুর” গ্রামখানি যে পর্বতপ্রস্থে সংস্থিত, তাহার নাম “মসুরি” বা “মন্সুরি,” এবং তাহার অগ্নিকোণে দেড় ক্রোশ ব্যবহিত “লন্ধোর” নামে আর একটি পর্বত আছে, এ দুইটিই হিমালয়ের ঐকদেশিক, ইহার অধিত্যকা লোকালয়, এবং কোন কোন রাজপুত্র-ষের গ্রীষ্মাবাস। সহারণ পুর এবং ছেরাদুনের পার্থক্য সীমাবর্তী যে একটি পর্বত দৃষ্ট হয়, তাহা শিবালিকের ঐকদেশিক। আগরা, মথুরা এবং পঞ্জাব প্রদেশাধীন গোরগার পশ্চিম দিয়া যে একটি ক্ষুদ্র শ্রেণী গিয়াছে, তাহা অক্ষরলীর অংশ, এবং বৃন্দাবনের কিষ্কিৎ দূরে গিরিগোবর্দ্ধন নামে যে একটি পর্বত আছে, এবং যাহা আর্ষাদিগের একটি তীর্থস্বরূপ গৃহীত হইয়াছে, তাহা উহারই ঐকদেশিক। এতদ্ভিন্ন বিষ্ণ্যাচল-শ্রেণী ভারতবর্ষের পশ্চিম প্রান্তস্থ কাশ্মীর উপসাগরের তীর হইতে প্রারম্ভ হইয়া প্রায় একটি কটিপ্ৰস্থের মত মালব দেশ, মধ্য ভারতবর্ষ, বৃন্দেল খণ্ড এবং পশ্চিমোত্তর প্রদেশের হমীরপুর, বঁাদা, এলেহাবাদ ও মির্জাপুর দিয়া বাঙ্গালা প্রদেশে রাজমহল-সমীপে পর্য্যবসিত হইয়াছে।

নদ-নদী।

এ প্রদেশের নদ-নদীর মধ্যে গঙ্গা ও যমুনা-ই বৃহৎ। আর আর যে সকল, তাহা ইহারই উপনদী, এবং তন্মধ্যে অনেকগুলি নাব্য নহে।

গড়ওয়ালের স্থানীয় বৃত্তান্ত না জানিলে গঙ্গা ও যমুনার উদ্ভব-বিবরণ সবিশেষ ছদ্গত হয় না, সুতরাং উহাদের উদ্ভব-বিবরণ-প্রসঙ্গাধীন প্রথমতঃ গড়ওয়ালের বিষয় কিঞ্চিৎ লেখা যাইতেছে।

এ প্রদেশের পশ্চিমোত্তর কোণে “গড়ওয়াল” নামে একটি পার্বত্য প্রদেশ আছে; তাহার উত্তরে হিমাচল, যাহার অপর দিক হইতে তিব্বৎ রাজ্যের প্রারম্ভ; পূর্বদিকে কমাঠ বিভাগ; দক্ষিণে মিরঠ বিভাগস্থ ছেরাদুন ও পঞ্জাব প্রদেশাধীন স্থান; এবং পশ্চিমে শতদ্রু-নদী, যাহার অপর তীরে পঞ্জাবভুক্ত পার্বত্য প্রদেশ।

গড়ওয়ালের পূর্ব-দক্ষিণাংশ ব্রিটিশ-রাজাধীন, এবং পশ্চিমোত্তরাংশ এক আশ্রিত রাজার অধীন। ব্রিটিশ গড়ওয়ালের প্রধান স্থান “ত্ৰীনগর”; উহা কমাঠ বিভাগের প্রধান নগর অলমোড়ার বায়ুকোণে ৫০ ক্রোশ দূরে অলকনন্দার বামতীরে সংস্থিত। এবং স্বাধীন গড়ওয়ালের রাজধানী “টেরী”; উহা ত্ৰীনগরের পশ্চিমে, কিঞ্চিৎ উত্তরাংশে ২২ ক্রোশ দূরে ভাগীরথীর বামতীরে সংস্থিত।

১৪ উত্তর পশ্চিম অঞ্চলের ভূরূপান্তর ।

টেরীর পূর্বদিকে কিন্তু কিঞ্চিৎ উত্তরাংশে ৪৮ ক্রোশ ব্যবহৃত, এবং ত্রীনগরের ঈশানকোণে ৪০ ক্রোশ ব্যবহৃত “বিষ্ণু প্রয়াগ” * নামে একখানি গ্রাম আছে, তাহার ১৮ ক্রোশ উত্তরে “বজ্রীনাথ” † এবং বায়ুকোণে ৩৫ ক্রোশ দূরে “কেদারনাথ” ‡ কেদারনাথ ও বজ্রীনাথ উভয়ই আৰ্য্যদিগের মহাতীর্থ ।

কেদারনাথের মন্দির এক পৰ্ব্বত-শৃঙ্গে প্রতিষ্ঠিত ; উহার প্রতিমূর্তি মহিষের নিভষাকার, এবং উহার মন্দিরের সম্মুখিত “রৈতকুণ্ড,” “বিষ্ণুকুণ্ড” এবং “সূর্য্যকুণ্ড” প্রভৃতি কতিপয় কুণ্ড আছে ; ঐবেদশিক যাত্রীরা ঐ সকল কুণ্ডে স্নানতর্পণ করে । কেদারনাথের ৬ ক্রোশ উত্তরে “হিমালিঙ্গেশ্বর” নামে একটি শিব-লিঙ্গ এক মন্দির-মধ্যে স্থাপিত আছে, এবং তাহার আবহিত উত্তর হইতে “ধবল-গিরির” প্রারম্ভ ।

বজ্রীনাথের মন্দির এক সুরম্য প্রান্তর মধ্যে বিষ্ণু †

* গড়ওয়ালে পাঁচটি প্রয়াগ আছে, যথা—“বিষ্ণু প্রয়াগ” “নন্দপ্রয়াগ” “কর্ণপ্রয়াগ” “রুদ্রপ্রয়াগ” এবং “দেব-প্রয়াগ” । এই সকল প্রয়াগ “পঞ্চপ্রয়াগ” বলিয়া বিখ্যাত, এবং আৰ্য্যদিগের তীর্থ-মধ্যে পরিগৃহীত ।

† বজ্রীনাথকে কেহ কেহ “বজ্রীনারায়ণ” ও “নরনারায়ণ” ও বলে । গড়ওয়ালের যে বিভাগে বজ্রীনাথের মন্দির প্রতিষ্ঠিত, সেই বিভাগ দিয়া “বিষ্ণু” এবং “সরস্বতী” নদী আড়া-আড়ি প্রবাহিত হইতেছে । বিষ্ণু ও সরস্বতী এই উত্তর প্রদেশ প্রাচীনকালে “বদরিকাশ্রম” বলিয়া বিখ্যাত ছিল ।

‡ স্থানীয় লোকে ইহাকে “বিষ্ণুগঙ্গা” বলে ।

নদীর দক্ষিণতীরে প্রতিষ্ঠিত ; ঐ গ্রামের পূর্ব পশ্চিম দুই দিকে দুইটি উচ্চ-শৃঙ্গ পর্বত, বিষ্ণু নদী হইতে ঠিক যেন সমদূরে একটি দক্ষিণ পাশে একটি বামপাশে সংস্থিত । এবং উত্তর দিকের দূরবর্তী পর্বত হইতে বিষ্ণু নদী নিঃসৃত হইয়া, মন্দ মন্দ গতিতে বঙ্গীনাথের মন্দিরের নিকট দিয়া, দক্ষিণাভিমুখে প্রবাহিত হইয়া বিষ্ণু প্রয়াগে ধৌলী নদীর সহিত মিলিত হইয়াছে । বঙ্গীনাথের প্রতিমূর্তি চতুর্ভুজ, তাহার বাম দিকে লক্ষ্মী ও অর্জুনের মূর্তি যথাক্রমে স্থাপিত আছে । প্রথিত এই যে, এই খানেই মহর্ষি বেদব্যাসের প্রধান আশ্রম ছিল ।

বিষ্ণু প্রয়াগের ঈশানকোণে অনূ্যন ৩০। ৩৫ কোণে ব্যবহিত “নীতিঘাটা” নামে একখানি গ্রাম আছে, উহা, কমাঠ হইতে তিব্বৎ রাজ্য যাওয়ার যে পথ, তাহার ধারে সংস্থিত । অপর ঐ গ্রামের অধিকোণে কিঞ্চিৎ ব্যবহিত হিমাচল হইতে “ধৌলী” নামে একটি নদী নির্গত হইয়া প্রথমতঃ দক্ষিণাভিমুখে তৎপরে দক্ষিণ-পশ্চিমাভিমুখে, এবং পরিশেষে পশ্চিমোত্তরাভিমুখে প্রবাহিত হইয়া, বিষ্ণু প্রয়াগে বিষ্ণু নদীর সহিত মিলিত হইয়াছে । বিষ্ণু প্রয়াগ একখানি ক্ষুদ্র গ্রাম, অত্যল্প লোকের বসতি, সঙ্গম-সমীপে সংস্থিত, উহার প্রাকৃতিক শোভা অতীব মনোহর, দুইটি নদীর মিলিতধার ঐ স্থানে একরূপ বেগে প্রবাহিত হইতেছে, বোধ হয়, তৃণগাছা উহার পড়িলেও যেন খণ্ড খণ্ড

হইয়া যায় । অপর বিষু প্রয়াগ হইতে ঐ মিলিতধার “অলকনন্দা” নাম ধারণ করত দক্ষিণাভিমুখে আদক্রোশ ভ্রমণানন্তর জ্যোতীমঠের * নিকট আইসে । “জ্যোতী-মঠ” কমায়েঁর অন্তর্গত একখানি পল্লিগ্রাম, অলকনন্দার বাম তীরে এবং নীতিঘাটীর পথের ধারে সংস্থিত, উহার পতনোন্মুখ প্রস্তরময় গৃহগুলি স্থানের প্রাচীন-ত্বের অন্যতম চিহ্ন, ঐ স্থানে অনেক গুলা মন্দির আছে, তন্মধ্যে নরসিংহ, সূর্য্য, বিষু এবং গণেশের মন্দিরই অপেক্ষাকৃত প্রসিদ্ধ । জ্যোতীমঠ হইতে অলকনন্দা কিঞ্চিৎ পশ্চিম-বাহিনী, কিন্তু সামান্যতঃ দক্ষিণ-বাহিনী ১২ ক্রোশ ভ্রমণানন্তর, বামতীর হইতে “নন্দ-গঙ্গা” নামে একটি উপনদী গ্রহণ করে, ঐ সঙ্গম “নন্দ-প্রয়াগ” বলিয়া বিখ্যাত, এবং নন্দপ্রয়াগ হইতে দক্ষিণ পশ্চিমাভিমুখে ১০ ক্রোশ ভ্রমণ করিলে, বামতীর দিয়া “পিণ্ডার” উছায় মিলিত হয়, ঐ স্থানকে “কর্ণপ্রয়াগ” বলে । কর্ণপ্রয়াগ ত্রীনগরের পূর্বদিকে, কিন্তু কিঞ্চিৎ উত্তরাংশে প্রায় ১২।২০ ক্রোশ ব্যবহিত । ততঃপর

* প্রথিত আছে, গড়ওয়ারালের জনৈক জ্যোতিষী ব্রাহ্মণ এই স্থানে নরসিংহের একটি মূর্তি স্থাপন করাতেন, ইহার নাম “জ্যোতিষীমঠ,” অপভ্রংশে জ্যোতীমঠ হয় । অপর স্থানীয় সন্ন্যাসিরা চারিটি মঠে বাসোন্মুখে আপন আপন পরিচয় দিয়া থাকে, যথা—“জ্যোতীমঠ,” “পাকীমঠ,” “অধিমঠ,” এবং “নানকমঠ,” কিন্তু ইহার মধ্যে “জ্যোতীমঠ” এবং “অধিমঠ” ই অপেক্ষাকৃত প্রসিদ্ধ ।

অলকনন্দা পশ্চিমবাহিনী হইয়া ১২ ক্রোশ ব্যবধানে দক্ষিণতীর হইতে “মন্দাকিনী” নামে একটি উপনদী গ্রহণ করে, ঐ সঙ্গম “কঙ্গপ্রয়াগ” বলিয়া প্রসিদ্ধ ।

মন্দাকিনী কেদারের অনতিদূরে হিমাশ্রিত হিম-সংহতি হইতে নিঃসৃত হইয়া, দক্ষিণাভিমুখে ২৫। ২৬ ক্রোশ ভ্রমণানন্তর, কঙ্গপ্রয়াগে অলকনন্দার সহিত মিলিত হয় । ইহার উপর “অগস্ত্যমুনি” এবং “অধিমঠ” নামে দুইখানি প্রসিদ্ধ গ্রাম আছে । কঙ্গপ্রয়াগের ৫ ক্রোশ উত্তরে মন্দাকিনীর বামতীরে অগস্ত্যমুনি সংস্থিত, ঐ স্থানে অগস্ত্যমুনির প্রতিমূর্তি-সহিত একটি মন্দির আছে, অধিত এই যে, ঐ খানেই অগস্ত্যমুনির আশ্রম ছিল । অগস্ত্যমুনির ৮ ক্রোশ উত্তরে মন্দাকিনীর বামতীরে “অধিমঠ” সংস্থিত, অধিমঠে অনেক মন্দির আছে এবং অনেক পরম হংস বাস করে । অধিমঠের এক ক্রোশ নীচে মন্দাকিনীর সহিত “পাতালগঙ্গা” মিলিত হইয়াছে । ঐ সঙ্গমের দেড় ক্রোশ উপরে পাতালগঙ্গার বামতীরে “গুপ্তকাশী” সংস্থিত, গুপ্তকাশীতেও কাশীর মত অনেক নিবলিঙ্গ স্থাপিত আছে ।

অপর কঙ্গপ্রয়াগ হইতে অলকনন্দা দক্ষিণ-পশ্চিমাভিমুখে ১১ ক্রোশ ভ্রমণ করিয়া ত্রীনগরে আইসে, এবং ত্রীনগর হইতে প্রথমতঃ ৫ ক্রোশ পশ্চিমাভিমুখে, তৎপরে ৮ ক্রোশ দক্ষিণাভিমুখে প্রবাহিত হইলে, দক্ষিণতীর দিয়া “ভাগীরথী” উহার মিলিত হয় । ঐ সঙ্গমের

নাম “দেবপ্রয়াগ” এবং ঐ প্রয়াগই পঞ্চপ্রয়াগের মধ্যে প্রধান প্রয়াগ বলিয়া পরিগণিত ।

ও দিকে “ভাগীরথী” • হিমালয়ের আভ্যন্তরিক হিমালয় হইতে নিঃসৃত হইয়া গঙ্গোত্রীর সম্বন্ধিত পরিদৃষ্ট হয় । “গঙ্গোত্রী” স্বনাম-খ্যাত একটি মন্দির, গড়ওয়াল প্রদেশে “ভাগীরথীর” দক্ষিণ তীরে সংস্থিত, এবং উহার প্রভব হইতে পশ্চিমে ৬ ক্রোশ, কেদারের উত্তরে, কিঞ্চিৎ পশ্চিমাংশে ১৬ ক্রোশ, এবং জীনগরের উত্তরে কিঞ্চিৎ পশ্চিমাংশে অনূন ৭০ ক্রোশ ব্যবহৃত । ঐ মন্দিরে গঙ্গা এবং ভাগীরথীর প্রতিমূর্তি স্থাপিত আছে, এবং উহার সম্মুখে ব্রহ্মকুণ্ড, বিষ্ণুকুণ্ড প্রভৃতি কতিপয় কুণ্ড আছে । অপর যে ঠেলে-

* আধুনিক ভূগোল-বেত্তারা একটি বিশাল ভ্রমে পতিত হইয়াছেন, তাহারা “ভাগীরথী” নামে গঙ্গার একটি শাখানদী কল্পনা করিয়া, মুর্শিদাবাদের অধঃপ্রবাহিতা নদীটিকে ঐ নামে নির্দেশ করেন, বস্তুতঃ তাহা নয়, ভাগীরথী নামে গঙ্গার কোন শাখানদী নাই, মুর্শিদাবাদের অধঃপ্রবাহিতা নদীটি গঙ্গার মুখ্যপ্রবাহ, তবে যে উহাকে “ভাগীরথী” বলে, তাহার কারণ এই যে, গঙ্গা সাধারণতঃ “ভাগীরথী” নামেও অভিহিত । অপর বোরালীয়ার মীচ দিয়া যে নদীটি প্রবাহিত, এবং যাহাকে উল্লিখিত ভূগোল-বেত্তারা গঙ্গা মনে করেন, বাস্তবিক তাহা নয়, সেটি “পদ্মা” নামে গঙ্গার একটি শাখা নদী, এবং তাহার কিঞ্চিৎ দূর দক্ষিণ দিয়া “মহানন্দা” নামে আর একটি শাখানদী প্রবাহিত হইত, কিন্তু কালসহকারে সে নদীটি পদ্মার সহিত মিলিত হইয়া, একগুণে উভয় নদীর মিলিত ধার পদ্মা নামেই বিখ্যাত ।

বিদার হইতে ভাগীরথী ঐ স্থানে বেগাতিশয়ে নির্গত হইতেছে, তাহা গাভীর মুখাকৃতি সদৃশ, তজ্জন্যই বোধ হয়, বাহারা ভাগীরথী এবং গঙ্গাতে কোন ভিন্ন-ভাব করে না, তাহারা গঙ্গাকে “গোমুখী” বলিয়া থাকে। গঙ্গোত্তরীতে বাসোপযোগী স্থানাভাবে অত্যাঙ্গ খাত্তী তথায় যায়, এবং তথাকার জল অতিশয় পবিত্র বলিয়া, প্রত্যাগমন কালে তাহারা কাচকূপীতে করিয়া জল লইয়া আইসে।

গঙ্গোত্তরী হইতে ভাগীরথী পশ্চিমোত্তর-বাহিনী ৫ ক্রোশ ভ্রমণ করিয়া টেতরব ঘাটে আসিলে, দক্ষিণতীর দিয়া “জাহ্নবী” * উহার মিলিত হয়, ঐ স্থানে সমধিক উচ্চতাবশতঃ দুইটি নদী একরূপ বেগে প্রবাহিত হইয়া মিলিত হইতেছে যে, তদৃষ্টে দর্শির মনে একটি আকস্মিক অনিবার্ধ্য শঙ্কার উদয় হয়। অতঃপর ভাগীরথী প্রথমতঃ কতকদূর পশ্চিমাভিমুখে এবং তৎপরে দক্ষিণ-পশ্চিমাভিমুখে ১০ ক্রোশ ভ্রমণানন্তর “সুখীর” নিকট আসিয়া, প্রকৃত হিমালয় হইতে বহির্গত হয়। “সুখী” স্বাধীন গড়ওয়ালের এক পল্লিগ্রাম, ভাগীরথীর দক্ষিণ-তীরে সংস্থিত। সুখী হইতে ভাগীরথী অত্যন্ত বক্র-

* গড়ওয়ালের প্রায় সকল তীরেই দাক্ষিণিক ভ্রমণ বাস করে, জাহ্নবীর প্রতি তাহাদিগের এতাদৃশী ভক্তি যে, “মরণং জাহ্নবীতটে” এই বাক্যাংশটি তাহাদিগের মধ্যে সাধারণতঃ প্রচলিত, কিন্তু বোধ হয়, এতদ্বারা “গঙ্গাতট”ই জ্ঞাপ্য, কেননা জ্ঞান সামান্যতঃ “জাহ্নবী” নামেও আখ্যাত।

ভাবে কিন্তু সামান্যতঃ দক্ষিণাভিমুখে ৩৫ ক্রোশ ভ্রমণ করিয়া সুরটের নিকট আইসে, এবং তথা হইতে ৬ ক্রোশ ব্যবধানে “অলকর” নামে একটি উপনদ গ্রহণ করিয়া, ঐ সঙ্গের ৪ ক্রোশ নীচে “টেরী” সম্বন্ধিত “স্তিলঙ্গ” কর্তৃক সম্মিলিত হয়। “টেরী” স্বাধীন গড়ওয়ালের রাজধানী, ভাগীরথীর বামতীরে সংস্থিত, তক্রতা প্রাসাদ এবং চূর্ণ যৎসামান্য, নয়নাকর্ষক নহে। টেরী হইতে ভাগীরথী দক্ষিণ-পূর্বাভিমুখে ২২ ক্রোশ ভ্রমণ করিয়া দেবপ্রয়াগে অলকনন্দার সহিত মিলিত হয়, ঐ স্থানে ভাগীরথী উত্তর দিক হইতে সবেগে, এবং অলকনন্দা পূর্বদিক হইতে মন্দ মন্দ গতিতে, একরূপ কোশলে মিলিত হইয়াছে, তাহাতে বোধ হয় দেবপ্রয়াগ ঠিক যেন এক সমকোণের উপর সংস্থিত। দেবপ্রয়াগ অতিশয় মনোরম স্থান, এবং গড়ওয়ালের অন্যান্য তীর্থাপেক্ষা অধিক লোকালয়, ঐ স্থানে দক্ষিণিক ব্রাহ্মণ অপেক্ষাকৃত অধিক, এবং যে সকল মন্দির আছে, তন্মধ্যে রামচন্দ্রের মন্দিরই প্রসিদ্ধ, উহার রামচন্দ্রের একটি প্রতিমূর্তি প্রায় ৪ হাত উচ্চ, এবং তাহার সম্মুখে গজদেবের মূর্তি স্থাপিত আছে।

অনন্তর দেবপ্রয়াগ হইতে ভাগীরথী এবং অলকনন্দার মিলিত ধার “গঙ্গা” নাম ধারণ করিয়া দক্ষিণাভিমুখে ৫ ক্রোশ ভ্রমণানন্তর “নয়র” নামে একটি বৃহৎ উপনদ গ্রহণ করে, ঐ সঙ্গম “বাসি ঘাট” বলিয়া প্রসিদ্ধ। অতঃপর গঙ্গা বক্রভাবে কিন্তু সামান্যতঃ পশ্চিমবাহিনী

হইয়া, ১২ ক্রোশ ভ্রমণানন্তর “হুযীকেশে” আসিয়া পার্বত্য প্রদেশ পরিত্যাগ পূর্বক প্রকৃত প্রান্তরে পতিত হয়, এবং তথা হইতে দক্ষিণাভিমুখে কতক দূর প্রবাহিত হইয়া, সুসঁয়া নদকে গ্রহণ করত, হরিদ্বারের নিকট আইসে। “হরিদ্বার” যাহার আর একটি নাম “গঙ্গা-দ্বার,” সহারণপুরের ঈশানকোণে ১৮ ক্রোশ ব্যবহিত গঙ্গার দক্ষিণতীরে এবং শিবালিক প্রদেশে সংস্থিত। ঐ স্থানে সাংখ্যকার কপিল মুনির আশ্রম ছিল, এবং ঐ স্থান সপ্ত পুরীর মধ্যে পরিগৃহীত হওয়ায়, অর্যাদিগের একটি মহাতীর্থ। গঙ্গার যে সকল ঘাট আছে, তন্মধ্যে “কুশারতের ঘাট” অতিশয় প্রসিদ্ধ, ঐখানে ঠেদৈশিক যাত্রিরা পিতৃতর্পণ এবং পিণ্ডদান করে। প্রতিবৎসর চৈত্রমাসে হরিদ্বারে একটি মেলা হয়, তাহাতে অনেক লোক সমবেত হয়, এবং দ্বাদশ বর্ষের পর মহা সমারোহে যে মেলাটি হয়, এবং যাহাকে ‘কুস্তুর মেলা’ বলে, তাহাতে দূরাদূরের অনেক যাত্রী, নানাবিধ পণ্যা-জীব ও সুসজ্জানী বটাবীক এবং গ্রন্থিভেদক একত্রিত হয়; এমন কি, কখন কখন ২০।২২ লক্ষ লোক আগত হয়। হরিদ্বারের আদ্যক্রোশ দক্ষিণে, গঙ্গার দক্ষিণ-তীরে “মায়াপুর” নামে একটি স্থান আছে, ঐ স্থানে দক্ষরাজার রাজধানী কীর্তিত হইয়া থাকে। এক্ষণে তথায়

* দ্বাদশ বর্ষের পর কুস্তুরাশিতে বৃহস্পতির সফার হওয়ায় বৃহস্পতি এবং সূর্যের মিলনোপলক্ষে এই মেলাটি হইয়া থাকে।

কেবল মায়া দেবী (পীঠবিশেষ) এবং ঠেঁয়সীর প্রতিমূর্তি স্থাপিত আছে। মায়াপুরের আদিক্রোশ দক্ষিণে “কঙ্কাল”, কঙ্কাল প্রায় একটি উপনগরের মত লোকালয়, এবং আর্ষা-দিগের একটি তীর্থ, এখানে ঠেঁয়সীর যাত্রিদিগের দর্শনীয় দক্ষিণে শিবলিঙ্গ এবং সতীকুণ্ড অপেক্ষাকৃত প্রসিদ্ধ। অপর হরিদ্বার, মায়াপুর এবং কঙ্কালের সম্মুখে গঙ্গা দুইটি উপদ্বীপদ্বারা তিনটি প্রণালীতে বিভক্ত হইয়া, আবার কতকদূর পরে একধারেই মিলিত হইয়াছে। উহার অপরতীরে একটি ক্ষুদ্র পর্বত আছে, তাহাকে “চণ্ডীর পাছাড়” বলে, বস্তুতঃ সেটি শিবালি-কের ঐকদেশিক, তাহার অধিতাকায় এক মন্দির মধ্যে “চণ্ডীর” এক খানি প্রতিমূর্তি অঙ্কিত আছে।

কঙ্কালহইতে গঙ্গা প্রথমতঃ দক্ষিণাভিমুখে এবং তৎপরে দক্ষিণ-পূর্বাভিমুখে প্রবাহিত হইয়া, বিজর্নার এবং গিরঠের জেলা দিয়া নানাতিরেক ৯০ কোশ ভ্রমণানন্তর অনুপশহরে আইসে। “অনুপশহর” বাঙ্গালা প্রদেশস্থ লাল বাবুর অধিকার-ভুক্ত, বলন্দ শহরের অন্তর্গত একটি ভহসীল, গঙ্গার দক্ষিণতীরে সংস্থিত, এ স্থানে গঙ্গা পূর্ববাহিনী, উহার দক্ষিণ পাশে অনুপশহর এবং উত্তর পাশে একটি প্রশস্ত পুলিন * ।

* আদি ১৮৬৫ খৃঃ অকে সেকেন্দ্রারাজ হইতে মুরাদাবাদ হইতে অনুপশহর দিয়া গিয়াছিল। আবার ১৮৬৭ খৃঃ অকে মুরাদাবাদ হইতে আলিগড়ে আসিবারকালে, এ পথেই আসি-মাছি, সুতরাং দুইবার আমাকে এ পুলিন দিয়া গভীরত

অতঃপর গঙ্গা পূর্ববাহিনী অন্যান ৬০ ক্রোশ ভ্রমণ-
নস্তুর করে খাবাদের জেলায় প্রাচীন কনৌজ নগরের
আড়পাড়ের “রামগঙ্গা” নামে একটি বৃহৎ উপনদীকে
গ্রহণ করে, এবং ঐ স্থানের তিন ক্রোশ নীচে দক্ষিণ-
তীর দিয়া কালীনদী ও শেখোক্ত সঙ্গমের ১৫ ক্রোশ
নীচে “ঈশান” নদ যথাক্রমে উহায় মিলিত হইলে,
ঈশান সঙ্গম হইতে গঙ্গা স্থানাতিরেক ১২৫ ক্রোশ
ভ্রমণনস্তুর এলেছাবাদে আইসে, এবং তথায় দক্ষিণতীর
হইতে “যমুনাকে” গ্রহণ করিয়া যথাক্রমে মির্জাপুর,

করিতে হইয়াছে। পুলিনটি অতিশয় বিস্তীর্ণ, উহাতে উদীর,
কাশ এবং মধো মধো দুই একটি বাবলা বৃক্ষ ভিন্ন, আর
কিছুই দৃষ্টিগোচর হয় না। অপর অনূপনহরের অদূরবর্তি
পরপার হইতে ৫ ক্রোশ ব্যবহিত গাঁওয়া নামে একখানি ক্ষুদ্র
গ্রাম আছে, ঐ স্থানে একটি পথিকাগ্রাম আছে, উহাকে
লোকালয় দেখিয়া আগাততঃ প্রকৃত তীরবর্তি বোধ হইতে পারে,
কিন্তু অভিনিবেশের সহিত দেখিলে, তাহার বিপর্যয়ই বোধ
হয়। ঐ গ্রামের ১৬ ক্রোশ উত্তরে “সম্বল” নামে এক বিধ্বং-
শিতপ্রায় প্রাচীন নগর আছে, সেই নগরটি প্রকৃত তীরবর্তী।
যে হেতু গাঁওয়া হইতে সেই নগর পর্য্যন্ত যে একটি প্রশস্ত প্রান্তর
আছে, তাহার স্মৃত্তিকা কেবল পলি-স্তর, সুতরাং তাহাতে যদিও
স্থানে স্থানে অনেক বৃক্ষ এবং লোকালয় দৃষ্ট হয়, কিন্তু প্রাচীন
বলিয়া কিছুই গ্রাহ্য হয় না; প্রাচীন ষত চিহ্ন তাহা সেই সম্বলে
গেলেই লক্ষিত হয়, বিশেষতঃ ইহাও বিবেচনার স্থল যে, সম্বল
পৃথী-রাজের রাজধানী ছিল। তৎকালিক লোকের গঙ্গার প্রতি
যাদৃশী ভক্তি, তাহাতে পৃথীরাজ গঙ্গার অব্যবহিত তীর ভিন্ন,
কখন একগণকার মত ২১ ক্রোশ ব্যবধানে নগর স্থাপন করেন
নাই, অতএব গঙ্গা যে কোন কালে সম্বলের অধঃপ্রবাহিতা ছিল,
তৎপক্ষে অণুমাত্রও সন্দেহ নাই, একণে কাল সহকারে দক্ষিণ
দিকে ক্রমশঃ ভাঙ্গিতে ভাঙ্গিতে অনূপনহরের নিকট আসি-
য়াছে, এবং উত্তর দিক পলিস্তর হওয়ার লোকালয় হইয়াছে।

চুণার, বারানসী এবং গাজীপুরের নিকট দিয়া বাঙ্গলা প্রদেশে প্রবাহিত হয় ।

এ প্রদেশের যে কয়েকটি প্রসিদ্ধ নগর এবং উপনগর গঙ্গাতটে সংস্থিত, তাহার অন্তর্গত—হরিদ্বার, কঞ্চল, গড়মুক্তেশ্বর, আমুপ-শহর, ফরোখাবাদ, কনৌজ, কাণপুর, এলেহাবাদ, মির্জাপুর, চুণার বা চণ্ডালগড়, বনারস এবং গাজীপুর ।

“যমুনা”, ইহার আর একটি নাম কালিন্দী, স্বাধীন গড়ওয়ালে গঙ্গোত্রীর পশ্চিমে ৩৫ ক্রোশ ব্যবহিত “যমুনোত্রী” অর্থাৎ কতিপয় ক্ষুদ্র ক্ষুদ্র পরী-বাহ সংযোগে প্রাপ্তাবয়ব হইয়া, প্রথমতঃ দক্ষিণাভি-মুখে ৫ ক্রোশ ভ্রমণান্তর “বিরাই গঙ্গাকে” গ্রহণ করে, এবং তথা হইতে পশ্চিমাভিমুখে ৪ ক্রোশ প্রবা-হিত হইলে, “বদীর” নামে একটি উপনদ উহার মিলিত হয়, ঐ স্থান হইতে পুনরায় দক্ষিণাভিমুখে দেড় ক্রোশ ভ্রমণ করিলে “বনাল”, তথা হইতে ৫ ক্রোশ ব্যবধানে “কমলদহ”, এবং শেষোক্ত সঙ্গম হইতে ৩ ক্রোশ ব্যবধানে “রিকনা” যথাক্রমে উহার মিলিত হয় । অতঃপর যমুনা রিকনা সঙ্গম হইতে ৬ ক্রোশের পর “খুতনী”কে এবং তথা হইতে ৮ ক্রোশের পর “অগুলর”কে গ্রহণ করত, ১০ ক্রোশ ভ্রমণ করিলে “তুন্স” উহার মিলিত হয় ; যমুনার পার্শ্বতা উপনদ মধ্যে তুন্সই রহেৎ । অপর, তুন্স সঙ্গম হইতে যমুনা ৬ ক্রোশ ব্যবধানে “গিরি” নদীকে গ্রহণ করত, কতক দূর ভ্রমণান্তর রাজঘাটে আইসে

“রাজঘাট” ছেরাদূমের অন্তর্গত এক পল্লিগ্রাম, ছেরা-
 দূমের পশ্চিমে কিষ্কিৎ দক্ষিণাংশে ৭ ক্রোশ ব্যবহিত
 যমুনার বামতীরে সংস্থিত। রাজঘাট হইতে কিষ্কিৎ
 বাবধানে অস্ন নদকে গ্রহণ করিয়া, যমুনা বাদশা-
 মহালে প্রবিষ্ট হয়। বাদশা মহালে খেজরার সম্বিহিত
 যমুনার বামতীর হইতে, দিল্লীর সম্রাট ফিরোজ তুগ্লক
 ১৩৫৬খৃঃঅঙ্গে একটি খাল খনন করাইয়া, মুজফ্ফর নগরের
 অন্তর্গত শ্যামলী এবং মিরঠের অন্তর্গত বাগপতের নিকট
 দিয়া, দিল্লীর সম্বিহিত যমুনার সহিত সংযোগ করান।
 এবং ঐ খাল-নির্গমের ৩৫ ক্রোশ নীচে বুড়িয়ার সম্বি-
 হিত যমুনার দক্ষিণতীর হইতে আলিমর্দান খাঁ আর
 একটি খালের আরম্ভ করান, কিন্তু তাহা অসম্পূর্ণ থাকায়,
 ১৮১৭ খৃঃঅঙ্গে লর্ডহেষ্টিংস তাহা খনন করাইয়া, পঞ্জাব
 প্রদেশাধীন কর্ণালের জেলা দিয়া, দিল্লীর নিকট মাতৃ-
 নদী যমুনার সহিত সংযোগ করান।

অপর, যমুনা বাদশামহাল হইতে সূন্যাতিরেক ১০০
 ক্রোশ ভ্রমণ করিয়া দিল্লীর নিকট আইসে। “দিল্লী”
 যমুনার দক্ষিণতীরে সংস্থিত, ঐ স্থানে যমুনা পূর্বোক্তর
 হইতে আসিয়া, কতক দূর পর্য্যন্ত দক্ষিণ-বাহিনী হই-
 য়াছে, উহার পশ্চিম পাশে দিল্লী, এবং পূর্ব পাশে
 একটি পুলিন। ঐ পুলিন হইতে যমুনা যে দিক হইতে
 আসিতেছে, সেই দিকে একবার দৃষ্টিপাত করিলে, ধূ ধূ
 করে, এবং দিল্লীর দিকে যখন অবলোকন করা যায়,
 তখন উহার প্রাচীন সুদৃঢ় লোহিতাশ্ব-তুর্গ, উন্নত

২১ উত্তর পশ্চিম অঞ্চলের ভূরত্নান্ত ।

প্রাকার, প্রশান্ত গোপুর এবং উত্তর দিকস্থ অরণ্যবৎ
বিধ্বংসিত বিজন নগর (যে স্থান যুধিষ্ঠিরদিগের ক্রীড়া-
স্থান বলিয়া এখনো কীর্তিত হইয়া থাকে) এককালে
সমুদয় ঐতিহাসিক কথা স্মরণ করিয়া দেয় । তখন নানা
প্রকার চিত্তার পর একটি ঔদাস্য জন্মে, এবং সাংসারিক
পদার্থে ছেয় জ্ঞান হয় ।

অতঃপর যমুনা দক্ষিণ-পূর্বাভিমুখে প্রবাহিত হইয়া
বৃন্দাবন এবং মথুরার সন্নিধান দিয়া, আগরার নিকট
আইসে, ও তথা হইতে পূর্বাভিমুখে পরিভ্রমণ করত,
এলেছাবাদের নিকট গঙ্গার সহিত মিলিত হয়, এবং
দিল্লী হইতে এলেছাবাদ পর্য্যন্ত যে ব্যবধান, তাহার
মধ্যে “হিন্দন,” “চম্বল” “বেতেয়া” এবং “কেন”
প্রভৃতি কতিপয় উপনদীকে গ্রহণ করে ।

যমুনা-তটে যে সকল প্রসিদ্ধ নগর এবং উপনগর সংস্থিত,
তাহার অরুক্রম—দিল্লী, বৃন্দাবন, মথুরা, মোকুল, আগরা,
এটাওয়া, কাপ্পী, হমীরপুর এবং এলেছাবাদ ।

“রামগঙ্গা”—কম্বায়ু পর্বত হইতে নির্গত হইয়া
প্রথমতঃ পশ্চিম-দক্ষিণাভিমুখে, তৎপরে কিঞ্চিৎ উত্তর
ও উত্তর-পশ্চিমাভিমুখে, এবং পরিশেষে দক্ষিণাভিমুখে
কিন্তু সামান্যতঃ দক্ষিণ-পূর্বাভিমুখে প্রবাহিত হইয়া,
মুরাদাবাদের সন্নিধান দিয়া, বদায়ু জেলায় আলা-
পুরের অনতিদূরে বামতীর হইতে “কৌশল্যা” নদীকে
গ্রহণ করে, এবং তথা হইতে অযোধ্যা-প্রদেশে প্রবিষ্ট
হইয়া, বেল গ্রামের সন্নিহিত “গরী” নদকে গ্রহণ করত,

ফরেখাবাদের জেলায় প্রাচীন কনৌজ নগরের অপর তীর দিয়া, গঙ্গায় মিলিত হয় ।

“কৌশল্যা”—অলগোড়ার উত্তরে কমাঠ পর্বত হইতে নির্গত হইয়া, প্রথমতঃ দক্ষিণাভিমুখে, তৎপরে পশ্চিমাভিমুখে এবং পুনরায় দক্ষিণাভিমুখে প্রবাহিত হইয়া, মুরাদাবাদের অন্তর্গত কাশীপুরের কিঞ্চিৎ ব্যবহিত পূর্বদিক দিয়া, রামপুরে আইসে । “রামপুর” স্বাধীন রামপুর রাজ্যের রাজধানী, কৌশল্যার বামতীরে সংস্থিত, ঐখানে এক নবাব এবং অনেক ভাগ্যবন্ত মুসলমান বাস করেন । রামপুর হইতে কৌশল্যা দক্ষিণাভিমুখে প্রবাহিত হইয়া, “জুরা” এবং “সকরা”কে গ্রহণ করত, বদায়ুঁ জেলায় আলাপুরের পূর্বদিকে তিন ক্রোশ ব্যবহিত, রামগঙ্গায় মিলিত হয় ।

“জুরা” এবং “সকরা” এই দুইটি ক্ষুদ্র নদী মৈনীতালের পশ্চিমে হিমালয় হইতে নির্গত হইয়া, দক্ষিণাভিমুখে ভ্রমণ করত, বরেলীর নিকট দিয়া, কৌশল্যার সহিত মিলিত হয় ।

“গরী”—কমাঠ পর্বত হইতে দক্ষিণাভিমুখে প্রবাহিত হইয়া পিলিভীত এবং শাজাহাপুরের নিকট দিয়া, অযোধ্যা প্রদেশে বেলখানের সম্মিলিত রামগঙ্গায় মিলিত হয় ।

“কালীনদী”—মুজফ্ফর নগরের অন্তর্গত খতৌলী পরগণায় শিবালিক পর্বত হইতে নির্গত হইয়া, মিরঠ, বন্দুশহর, আশিগড়, এটা এবং মৈনপুরীর জেলা দিয়া

২৮ উত্তর পশ্চিম অঞ্চলের ভূবৃত্তান্ত।

প্রাচীন কনৌজ নগরের তিন ক্রোশ নীচে গঙ্গায় মিলিত হয়।

“গোমতী”—শাজাহাপুরের অন্তর্গত এক হ্রদ হইতে বিনির্গত হইয়া, অযোধ্যা প্রদেশে প্রবেশ করত, লক্ষণৌ এবং মুলতান-পুরের সন্নিধান দিয়া, জৌনপুর জেলায় গঙ্গার সহিত মিলিত হয়।

“ঘর্ঘর” (সামান্যতঃ হাগরা এবং স্থান-বিশেষে সরযু) নেপালের পশ্চিমে হিমাচল হইতে নিঃসৃত হইয়া, প্রথমতঃ দক্ষিণাভিমুখে তৎপরে পূর্বাভিমুখে প্রবাহিত হইয়া অযোধ্যা প্রদেশে খেড়াগড়, বহেরাম ঘাট, ফৈজাবাদ এবং প্রাচীন অযোধ্যা নগরীর নিকট দিয়া, উত্তর-পশ্চিমাঞ্চলে প্রবিষ্ট হয়, এবং আজমগড় ও গোরখপুরের সীমা বিভাগ করত, গাজীপুরের অন্তর্গত বিষ্ণুপুরের সন্নিহিত গঙ্গায় মিলিত হয়। গঙ্গার উপনদী-মধ্যে ঘর্ঘরই রহেৎ।

“শোণ” বা “শোণভদ্র”—বাকুলপুরের উত্তরে সূন্যভিরেক ৫০ ক্রোশ ব্যবহিত বেল্‌হারির সন্নিহিত বিষ্ণ্যাচল হইতে নিঃসৃত হইয়া, পূর্বাভিমুখে মির্জাপুরের সীমা দিয়া, বাঙ্গলা প্রদেশাধীন দানাপুরের অনতিদূরে গঙ্গায় মিলিত হয়, ইহার বালুকা-শয্যার কোন দ্রব্য কিছুদিন পর্য্যন্ত পড়িয়া থাকিলে প্রস্তুরে পরিণত হয়।

“হিন্দন”—শিবালিক পর্বত হইতে নির্গত হইয়া প্রায় ৮০ ক্রোশ ভ্রমণানন্তর, মিরঠের জেলায় ঘমুনার সহিত মিলিত হয়।

“চম্বল” — মালব রাজ্যে বিক্ষাচল হইতে নির্গত হইয়া, প্রথমতঃ পশ্চিমোত্তরাভিমুখে ইন্দর এবং বিধ্বংসিত অবন্তী নগরীর অনতিদূর দিয়া, আশ্রিত কোটা রাজ্যের রাজধানীর নিকট আইসে, এবং তথা হইতে পূর্বোত্তর-বাহিনী ও পরিশেষে ধোলপুরের কিঞ্চিৎ ব্যবধানে পূর্ববাহিনী হইয়া, এটাওয়ার ২০ ক্রোশ নীচে যমুনায় মিলিত হয়, ইহার উপনদী-মধ্যে কালিসিন্ধুই রহে ।

কালিসিন্ধু অবন্তীর অগ্নিকোণে কিঞ্চিৎ ব্যবহিত বিক্ষাচল হইতে নির্গত হইয়া, রাজপুতানায় ইন্দ্রগড়ের অনতিদূরে চম্বলে মিলিত হয় ।

“বেতোয়া” — (বেতাবতীর অপভ্রংশ) — ছুপাল রাজ্যে বিক্ষাচল হইতে নির্গত হইয়া, হমীরপুরের সম্বিহিত যমুনায় মিলিত হয় ।

“কেন” — বাকুলপুর জেলায় বেলহারির পশ্চিমে বিক্ষাচল হইতে নিঃসৃত হইয়া, প্রথমতঃ উত্তরাভিমুখে তৎপরে পশ্চিমাভিমুখে এবং পরিশেষে পুনরায় উত্তরাভিমুখে প্রবাহিত হইয়া, বাদার জেলায় চিলতারার নিকট যমুনায় মিলিত হয় ।

গঙ্গার প্রধান খাল ।

সহারণপুরের অন্তঃপাতী হরিদ্বারের সম্মিহিত গঙ্গা হইতে একটি খাল খাত হইয়া, উহা মুজফ্ফর নগর, মিরঠ এবং বলন্দশহরের জেলাদিয়া, আলিগড়ের অন্তর্গত নানৌ গ্রামের নিকট দুইটি প্রণালীতে বিভক্ত হয় । নানৌ আলিগড়ের পূর্বদিকে ৭ ক্রোশ ব্যবহিত গঙ্গার খালের বামপাশে সংস্থিত । অপর, নানৌ হইতে দক্ষিণ দিকের প্রণালীটি মৈনপুরী এবং এটাওয়ার জেলাদিয়া, জালৌনের অন্তর্গত কাণ্পী উপনগরের নিকট যমুনার সংযোজিত হয় । এবং বামদিকের প্রণালীটি মৈনপুরী ও ফরোখাবাদের জেলা দিয়া কাণপুরের সম্মিহিত গঙ্গায় সম্মিলিত হয় । আর একটি খাল, যাহা কতেগড়ের খাল বলিয়া আখ্যাত, মুজফ্ফর নগরের অন্তঃপাতী জৌলী গ্রামের নিকট হইতে খাত হইয়া অনুপশহর পর্য্যন্ত আনীত হইয়াছে, অতঃপর ফরোখাবাদে গঙ্গায় সহিত সংযোজিত হইবে । অপর এই দুইটি খাল হইতে অনেক উপখাল খাত হওয়ার, এ প্রদেশের কৃষিকার্য্য এক্ষণে বিলক্ষণ বর্দ্ধনশীল ।

প্রাকৃতিক বিভাগ ।

পার্বত্য প্রদেশ, হিমালয় প্রদেশ, ঐকদেশিক গঙ্গা-
প্রদেশ *, অন্তর্বেদ †, ঐকদেশিক যমুনা প্রদেশ এবং
গঙ্গা প্রদেশ ।

“পার্বত্য প্রদেশ”—কমায়ু এবং গড়ওয়াল ।

“হিমালয় প্রদেশ”—তরাই, এবং ছেরাদুন ।

“ঐকদেশিক গঙ্গা প্রদেশ”—বিজনৌর, মুরাদা-
বাদ, বরেনী, শাজাহাপুর, এবং বদায়ুঁ ।

“অন্তর্বেদ”—সফারগপুর, মুজফ্ফর নগর, নিরঠ,
বলন্দশহর, আলিগড়, এটা, মৈনপুরী, করেখাবাদ,
মথুরা, আগরা, এটাওয়া, কাণপুর, ফতেপুর এবং
এলেহাবাদ ।

“ঐকদেশিক যমুনা-প্রদেশ”—বাঁদা, হমীরপুর,
সাঁসী এবং অংশতঃ আগরা ও মথুরা ।

“গঙ্গা প্রদেশ”—মির্জাপুর, জৌনপুর, বনারস
এবং গাজীপুর ।

—০—

* এই প্রদেশের কোন কোন স্থান আর্ষাদিগের রাজত্বকালে
নিষ্ঠাসিতের আশ্রয় ছিল ।

† গঙ্গা এবং যমুনার মধ্যবর্ত্তি স্থানকে অন্তর্বেদ বলে,
এজকালে উহাকে “দোয়াবা” বলে ।

স্থানিক প্রকৃতি ।

এপ্রদেশে চারিটি ঋতুর অনুভব হয়,—যথা শীত, বসন্ত, গ্রীষ্ম এবং বর্ষা । কাৰ্ত্তিকের শেষ হইতে ফাল্গুনের প্রথম ভাগ পর্য্যন্ত শীত ঋতুর অবস্থিতি । এই ঋতুতে ছুরন্ত শীতের প্রাচুর্ভাবে স্থান-বিশেষে রাত্রিকালে গৃহমধ্যে অগ্নিকুণ্ড রাখিতে হয়, এবং সায়েৎ ও প্রাতঃকর্ম উষ্ণজলে করিতে হয় । অপর, পৌষের শেষ হইতে মাঘের কতক দিন পর্য্যন্ত, দূর্বার উপর তুষার সমুদয় চূর্ণবৎ বিক্ষিপ্ত দৃষ্ট হয় । ফাল্গুনের শেষ হইতে বসন্ত-সমাগম কিঞ্চিৎ কিঞ্চিৎ অনুভূত হয়, কিন্তু উহার স্থিতি অল্পকাল, চৈত্রের শেষ হইতে না হইতেই আবার নিঃশেষিত হইয়া যায় । এর পর, শ্রাবণের প্রথম ভাগ পর্য্যন্ত তাপ-মুখ গ্রীষ্ম ক্রমশঃ শরীর দহন করিতে থাকে । এই সময়ে আতপের প্রাথর্যো দিবান্তাগের অধিকাংশ গৃহদ্বার বন্ধ রাখিতে হয়, এবং রাত্রিকালে প্রশস্ত অঙ্গনে, রাজপথে বা ছাদের উপর শয়ন করিতে হয়, গৃহমধ্যে শয়ন করা নিতান্ত কষ্টসাধ্য । অপর, পূর্বাঙ্ক হইতে একপ্রকার শরীর-শোষক ভয়াবহ বায়ু বহিতে থাকে, তাহাকে স্থানীয় লোকে “লুহু”* বলে । লুহু-স্পৃষ্ট ব্যক্তি অভ্যঙ্গপক্ষেই গতানু হয় । এবং সামান্যতঃ টেকালে বা কখন কখন নিশাযোগে একপ্রকার চক্রবাত দ্বারা

* “লুহু” রাজপুতানার প্রান্তর হইতে উৎখিত হয় ।

ধূলি-রাশি গগনমার্গে উস্থিত হইয়া ভাসমান ঘনমেঘের মত দৃষ্ট হয়, তাহাকে এ প্রদেশে “অঁধি” বলে । অঁধি দ্বারা এক ঘণ্টা বা দেড় ঘণ্টা পর্য্যন্ত দিবা ভাগ এককালে অন্ধকারময় হয়, অবশেষে অঁধির ধূলিরাশি হয়তো ক্রমে ক্রমে পতিত হইয়া, বহিঃশয়ানদিগের অসুখ-দায়ক হয়, নতুবা প্রবল বায়ু দ্বারা এরূপ বেগে সঞ্চালিত হইতে থাকে যে, তন্নিমিত্ত কতক্ষণ পর্য্যন্ত গৃহদ্বার বন্ধ রাখিতে হয় । অতঃপর শ্রাবণের শেষ হইতে বর্ষা ঋতুর প্রারম্ভ । সে সময়ে বৃষ্টি যদিও সান্ত্বনা-কর বটে, কিন্তু তৎপূর্বে এমন একটি নির্ঝাঁত উপস্থিত হয় যে, তদ্বারা প্রাণ ওষ্ঠাগত প্রায় হয় ।

বসন্ত এবং গ্রীষ্ম ঋতুতে প্রায়শঃ পশ্চিম-বায়ু বহে, এবং শীত ও বর্ষা ঋতুতে পূর্ব-বায়ুর সহিত প্রায়ই মেঘের সঞ্চার হইয়া থাকে । পূর্ব-বায়ুকে নিতান্ত অস্বাস্থ্যকর বলিয়া এ প্রদেশের লোকের হৃদ্বোধ ।

তরাই, গোরখপুর, বাঁদা, হমীরপুর, বাঁসী, জালোন, ললিতপুর, এবং আগরা, মথুরা ও অজমেরের কোন কোন স্থান ভিন্ন, এ প্রদেশের অন্যান্য প্রায় সকল স্থানের জল-বায়ুই স্বাস্থ্যকর ।

—০—

আধিভৌতিক ।

শীত ঋতুর শেষে এ প্রদেশের প্রায় সকল স্থানেই উলকা পাত হইয়া থাকে, বিশেষতঃ হিমালয় ও পার্বত্য

প্রদেশে কখন কখন এত অধিক উল্কাপাত হয় যে, তদৃষ্টে, বোধ হয়, যেন হাওই ছুটিতেছে ।

শাসনপ্রণালী ও রাজস্ব ।

এ প্রদেশ, একজন প্রতিনিধি শাস্তা এবং তদধীন আটজন ভারাপিত সচিব কর্তৃক অনুশাসিত হইতেছে, প্রতি জেলায় প্রয়োজন মত চিহ্নিত এবং অচিহ্নিত কর্মচারী নিযুক্ত আছে। এতদ্বির রাজধানীতে একটি উচ্চতম বিচারালয় আছে, তাহাতে কেবল পুনর্বিচার-প্রার্থনা গৃহীত হয়। বার্ষিক রাজস্ব প্রায় পাঁচ কোটি; তাহা ভূমি, মাদক, স্ট্যাম্প এবং অন্যান্য প্রকার শুল্ক হইতে সংগৃহীত হয় ।

আর্য্যবংশীয় শ্রেণী ভেদ ।

“সন্নাত্য ব্রাহ্মণ”—ইহারা এই প্রদেশোদ্ভব, ইহাঁ-দিগের সংখ্যা অধিক ।

“সারস্বত ব্রাহ্মণ”—ইহারা হস্তিনা-পুরের পশ্চিমোত্তর সরস্বতী প্রদেশোদ্ভব, ইহাঁদিগের সংখ্যা অপেক্ষাকৃত অল্প ।

“কান্যকুব্জ ব্রাহ্মণ”—ইহারা কনৌজ নগরী এবং তৎসম্বন্ধিত স্থানোদ্ভব, ইহাঁদিগের সংখ্যাও অধিক ।

“গৌড়ীয় ব্রাহ্মণ”—ইহাঁদিগের পূর্ব পুরুষ প্রাচীন গৌড়রাজ্যের অধিবাসী, এপ্রদেশের প্রায় সকল জেলাতেই ইহাঁদিগের বসতি এবং সংখ্যাও অধিক । ইহাঁদিগের সম্বন্ধে প্রবাদ এই যে, যৎকালে হস্তিনা-পুরে রাজা জনমেজয় মহা সমারোহে অশ্বমেধানুষ্ঠান করেন, ইহাঁদিগের পূর্ব পুরুষেরা সেই সময়ে বঙ্গদেশ হইতে আহৃত হইয়া, তদবধি এপ্রদেশে বাস করিতে লাগিলেন, অতঃপর এ শ্রেণীর অবশিষ্ট যে সকল ব্রাহ্মণ বঙ্গদেশে ছিলেন, তাঁহারা বঙ্গাধিপ আদিশূর এবং তদীয় রাজ্যী কনৌজ-রাজ-চুহিতা চন্দ্রাবতী কর্তৃক অবজ্ঞাত হওয়ার, ভয়ান্তঃকরণে এপ্রদেশে আসিয়া স্থানে স্থানে অবস্থিত হন ।

“গুজরাট্টী” বা “গুজরাতি ব্রাহ্মণ”—ইহাঁরা গুজরাট্ট হইতে আসিয়া, এ প্রদেশে বসতি করেন ।

“কাশ্মীরী ব্রাহ্মণ”—ইহাঁরা কাশ্মীর হইতে আসিয়া এ প্রদেশে অবস্থিত হন ।

“চতুর্বেদী ব্রাহ্মণ” অপভ্রংশে “চোবে” বলিয়া বিখ্যাত, ইহাঁদিগের সংখ্যা অতি অল্প, ইহাঁরা কেবল মথুরা এবং তৎসম্বিহিত স্থানেই বাস করেন এবং প্রায়ই অনক্ষর ও তীর্থরত্নাবলম্বী ।

“ছত্রী”—ইহাঁরা ক্ষত্রিয় কুলোদ্ভব, ইহাঁদিগের সম্বন্ধে প্রবাদ এই যে, যৎকালে পরশুরাম নিঃক্ষত্র করিতে দৃঢ়প্রতিজ্ঞ হইয়াছিলেন, ইহাঁরা তখন পলায়িত হইয়া,

রূপাকৃতি।

কাশ্মীরী ও গুজরাট্টী ব্রাহ্মণ, ছত্রী, বাগিয়া এবং মুসলমান ভিন্ন গৌরবর্ণ জাতি বিরল। পুরুষ প্রায়শঃ মধ্যাকৃতি, মহিলাগণ সুগোলাঙ্গী এবং প্রমাণ-কায়া, বিশেষতঃ পার্শ্বত্যা প্রদেশীয় কামিনীকুল সর্বদাঙ্গীণ সুন্দরী।

—০—

শারীরিক ও মানসিক শক্তি।

এ প্রদেশের লোক স্বভাবতঃ অতিশয় বলবান, কিন্তু উহাদিগের মনীষা-শক্তি তাদৃশ প্রকৃতি-বিশিষ্টা নহে।

এটিও একটি প্রাকৃতিক নিয়ম পর্য্যালোচনার স্থল, যে জীব যেরূপ পরিমাণে এক বিষয়ে ভূষিত হয়, সে সেই পরিমাণে অন্য বিষয়ে হইতে বঞ্চিত থাকে।

—০—

স্বভাব।

কায়েত ভিন্ন আর্যবংশীয় অবশিষ্ট শ্রেণীর লোক সরল-মতি, কিন্তু ক্রোধী; মুসলমানেরা কুটিল-স্বভাব, অপব্যয়ী, তোষামোদ-প্রিয় এবং সাহসী।

—০—

ধর্ম ।

আর্ষাদিগের মধ্যে ঠেশব এবং ঠেশবই অধিক, শাক্ত
অপেক্ষাকৃত জন্ম এবং ঠেশম তদপেক্ষাও জন্ম ।

ঠেশবদিগের মধ্যে বলভাচারী এবং রামানন্দী ভিন্ন, অন্য
কোন সাম্প্রদায়িক প্রায় দৃষ্ট হয় না ।

মুসলমানদিগের কোরাণ-প্রোক্ত ধর্ম । কোরাণের
মূল সূত্র এই যে—

“ ওয়াহিদ্ লাশরিকা লোহ্ । ”

অর্থাৎ তিনি এক এবং অংশী বিহীন ।

এতদ্ভিন্ন পরলোক সত্য, ঐশিক দূত সত্য, তৎপ্রকা-
শিত পুস্তক সত্য এবং মহম্মদ ঐশিক দূত-শ্রেষ্ঠ,
এগুলিও কোরাণোক্ত ।

অপর, মুসলমানেরা প্রধানতঃ দুই সম্প্রদায়ভুক্ত, যথা
“ শিয়া ” এবং সুন্নি । ধর্মপ্রবর্তক মহম্মদের চারি জন
বিপদ-সহায় বন্ধু ছিলেন, যথা আবুবেকর সিদ্দীক *,
উমর, ওসমান এবং আলি † । মহম্মদের মৃত্যুর পর,
যাঁহারা কেবল আলিকেই তৎস্বরূপ স্বীকার করিলেন,
তাঁহারাি “ শিয়া ” নামে খ্যাত, এবং যাঁহারা উপ-

* ইনি মহম্মদের স্বশুর হইতেন ।

† ইনি ————— হইতেন ।

রোক্ত চারিজনকেই তৎস্থানীয় জ্ঞান করিলেন, তাঁহারা “সুন্নি”।

উল্লিখিত প্রত্যেক সম্প্রদায় আবার অনেক উপসম্প্রদায়ে বিভক্ত। শিয়া সম্প্রদায়ে যত উপসম্প্রদায় আছে, তন্মধ্যে উসূলি, আকবরি, জয়েদীয়ে, ইমামিয়ে, খেতাবিয়ে, শাইলিয়ে এবং ইয়াকুবিয়েই প্রধান, এবং সুন্নি সম্প্রদায়ের ওহাবী ও বিদতি প্রধান।

— ০ —

ভাষা।

এ প্রদেশে প্রচলিত ভাষা হিন্দী এবং উর্দু, হিন্দী দেবনাগরী অক্ষরে এবং উর্দু পারসীক অক্ষরে লিখিত হইয়া থাকে। হিন্দী সংস্কৃতমূলক, উর্দু যদিও অনেক ভাষা হইতে সম্ভূত, কিন্তু উহার মূলাংশ পারসী এবং আরাবি।

উর্দু ভাষার উৎপত্তি।

আরবি ভাষায় উর্দু শব্দের অর্থ সৈন্য, যৎকালে তৈমুরবংশীয় সম্রাটগণ দিল্লী নগরে রাজধানী স্থাপন করেন, তাঁহাদিগের উর্দুতে অর্থাৎ সৈন্যে নানাদেশীয় লোক নিযুক্ত ছিল, এবং তাৎকালিক দিল্লীস্থ পণ্যাজীব-দিগের ভাষা কেবল হিন্দীই ছিল।

৩ পণ্যাজীবদিগের পরস্পর প্রয়োজন বশতঃ নানা ভাষার সম্মিলনে আর একটি নূতন ভাষা উৎপন্ন হইয়া, ক্রমে ক্রমে এরূপ ব্যবহারিক হইয়া উঠিল যে শাজাহান গাদশার রাজত্বকালে উর্দু অন্য উর্দু উর্দু নামেই অভিহিত হইল। অবশেষে ইংরাজদিগের এপ্রদেশে রাজ্যোদয় হইতে উর্দু কমায়ে বিভাগ ভিন্ন অন্যান্য সকল স্থানের ধর্ম্মাধিকরণে প্রচলিত হওয়ায় নানা অলঙ্কারে ভূষিত হইয়া আসিতেছে। অপর, কায়েত এবং নগরবাসী মুসলমান ভিন্ন, এ অঞ্চলের অধিক লোক এই ভাষায় অনভিজ্ঞ।

শিক্ষা বিভাগ।

এক জন উপদেষ্টা, তদধীন পাঁচ জন তত্ত্বাবধায়ক, চারি জন সহকারী তত্ত্বাবধায়ক, বালিকা ও দেশীয় শিক্ষয়িত্রী বিদ্যালয় পরিদর্শনার্থে একজন তত্ত্বাবধায়িকা এবং প্রতি জেলায় এক এক জন প্রতিনিধি ও তদধীন দুই তিন করিয়া অধঃস্থ প্রতিনিধি তত্ত্বাবধায়কের সহকারে শিক্ষাকার্য্য-নির্ব্বাহ করিতেছেন।

উপবিভাগীয় তত্ত্বাবধায়কদিগের প্রধান আধিবেশনিক নগর, যথা--বনারস, আগরা, মিরঠ, অলমোড়া এবং আজমের। ইহার মধ্যে প্রথমোক্ত তিন, এবং শেষোক্ত উপবিভাগে এক এক জন সহকারী তত্ত্বাবধায়ক

নিযুক্ত আছেন। বনারস এবং অজমেরে তত্ত্বপ্রধান বিদ্যালয়ের অধ্যক্ষদিগের প্রতি এবং অলমোড়ায় জটনক মৈনিক পুরুষের প্রতি উপবিভাগীয় তত্ত্বাবধায়কের কর্ম অর্পিত।

— ০ —

হল্কাবন্দী প্রথা।

পরম্পর সম্বিহিত কতিপয় গ্রামে একটি হল্কা অর্থাৎ চক্রবাড় হয়, এইরূপ চক্রবাড়ে এ প্রদেশের শিক্ষা-বিভাগ বিভক্ত। চক্রবাড়স্থ কোন এক প্রধান গ্রামে একটি বিদ্যালয় স্থাপিত হইলে, তাহাকে “হল্কাবন্দী বিদ্যালয়” বলে। অধঃ শ্রেণীর বালক-শিক্ষাই এপ্রকার বিদ্যালয়ের প্রধান উদ্দেশ্য, হল্কাবন্দী বিদ্যালয়ে কেবল হিন্দী ভাষাই অধীত হয়, এবং উহার ব্যয়-নির্বাহার্থে ভূস্বামিকারিগণ শতকরা এক টাকা করিয়া প্রদান করেন। রাজ-কোষের যে ভাণ্ডে উক্ত শিক্ষা-কর সংগৃহীত হয়, তাহাকে “হল্কাবন্দী ফণ্ড” বলে, তাহা হইতে যে সকল ব্যয় করিতে হয়, তাহা শিক্ষা-বিভাগের উপদেষ্টার কর্তৃত্বাধীন।

— — —

বিদ্যালয়ের শ্রেণী ভেদ ।

হলকাবন্দী বিদ্যালয় এবং কলেজ ভিন্ন, এ প্রদেশে তিন প্রকার বিদ্যালয় আছে, যথা,—“তহসিলী বিদ্যালয়,” “ইংরাজি এবং দেশীয় ভাষার বিদ্যালয়” এবং “প্রধান বিদ্যালয়” । যে বিদ্যালয় তহসীলে সংস্থাপিত তাহাকে “তহসিলী বিদ্যালয়” বলে, তাহাতে কেবল হিন্দীভাষা পঠিত হয়, এবং তাহার সমুদয় ব্যয় রাজকোষ হইতে নির্বাহিত হয় । রাজ-ব্যয়ে এবং স্থানীয় সাহায্যে, ইংরাজি ও উর্দু ভাষা অধ্যয়নার্থে প্রধান প্রধান উপনগরে যে সকল বিদ্যালয় আছে, তাহাকে “ইংরাজি এবং দেশীয় ভাষার বিদ্যালয়” বলে । এবং নগরস্থ বিদ্যালয়েয় নাম “প্রধান বিদ্যালয়,” উহার আংশিক ব্যয় রাজকোষ হইতে ও আংশিক ব্যয় স্থানীয় শুল্ক-ভাণ্ড হইতে প্রদত্ত হয়, উহার সহিত এক একটি “ছাত্রাবাস” থাকে, তাহাতে হলকাবন্দী এবং তহসিলী বিদ্যালয়ের রুত্তি-প্রাপ্ত ছাত্রগণ ইংরাজি অধ্যয়নার্থে বাস করে ।

স্ত্রী শিক্ষা ।

স্ত্রী শিক্ষা-প্রচলন পক্ষে এপ্রদেশের লোকের অল্প কুসংস্কার থাকায়, স্ত্রী শিক্ষার বিলক্ষণ উন্নতি দৃষ্ট হয়, বালিকাবিদ্যালয় প্রায় চারিশত হইবে, তন্মধ্যে তিনটি

শিক্ষয়িত্রী বিদ্যালয় আছে, তাহা আলিগড়, আগরা, এবং বনারসে প্রতিষ্ঠিত ।

—০—

কলেজ ।

এ প্রদেশে পাঁচটি কলেজ নিম্নলিখিত স্থানে স্থাপিত আছে, যথা, বনারস, আগরা, বরেনী এবং অজমের । এতদ্ভিন্ন সম্প্রতি এলেহাবাদে একটি কলেজ সংস্থাপন জন্য তত্রত্য স্থানীয় সভার বিশেষ উদ্যোগে সাধারণ দান সংগৃহীত হইতেছে ।

টোল ।

এ প্রদেশে টোলকে “শালা” বলে । বনারস ভিন্ন, অন্যত্র স্থানে অতি অল্প শালা দৃষ্ট হয়, এবং ধনি-রাও সংস্কৃত ভাষার উন্নতি পক্ষে বিশেষ যাত্নিক নহেন । যাজকতা-উপজীব্য ব্রাহ্মণগণ সারস্বত-চন্দ্রিকার “শঙ্ক-সন্ধি” পড়িয়া দশ-কর্ম করাইতে পারিলেই পৌরো-হিত্যে বরণ পাইয়া থাকেন । যদি কেহ অধিক অধ্যয়নের ইচ্ছা করেন, তবে তিনি বনারসে গিয়া সিদ্ধান্তকৌমুদী আরম্ভ করেন । ইদানীং ইদানীন্তন বৈয়াকরণাশ্রয় পণ্ডিতবর শ্রীযুক্ত তারানাথ তর্কবাচস্পতি মহাশয়ের সিদ্ধান্তকৌমুদী এ প্রদেশে প্রচলিত ।

মক্তব ।

আরবি ভাষাতে বিদ্যালয়কে “মক্তব” বলে । ইহা পাঞ্জাব প্রদেশের পল্লিগ্রামীয় গুরু মহাশয়দিগের প্রাচীন পদ্ধতির পাঠশালা সদৃশ । এ প্রদেশে এক্ষণে বিদ্যালয়ের সংখ্যাও অল্প নয়, যেহেতু জর্নৈক মউল-বিকে ৩।৪ টাকা করিয়া মাসিক বেতন দেওয়ার সুযোগ হইলেই একটি মক্তব স্থাপিত হইতে পারে, ইহাতে কেবল পারস্য ভাষাই অধীত হয়, এবং স্কুল্যার-মতি গার্ব্য-বালকদিগের এই স্থানেই প্রথমতঃ বিদ্যারম্ভ হয়, তাহার ঠাণ্ডাকাল হইতে “বিস্মোল্লা হর হযেনির-হীমের” তো কথাই নাই. “মহম্মদ নবিয়ৌমে অফজল” বলিয়া উপদিক্ত হয় । আবার অধিক হুঃখের বিষয় এই যে, এ প্রদেশে সুদীর্ঘকালস্থায়ী বঙ্গ-গামী আর্ধ্যগণও এই সঙ্ঘে যোগ দিয়া থাকেন । তাহাতে ফল এই দর্শে যে, কিয়দ্দিন অনর্থক পরিশ্রমের পর “না এদিক্, না ওদিক্” হইয়া দাঁড়ায় ।

সভা এবং সমাচারপত্র ।

এ প্রদেশের প্রায় সকল নগরেই এক একটি সভা সং-স্থাপিত আছে । এই সকল সভার অভিসন্ধি মন্দ নয়,

অধিক পরিমাণে সম্ভাবিত । বরেলীর বৈজ্ঞানিক, সভা ইহাতে একখানি মাসিক পত্রিকা পুস্তকাকারে প্রকাশিত হয়, তাহাতে বৈজ্ঞানিক বিষয় সকল সরল ভাষায় বিভাষিত হয় । সমাচার পত্র যে, এপ্রদেশে অল্প নয় ইহা বলা বাহুল্য মাত্র, যেহেতু ইহাতে গবর্ণমেন্টের বিলক্ষণ উৎসাহ দান আছে, এমন কি গবর্ণমেন্ট এক এক পত্রিকার যত খণ্ড গ্রহণ করিয়া থাকেন, তাহা রহিত হইলে, বোধ হয়, কোন পত্রিকাই স্বাভাব্যে অবলম্বনে জীবন ধারণ করিতে পারে না । অপর, গবর্ণমেন্টের গৃহীত পত্রিকা গুলি নগর ও উপনগরস্থ বিদ্যালয়ে এবং শিক্ষা-বিভাগীয় প্রত্যেক প্রতিনিধি তত্ত্বাবধায়কের নিকট প্রেরিত হইয়া থাকে ।

গ্রাম-নগর ।

এপ্রদেশের প্রায়শঃ গ্রাম-নগরই প্রাকার-বেষ্টিত এবং পুরদ্বার বিশিষ্ট, প্রাকারকে এ অঞ্চলে ‘শেহর-পনা’ এবং পুরদ্বারকে ‘ফটক’ বলে । এ অঞ্চলের প্রায় সকল স্থানেই এক একটি ‘উপরকোট’ দৃষ্ট হয়, ইহাতে স্পষ্টই বোধ হয় যে, এ অঞ্চল প্রাচীন কালে কখন নিকপদ্ভূত ছিল না । অপর, অর্গ্য-সম্ভানেরা অপেক্ষাকৃত নগর বাসানুরক্ত হওয়ার এপ্রদেশের নাগরিক শোভা অন্যত্র প্রদেশের নগরাপেক্ষা অধিক-তর দর্শনীয় ।

পথ-ঘাট ।

এ অঞ্চলে যে সকল নগরের সম্বন্ধে বিদ্যা নদ-নদী প্রবাহিত হইয়াছে, প্রায় তৎসকল স্থানেই প্রস্তরময় ঘাট আছে, বিশেষতঃ দারাগঙ্গী, বিঠুর, আগরা, মথুরা, ও হুন্দাবনের ঘাট সমুদয় বহু-ব্যয়সাধিত । পথ প্রায়ই সুপ্রশস্ত করময়, এবং মাইল-জাপক প্রস্তর বিশিষ্ট, শ্রীমুকালে পরিমিত হইলে অথবা বর্ষা-ঋতুর প্রথম বিন্দুপাতে উহা হইতে এমন একটি স্রাণ নির্গত হয় যে, তদ্বারা দ্বিজদয়ারা বিমোহিত হইতে পারে ।

অপর, যে সৎপথটির কলিকাতায় প্রারম্ভ হইয়া, পেশও-য়ারে শেষ হইয়াছে, তাহা এ অঞ্চলে প্রথমতঃ বনারসে আসিলে, তাহা হইতে দুইটি শাখা বহির্গত হইয়া, একটি গাজীপুরে এবং বকসরে যায়, তৎপরে প্রধান বর্ষা হনুমানগঞ্জ দিয়া এলেহাবাদে আইসে, তথা হইতে উহার দুইটি শাখা, একটি জৌনপুরে, একটি সুলতানপুরে বহির্গত হয় । অতঃপর প্রধান বর্ষা মুরলীগঞ্জ এবং খাগা দিয়া ফতেপুর আইসে, তথা হইতে উহার একটি শাখা বাঁদাতে যায় । ফতেপুর হইতে প্রধান বর্ষা কাণপুরে আসিলে, উহা হইতে দুইটি শাখা, একটি লক্ষণৌ এবং একটি ফেরাখাবাদে নির্গত হয়, আবার শেষোক্ত শাখার একটি প্রশাখা কনৌজে গিয়া অবসিত হয় । কাণপুর হইতে প্রধান বর্ষা শিবরাজপুর, মাখনপুর, সরায়েরীয়া, এবং এটা দিয়া সেকেন্দ্রারাও

আইসে। সেকেন্দ্রারাও আলিগড়ের পূর্বদিকে ১৪ ক্রোশ ব্যবহিত প্রধান বজ্রের দক্ষিণ ধারে সংস্থিত। এই উপনগরের পশ্চিম দিক দিয়া, মথুরা হইতে একটি সংপথ আসিয়া প্রধান বজ্রকে ভেদ করত রামঘাটে গিয়াছে, রাজপুতানা-বাসিরা দক্ষিণ রাজওয়াড়ার গঙ্গাযাত্রীরা সেই পথেই গমনাগমন করে। অপর, উভয় পথ পরস্পর ভেদিত হওয়ায়, এই স্থানে যে একটি শৃঙ্গাটক হইয়াছে, তাহার অনতিদূরে দক্ষিণ দিকে মথুরার পথের উপর ইচ্ছক-নির্মিত একটি ক্ষুদ্র সেতু আছে, ঐ সময়কালের জ্যোৎস্নীতে সেই সেতু-বাহুর উপর উপবিষ্ট হইলে, সন্নিহিত প্রান্তরের মন্দগতি সমীরণে মন প্রকৃতভাবে পন্ন হইয়া, নানা-স্থানীয় পান্থ-শ্রেণী দর্শনে স্বভাবতঃই কৌতূহলাবিষ্ট হয়। অনন্তর সেকেন্দ্রারাও হইতে প্রধান বজ্র আলিগড়ে আসিলে, উহা হইতে তিনটি শাখা, একটি বরেলীতে, একটি ফেরেখাবাদে এবং একটি মথুরাতে নির্গত হয়, আবার শেষোক্ত শাখার একটি প্রশাখা আগরাতে যায়। আলিগড় হইতে প্রধান বজ্র সোননা, খোজা, এবং সেকেন্দ্রাবাদ দিয়া গাজীয়াবাদে গেলে, উহার একটি শাখা মিরঠে বহির্গত হয়। অতঃপর প্রধান বজ্র পঞ্জাব প্রদেশাধীন দিল্লীর অভিমুখে অগ্রসর হয়। এ প্রদেশের যে সকল লোহ-বজ্র-স্থানীয় যে যে জেলার অন্তর্গত, তাহার একটি অনুক্রম এই পুস্তকের শেষ ভাগে সন্নিবেশিত হইল।

প্রান্তর ।

এ প্রদেশের প্রায় সকল স্থানেই অকুষ্ঠে বৃহৎ বৃহৎ প্রান্তর দৃষ্ট হয়, এমন কি প্রত্যেক নগর, উপনগর এবং গ্রাম প্রান্তর-বেষ্টিত বলিলেই হয়। শরৎ-চন্দ্রিকায় হরিহর্ন প্রান্তরাভিমুখে গমন করিলে স্বভাবতঃই মন প্রফুল্ল হয়, সেই সময় আবার যখন মধ্যে মধ্যে শিরীষ পুষ্পের সৌরভ অনুভূত হইতে থাকে, তখন যে, কি একটি অপূর্ব আনন্দোদয় হয়, তাহা বর্ণনাভীত।

পশু-পক্ষী ।

কমায়ু বিভাগে আরণ্য হস্তী এবং ভল্লুক কখন কখন দৃষ্ট হয়। রোহিলখণ্ডে এবং অন্তর্বেদের কোম কোন স্থানে বন্যবরাহ, বৃষ, গো, এবং মহিষ নির্ভয়ে বন-মধ্যে ভ্রমণ করে। পার্বত্য প্রদেশে এক প্রকার আরণ্য গাভী দৃষ্ট হয়, তাহার পুচ্ছে চামর প্রস্তুত হয়। উল্কাযুখী, শশক এবং কাষ্ঠমার্জার অতি সাধারণ। যুগ প্রায় সকল স্থানেই আছে, বিশেষতঃ বন্দাবনের নিকটবর্ত্তি গ্রাম সমূহে এক এক প্রকারের অনেক বৃথ-বদ্ধ হইয়া বিচরণ

* আলিগড়ের দক্ষিণে, কিঞ্চিৎ পশ্চিমাংশে ১৩ কোশ ব্যবহৃত এবং বন্দাবনের দৈশানকোণে ৭ কোশ ব্যবহৃত "বেঁসুয়া" নামে একখানি গ্রাম আছে, উহাকে "বিশ্বামিত্র-পুরণ" বলে, ঐ স্থান রাজর্ষি বিশ্বামিত্রের আশ্রম বলিয়া কীর্তিত হইয়া থাকে, উহার চতুর্দিকেই প্রান্তর, ঐ প্রান্তর মধ্যে বয়র এবং নানা প্রকার যুগ নির্ভয়ে বিচরণ করে। অপর,

করে। বিক্রা, হিমালয় ও পার্বত্য প্রদেশে ভিন্ন, ব্যাঘ্র এত অল্প যে, অন্যান্য স্থানে উহা এককালে “নাই” বলিলেও, বোধ হয়, অতুলিত হয় না। হুন্দাবন, মথুরা, আগরা, গোরখপুর, এবং কাশীর ছুর্গাবাড়ীতে বানরের উৎপাত অধিক, কিন্তু কৃষ্ণ-মুখ বানর প্রায় দৃষ্ট হয় না। অপর, বিবিধ জলচর পক্ষী ভিন্ন, অন্যান্য প্রায় সকল প্রকারের বিহঙ্গই এপ্রদেশে দেখা যায়, বিশেষতঃ কপোত, ঘুঘু, চড়ই, শালিক, গাঙ্গশালিক, কাঠকুট, খঞ্জর, শকুলু এবং চাতক অতি সাধারণ। শুক পক্ষী বাঁকে বাঁকে হুঙ্ক বা ছাদের উপর আসিয়া পড়ে। ময়ূর প্রায় সর্বত্রই আছে, বিশেষতঃ হুন্দাবনের সম্বিহিত স্থান সমূহে অপেক্ষাকৃত অধিক।

একবারকার গ্রীষ্মকালে কোন কাষাবশতঃ আমাকে ঐ গ্রামে ১০।১২ দিন অবস্থিতি করিতে হইয়াছিল, একদিন সূর্যাস্তের প্রাক্কালে আমার প্রিয়বন্ধু জীহুল অঙ্গদশাস্ত্রী এবং আমি বৈকালিক ভ্রমণে প্ররক্ত হইলাম, কতকদূর গিয়া এই সময় অপ্রসঙ্গাধীন তিনি এই শ্লোকটি বলিলেন।

“ কৃষ্ণসারঙ্গ চরতি যুগো যত্র স্বভাবতঃ।

স জ্যেয়ো বজ্রয়ো দেশো হ্রেচ্ছ দেশ শুভঃ পরঃ ॥”

তৎপরে আমি অপ্রসঙ্গাধীন এইরূপ শ্লোক বলার কারণ জিজ্ঞাস্য হওয়ায়, তিনি অঙ্গুলী দ্বারা লক্ষ্য করিয়া কিকিৎদূরে যুথ-বন্ধ কৃষ্ণসার দেখাইয়া দিলেন। আমার প্রথমতঃ মহিব-শাবক বলিয়া ভ্রম হইয়াছিল, কিন্তু আমরা করিপৃষ্ঠে আরুঢ় হিলাম, মতুর অতি নিকট হওয়ায়, দেখি যে, ঐ যুথে ছোট বড় অনূন ৬০ টি কৃষ্ণসার আছে, উহার শুরুক-বিগিষ্ট, কৃষ্ণবর্ণ, বক্রশৃঙ্গ, এবং বড় বড় গুলি অশ্বতর সদৃশ উচ্চ।

কীট পতঙ্গ ।

শস্য-নাশক পতঙ্গপাল ঠৈসনিক গমন সমূহ শ্রেণী-বদ্ধ হইয়া কখন কখন এত অধিক চলিয়া যায় যে, সমুদয় দিনেও উহার গমনের শেষ হয় না, যে রক্ষে বা শস্য-শালী ক্ষেত্রে, উহা নিলীন হয়, তাহা অভ্যঙ্গনের মধ্যেই এককালে বিস্তী হইয়া যায়। গ্রীষ্ম ঋতুতে এত মক্ষিকা যে, গৃহ-দ্বারে ঢিক না ফেলিয়া দিলে, ঘরে বসিয়া কোন রূপেই আহার করা যায় না, এবং রাত্রি কালে মশা ও ছারপোকার উপদ্রবে নিদ্রা হওয়া ভার।

—

সরীসৃপ ।

বিন্ধ্য, হিমালয় ও পার্বত্য প্রদেশ এবং রোহিলখণ্ড ও অন্তর্বেদের কোন কোন নদীপ্রদেশ ভিন্ন, অজাগর কচিং দৃষ্ট হয়। একপ্রকার সর্প সচরাচর দেখা যায় তাহাকে “দোমুখা” বলে, কিন্তু বোধ হয়, সে বিবদন্তক নহে। গৃহগোপিকা সকল স্থানেই আছে। কমায়ু বিভাগে রশ্চিক ও নির্যারে জলসর্পিণী অতি সাধারণ।

—০—

৫২ উত্তর পশ্চিম অঞ্চলের ভূরূপান্তর ।

মৃত্তিকা ।

গঙ্গা যমুনার অদূরবর্তী প্রদেশস্থ বালুকাময় মৃত্তিকা ভিন্ন, করুণ-সুরজাত মৃত্তিকা স্বভাবতঃই কঠিন, সুতরাং অনুর্বরা, কিন্তু অমপূর্বক জল-সেক-প্রক্রিয়ায়, সে দোষের কিয়ৎপরিমাণে শাস্তি হয় ।

—০—

জল-সেক-প্রক্রিয়া ।

ক্ষেত্রগর্ভে একটি কূপ খাত হইলে, তাহা হইতে অনূম বিংশতি বিঘা পরিবিক্ত হইতে পারে, এইরূপ জল-সেচনকে এপ্রদেশে “আবপানি” বলে এবং ইহা নিম্ন-লিখিত রূপে সাধিত হয় ।

ক্ষেত্রমধ্যে একটি বেদিকা নির্মিত হয়, তাহার পুরো-ভাগে একটি কূপ-পার্শ্বকদেশে একটি কোঁপাধার কুণ্ড খাত হয়, ঐ কুণ্ডকে এ অঞ্চলে “পারসা” বলে, পারসার সহিত “বরী” অর্থাৎ জলপ্রণালী সংযুক্ত থাকে, এবং বরীর সহিত তৎপাশ্চস্থিত সমূহ ক্ষেত্র খণ্ডের ক্ষুদ্র ক্ষুদ্র প্রণালী মিলিত হইয়া আপন আপন ক্ষেত্র-খণ্ডে জল বহন করে । বরীর উত্তর পাশ্চস্থিত শ্রেণীভূত ক্ষেত্র খণ্ড ভিন্ন, আর আর যে সকল ক্ষেত্র, তাহা বরীর পাশ্চস্থিত ক্ষেত্রের সহিত প্রণালী দ্বারা পরস্পর সন্মিলিত থাকায়, যথাক্রমে পরিবিক্ত হয়, এইরূপে জল-সেক-কার্য্য যদৃচ্ছা বিস্তারিত হইতে পারে ।

অপর উভয় কুণ্ড এবং বেদিকার যে দিক পৃষ্ঠদেশ, সেই দিকে কতকদূর পর্য্যন্ত ঢালু করিতে হয় এবং ঐ ঢালুর মধ্যবর্ত্তি দীর্ঘাকার একটি উচ্চ আলি রাখাতে সমুদয় ঢালু দ্বিঅংশে বিভক্ত হয়, অর্থাৎ কুণ্ডের পৃষ্ঠদেশে এবং বেদিকার পৃষ্ঠদেশে এক একটি স্বতন্ত্র ঢালু হইয়া দাঁড়ায়, এবং এক ঢালু হইতে অন্য ঢালুতে মহিবের গমনাগমন নিমিত্ত আলি-প্রান্তে পথ থাকে ।

অনন্তর বেদিকার দুই দিকে দুই খানি কাষ্ঠদণ্ড প্রোথিত হয়, তাহাকে “চুরে” বলে, এবং কৃপাভিমুখে চুরের নমন-প্রতিবেদক যে দুইটি চোক তাহাকে “গলা-য়েৎ” বলে। চুরের উপর একখানি কাষ্ঠের আলিসা থাকে, তাহাকে “মাহের” বলে, মাহেরের উপর ঠিক মধ্যস্থলে পরস্পর কিঞ্চিৎ ব্যবহিত দুইটি ক্ষুদ্র ক্ষুদ্র সরল, কীলক প্রোথিত হয়, তাহাকে “গুড়িয়া” বলে, ঐ দুইটি গুড়িয়ার মধ্যে একটি চক্র থাকে, তাহাকে “গরি” বলে, গরির রন্ধুটি লৌহময়, তাহাকে “কুম” বলে, কুম এবং গুড়িয়ার রন্ধুগত যে খিলছারা চক্র সংরক্ষিত হয়, তাহাকে “গডেরা” বলে, চক্রের উপর একগাছ রজ্জু থাকে তাহাকে “বার্ত্ত” বলে, বার্ত্তের একমুড়া চর্মপুটের সহিত, এবং আর এক মুড়া মহিব বা বলদের স্বকৃষ্ণিত মোত্রের সহিত বাঁধা থাকে, অপর যে চর্মপুটে জল উত্তোলিত হয় তাহাকে “পূর” বলে, পূর একটি রূহৎ ডোলাকার চর্মপাত্র, উহাতে প্রায় ৭।৮ কলসি জল ধরে, পূরের মুখ বন্ধ না হয় এই উদ্দেশে উহার মুখে এক লৌহ-রন্ধ,

৫৪ উত্তর পশ্চিম অঞ্চলের ভূরূপান্তর।

এবং ঐ রক্তের উপর বার্ভের গ্রন্থি নিমিত্ত এক লৌহ-অক্সিজেনাক্রান্তি থাকে, এই সমুদায় লৌহময় চর্মপুট-সহকারীকে “মাড়র” বলে। যোত্র দুই খণ্ড সুচিক্ণ কাঠ, তন্মধ্যে যে খানি মহিষদ্বয়ের স্কন্ধের উপর থাকে, তাহাকে “মাচেড়া” এবং যে খানি অধোভাগে থাকে, তাহাকে “তরোঁসি” বলে, মহিষদ্বয়ের প্রত্যেকের স্কন্ধ মাচেড়া এবং তরোঁসিতে দুই দুইটি খিল দ্বারা আবদ্ধ থাকে, তন্মধ্যে বাহিরের খিল দুইটিকে “সায়েল” এবং ভিতরের খিল দুইটিকে “পচারি” বলে।

অপর মহিষ দ্বয় বেদিকার পৃষ্ঠদেশের ঢালুর উপর দাঁড়াইয়া থাকে, চর্মপুট জল-পূর্ণ হইলে, উহারা ক্রমশঃ ঢালু-প্রান্ত পর্ষান্ত প্রচালিত হয়, তখন যে ব্যক্তি বেদিকার নিকট থাকে, সে চর্মপুট হইতে কোপাধার কুণ্ডে জল ঢালিয়া লয়, এবং মহিষ-প্রচালক সেই সময় যোত্র হইতে বার্ভের মুড়া খুলিয়া দেয়, অতঃপর চর্মপুট কুণ্ডে পাতিত হইয়া পুনর্বার প্রপূরিত হইতে থাকে, এবং ঐ অবসরে মহিষদ্বয় কুণ্ডের পৃষ্ঠ দেশের ঢালু দিয়া উঠিয়া, বেদিকার পৃষ্ঠ দেশের ঢালুর উপর পূর্ষবৎ দাঁড়াইয়া থাকে।

এইরূপ অমসাধ্য জলসেক-প্রক্রিয়ায় এবং রাজকীয় পূর্তকার্যে এতদঞ্চলীয় মৃত্তিকা সরস হইয়া ফলোৎপাদিকা হয়।

খন্দ * ।

এ প্রদেশে দুইটি নির্দিষ্ট খন্দ আছে, যথা 'রবি' এবং 'খরিক' অর্থাৎ চন্দ্র-খন্দ । আর্ধ্যমতে উত্তরা-য়ন হইতে দক্ষিণায়ন পর্য্যন্ত রবি-খন্দ, এবং দক্ষিণায়ন হইতে উত্তরায়ন পর্য্যন্ত চন্দ্র-খন্দ গণিত হইয়া থাকে, কিন্তু ইংরাজি টেবলিক বৎসরের এপ্রেল হইতে সেপ্টেম্বর পর্য্যন্ত রবিখন্দ, এবং অক্টোবর হইতে মার্চ পর্য্যন্ত চন্দ্র-খন্দ নিরূপিত হইয়াছে ।

—০—

রবি-খন্দোৎপন্ন ।

গোধূম, যব, চণক, গোজৈই, বেবাড়, অরহর, মসুর, মটর, চেয়না, ধনা, যবানী, ছোঁপ অর্থাৎ মহরী, কাশনী, পোস্ত, তামাকু, বার্তাকু, মূলা, গোবি, আঞ্জির, করলা, তরবুজ, খরবুজ, আঙ্গুর, নাসপাতী, খির্নী, ফলসা, সেব, কাঁকুড়ী, আড়ু, পলাণ্ডু, লগুন, কেশর, লোকাট, রসভরী, গুলর, আলুবোখারা, মহরা, টেঁটি, এবং চেণ্ডু ।

—০—

চন্দ্র-খন্দোৎপন্ন ।

জুয়ার, বাজরা, মক্কা, ধান্য, মোট, গাজর অর্থাৎ গুঞ্জন, মুগ, উরদু অর্থাৎ মাষকলায়, তিল, সর্ষপ, তিসী, কাঙ্গনী, নীল, ইক্ষু, কুমুম, কার্পাস, অলাবু, কুম্বাণ্ড ।

* খন্দ প্রাকৃত ভাষা, সংস্কৃত শব্দ যণ্ড ।

সূর্যকুম্বাণ্ড, কচু, শকরকন্দ, গোলআলু, গুল, রতালু, কুটি, পালক, মেথী, শিম, তকই এবং শালগম।

আকর।

চণ্ডাল-গড়ের সম্বিহিত কয়লার খনি ভিন্ন. আর আর স্থানে কোন প্রকার ধাতুর আকর প্রায় দৃষ্ট হয় না।

শিল্পজাত দ্রব্য।

এ প্রদেশের প্রায় সকল স্থানেই সতরঞ্চ অতি উত্তম প্রস্তুত হয়, মির্জাপুরের গালিচা এবং বারাণসী শাড়ী অতিশয় বিখ্যাত, মুসলমানেরা কালাবতুর কর্মে বিশেষ পারদর্শী এবং কারুকার্যে লক্ক-প্রতিষ্ঠ, বরেলীতে গৃহ-সজ্জাপযোগী কাষ্ঠ-সামগ্রী অতি উত্তম প্রস্তুত হয়, এবং স্থান বিশেষের লৌহ-দ্রব্যও প্রশংসনীয়। এতদ্ভিন্ন কনৌজ, আজমগড়, ও গাজীপুর প্রভৃতি স্থানে নানা প্রকার এতর্ * এবং ফুলেল † প্রস্তুত হয়।

* এতর্ এই কয়েক প্রকার হইয়া থাকে, যথা, (১) মজুম্বা (টঙ্গন-করিত), (২) গুলাব, ইহার করণ-প্রক্রিয়া প্রথমতঃ রাজা নূরজাহান কর্তৃক প্রকাশিত হয়, (৩) মিসক, (৪) অম্বর, (৫) গিলু (যুক্তিকা-করিত), (৬) মোতিয়া, (৭) চম্পা, (৮) চামেলি, (৯) কেওড়া, (১০) জুই, (১১) হিনা (মেকী-করিত), (১২) পানুড়ি, (১৩) অগর, (১৪) সেউতি, (১৫) থস, (১৬) মৌলসরি, (১৭) কিতনা, (১৮) কেতকী।

† ফুলেল. যথা, (১) চামেলি (২) মোতিয়া (৩) মসলা। (৪) হিনা, (৫) বাহার।

অন্তর্বাণিজ্য ।

৫৭

বহির্বাণিজ্য ।

গোধূম, সোরা, তিসী, তুলা, মীল, চিনি, সতরঞ্চ, গালিচা, এতর্ এবং ফুলেল ।

অন্তর্বাণিজ্য ।

করাসিস ছিট, ইংলণ্ড-স্থানীয় থানাডি বস্ত্র, চিনের বাসন, কাবুল অঞ্চলীয় অনার, বাদাম, পেশা, কিশমিশ, মোনাক্কা, অক্‌রোট, আক্কুর, সর্দী, সেব, তিলগোজা এবং হিং, কাশ্মীরী এবং পঞ্জাবপ্রদেশাধীন হুরপুর, লুধিয়ানা ও অমৃতশহরের শাল, জামেওয়ার, কামাল, তুস্, মলিনা এবং ধোসমা, বাঙ্গলা প্রদেশীয় তুল, মারিকেল, সুপারি, গোলমরিচ, তেজপত্র, বেশমী কাপড় এবং তসর ।

রাজকীয় বিভাগ ।

নিয়মাস্ত্রগত ।

নিয়ম-

বহির্ভূত ।

বিভাগ	বিভাগভুক্ত জেলা ।
বনারস	গোরখপুর, বস্তী, আজমগড়, গাজীপুর, জৌনপুর, বনারস, মির্জাপুর ।
এলহাবাদ	এলহাবাদ, ফতেপুর, বাঁদা, হনীরপুর, কাণপুর ।
আগরা	এটাওয়া, ফেরাখাবাদ, এটা, মৈনপুরী, আগরা, মথুরা ।
মিরঠ	আলিগড়, বলন্দশহর, মিরঠ, মুজফ্ফর-নগর, সহারণপুর, ধেরাদুন * ।
রোহিলখণ্ড	শাজাহাপুর, বরেলী, বদায়ুঁ, মুরাদাবাদ, বিজ্জোর, তরাই ।
বাঁাসী	বাঁাসী, জালোন, লালিত-পুর ।
অজমের	অজমের ।
কমায়ুঁ	অলমোড়া, শ্রীনগর ।

আনুকূলিক বিভাগ।

বিভাগ	বিভাগভুক্ত জেলা।
বনারস	গোরখপুর, বস্তী, আজমগড়, গাজীপুর, জৌনপুর, বনারস, মির্জাপুর।
এলেছাবাদ	এলেছাবাদ, ফতেপুর, বাঁদা, হমীরপুর, কাণপুর।
বাঁসী	বাঁসী, জালৌন, ললিতপুর।
আগরা	এটাওয়া, ফরোখাবাদ, এটা, টৈমনপুরী, আগরা, মথুরা।
মিরঠ	আলিগড়, বলন্দশহর. মিরঠ, মুজফ্ফর- নগর, সহারণপুর, ঘেরাদুন।
রোহিলখণ্ড	শাজাঁহাপুর, বরেলী, বদায়ুঁ, মুরাদাবাদ, বিজনৌর, তরাই।
কমায়ুঁ	অলমোড়া, জীনগর।
অজমের *	অজমের।

* এই বিভাগটি অন্য কোন বিভাগের সহিত সংলগ্ন
না হওয়ায় সর্বশেষে সন্নিবেশিত হইল।

৬০ উত্তর পশ্চিম অঞ্চলের ভূরক্তান্ত ।

নগর ও তদন্তর্গত প্রসিদ্ধ উপনগর
এবং গণগ্রাম ।

গোরখপুর বাঁশ গাঁ দেবরিয়া, মনসুরগঞ্জ, পশুনা ।

বস্তী কাশানগঞ্জ, বাঁশী, খলিয়াবাদ, দমরিয়া ।

আজমগড় দেবগ্রাম, মাল্ল, জীবনপুর, মহম্মদাবাদ,
মথ্য ।

গাজীপুর টৈয়দপুর, জমানিহা, মহম্মদাবাদ, রসরা,
বল্লিয়া ।

জৌনপুর মরিয়াছ, মৎসীগীশহর, খোড়ার, কেরা-
কোট ।

বনারস চন্দৌলী, গঙ্গাপুর, রামনগর, সুকলডি ।

মির্জাপুর, চণ্ডালগড়, ববাটসগঞ্জ, কোঁড়, চুকিয়া ।

এলেহাবাদ সেরাখু, মঞ্জুনপুর, বারে, সুরা, ফুলপুর,
কসনা, হাড়ীয়া, মেজা ।

কতেপুর, কোরা, কলাণপুর, গাজীপুর, খাগা,
খুখ্ রেক ।

বাঁদা টৈলানী, সিঁউদা, ববেরু, বুদোসা,
কমাসীন, কিরুই, মৌ ।

কাণপুর	বিল্‌ছোর, রসূলাবাদ, দেরাপুর, শিবরাজ- পুর, আকবরপুর, বিঠোর, ভয়ীপুর, দাতম- পুর, নরওয়াল ।
কাঁসী	মোট, গরতা, মোঁ ।
জালোন	মাধুগড়, আট্টা, কাল্পী, কুঁচ, ওরাই ।
ললিতপুর	মেঢ়োঁনী, তালবেহট, নরহট ।
এটাওয়া	ভরখনা, ফফুন্দ, ডুলেল নগর ।
করোঁখাবাদ	কনৌজ, আলিগড়, ছিব্রামোঁ, কায়েম- গঞ্জ, ঠাট্টিয়া তিরওয়া ।
এটা	কাশগঞ্জ, আলিগঞ্জ, শোরোঁ ।
টৈমনপুরী	মুস্তফাবাদ, শেকোঁয়াবাদ, কর্হল, ডুগ্রাম ।
আগরা	কর্হা, ফতেপুর সিকুরী, ইরাদৎ নগর, এয়েৎমাদপুর, ফতেয়াবাদ, ফিরোঁজাবাদ, পেনাহট্ট ।
মথুরা	হন্দাবন, কোঁসী, মাঠ, চোঁহাট্টা, মহাবন, গোকুল, সৈয়দাবাদ ।
আলিগড়	অত্রৌলী, গন্ধিরী, হাতরস, মুরসান, সেকেঁজারাও, আকরাবাদ, খয়ের, টপ্পল ।
বলন্দশহর	খুরজা, সেকেঁজাবান, অরুপশহর, ডিবাহী ।

মিরঠ	সেরধনা, মোওনা, বাগপত, গাজীয়াবাদ হাপুর ।
মুজফ্ফর নগর	শামলী, কুচানা, জান্‌সট ।
সহারনপুর	রুরকী, নুকড়, দেববন্দ ।
দেহরাদুন	বশুরী, কলসী ।
শাজ্জাহাপুর	কোঠার, পুবায়া, তিলহর ; আলানাবাদ ।
বরেলী	পিলিভীত, মীরগঞ্জ, মবাবগঞ্জ, আঁওলা, বহেড়ী, ফরিদপুর, বিম্‌লপুর ।
বদায়ুন	বিসৌলী, গুরোর, দাতাগঞ্জ, সাহে- সোয়ান ।
মুরাদাবাদ	সন্তুল, বিলারী, হোসনপুর, অমরোহা, কাশীপুর, ঠাকুরদোয়ারা (ঠাকুরদ্বার) ।
বিজ্‌নোর	মজীয়াবাদ, মগিনা, ধামপুর, চান্দপুর, সেরকোট ।
ভরাই	কজপুর, কিলপুরী ।
অলমোড়া	চমপাৎ, গিধড়াগড়, লৌহগড়, টেননী- ডাল, হলদাউনী ।
শ্রীনগর	পিওড়া, বউধান ।
অজমের	মেহেরওয়াড়া, মসীরাবাদ, রামশর, টাটগড়, বেওড় ।

বনারস বিভাগ* ।

বনারস বিভাগের উত্তরে নেপাল রাজ্য ও গণ্ডকী নদী, পূর্বসীমায় বাঙ্গালা প্রদেশাধীন বেহার ও পালান্দৌ, দক্ষিণে রিয়ার আশ্রিত রাজ্য এবং পশ্চিমে এলেকাবাদ ও অযোধ্যা প্রদেশ । লোকসংখ্যা ৭০,৩০,৭৩৬, গ্রামসংখ্যা ৩৮,২৭১, রাষ্ট্র (অন্তর্ভুক্ত ভূমি) ৩,৮৫,৫৭,৬৩০ ।

এই বিভাগে গঙ্গা, ঘর্ষর, গোমতী, রাবতী এবং শোণভদ্র প্রভৃতি কয়েকটি নদী প্রবাহিত হইতেছে। মৃত্তিকা অতিশয় উর্বরা এবং লোক প্রায়শঃ সুখশালী ।

—০—

গোরখপুর ।

জেলা গোরখপুরের উত্তরে নেপাল রাজ্য ও গণ্ডকী নদী, পূর্বসীমায় বাঙ্গালা প্রদেশাধীন শারণ (ছাপরা), দক্ষিণে আজমগড়, এবং পশ্চিমে বস্তী । লোকসংখ্যা ২১,৩৫,৭৫৭, গ্রামসংখ্যা ৮,২৯৩, রাষ্ট্র ৮১,২৩,৬১৪ ।

তহসীল । পরগণা ।

মনসুরগঞ্জ হবেলী, তিলপুর, পূর্ববিনায়কপুর ।

* এই বিভাগটি পালবংশীয় সম্রাটদিগের রাজত্বকালে গৌড়-রাজ্যাধীন ছিল ।

† রাষ্ট্র বাঙ্গালা প্রদেশের প্রচলিত বিষায় লিখিত হইয়াছে ।

৬৪ উত্তর পশ্চিম অঞ্চলের ভূরতাস্ত্র ।

তহসীল । পরগণা ।

পাণ্ডুনা সিদ্ধযৌবনা ।

দেবরিয়া সলিমপুর (মনোালী), সিল্হট, শাজাঁ-
হাপুর ।

হুজুরতহসীল হিম্যা হবেলী, হিম্যা ভৌবাপুরা ।

এই জেলার প্রধান স্থান গোরখপুর, একটি ব্যবহারিক ও টৈসনিক নগর, ৫৪০০০ লোকের আবাস, বারাণসীর ৪০ ক্রোশ উত্তরে, রাবতী নদীর বামতটে সংস্থিত এবং গুরু গোরখনাথ ইহার স্থাপয়িতা । প্রথিত আছে ক্ষত্রিয় কুলোদ্ভব জটৈনক ধর্মনিষ্ঠ ব্যক্তি এই স্থানে অনেক শিষ্য সংগ্রহ করেন, সেই শিষ্যেরা তাঁহার অলৌকিক সমাধান ও ইন্দ্রিয়-সংযম দেখিয়া তাঁহার নাম গোরখনাথ * রাখে । গুরু গোরখনাথের পরলোক প্রাপ্তির পর মসন্দর নামে জটৈনক প্রিয় শিষ্য তাঁহার সমাধিক্ষেত্রে একটি মন্দির স্থাপন করে, তাহা অদ্যাপি নিদামান আছে ।

অপর মসন্দরের মৃত্যুর পর উদয়পুরস্থ প্রসিদ্ধ রাণাবংশীয় জটৈনক অকুতাধিকার কতিপয় সহচর সহকারে গোরখপুরের আধিপত্য লাভ করিয়া, কিয়দ্দিন এখানে নিকষেগে রাজ্য করেন, তাঁহার মৃত্যুর পর, তদীয়

* সংস্কৃত “গো” শব্দে ইন্দ্রিয়, এবং “রখ” (হিন্দী রাখনা) হইতে উৎপন্ন, বোধ হয় সংস্কৃত (রাখধাতু) দমন ।

অনুচরবর্গ মুসলমান সত্ৰাটনিগের দৌরাছা বশতঃ গোরখনাথের মন্দির হইতে বহুমূলের দ্রব্য অপহরণ পূর্বক প্রস্থিত হইয়া নেপালের অধিকায় বাস করে, এবং সেই অপবাদে আজও তাহাদিগের বংশধরেরা “গোরখা” নামে আখ্যাত ।

গোরখপুরে সুদৃশ্য হর্ষা একটিও দৃষ্ট হয় না, গৃহস্থালয় প্রায়শঃ খড় এবং খাপরার বলিলেই হয়, নগরের পূর্ব প্রান্তে টৈনিকাবাস, এবং নগরমধ্যে লক্ষণোর পূর্বতন নবাব সুজাউল্লেয়ার স্থাপিত একটি ইমামবাড়া আছে । অপর এই নগর হইতে যে সকল সৎপথ নির্গত হইয়াছে, তাহার একটি টৈজাবাদে যাওয়ায়, ত্রিকুত-নিবাসী অযোধ্যা-দর্শনার্থী যাত্রীরা এই পথেই গমনাগমন করে । স্থানিক জল-বায়ু স্বাস্থ্যকর নহে, বোধ হয় উত্তরদিকস্থ নেপালান্তর্গত তরাইর অরণ্যানী তাহার অন্যতম কারণ ।

—০—

বস্তী ।

জেলা বস্তীর উত্তরে নেপাল রাজ্য, পূর্বদিকে গোরখপুর দক্ষিণে অযোধ্যা প্রদেশাধীন সুলতানপুর, এবং পশ্চিমে অযোধ্যা-প্রদেশাধীন বেরাইচ । লোকসংখ্যা ১৩,০৩,৮৫৬, গ্রামসংখ্যা ৭,৪৫৫, রাষ্ট্র ৬,১২,১৪৬ ।

তহসীল	পরগণা
কাপ্তানগঞ্জ	অমরোহা, অরঙ্গাবাদ।
বস্তী	মমশূর নগর।
বাঁশী	রতনপুর বাঁশী, পশ্চিম বিনায়কপুর, রসুলপুর (গৌস)।
খলিয়াবাদ	মগ্‌হর, হসনপুর, মছলী।
দমরিয়া	দমরিয়া।

বস্তী একটি ক্ষুদ্র ব্যবহারিক নগর, গোরখপুরের পশ্চিমে কিন্তু কিষ্কিৎ দক্ষিণাংশে ২০ ক্রোশ ব্যবহিত, গোরখপুর হইতে কৈজাবাদে যে সৎপথ নির্গত হইয়াছে তাহার ধারে সংস্থিত, ইহার অন্তর্গত সকল স্থান ইতিপূর্বে গোরখপুরের অন্তর্ভুক্ত ছিল, কিন্তু অল্পদিন হইতে তাহা একটি স্বতন্ত্র জেলার পরিগণিত হইয়া, এক্ষণে ইহারই নামানুসারে প্রসিদ্ধ।

আজমগড়।

জেলা আজমগড়ের উত্তরে ঘাগরা নদী, যাহার অপর তীর হইতে গোরখপুরের প্রারম্ভ, পূর্বদিকে গাজীপুর, দক্ষিণে জৌনপুর, এবং পশ্চিমে অযোধ্যা-প্রদেশ।
লোকসংখ্যা ১৩,৮৫,৮৭২, গ্রাম ৬,২৭৬, রাষ্ট্র ৪৯,২৭,২৬৮।

ভহসীল	পারগনা
নিজামাবাদ	নিজামাবাদ ।
মহম্মদাবাদ	মহম্মদাবাদ, বউনাথ ভঞ্জম, চিঠৈরয়া কোট, কির্কৎ মিঠু ।
মাহুল	মাহুল, কোড়িয়া অত্রোলিয়া ।
দেবগ্রাম	দেবগ্রাম, বেলেহাবাঁশ ।
সেকন্দর পুর	সেকন্দরপুর, নাথুপুর, ভুদায় ।

এই জেলার প্রধান স্থান আজম্‌গড়, একটি ব্যবহারিক নগর, ১৩০০০ লোকের আবাস, জৌনপুরের ঈশানকোণে ২০ক্রোশ এবং এলেহাবাদের ঈশানকোণে কিছু কিছু পূর্বাংশে ৮১ ক্রোশ ব্যাপিত, সরষু-শাখা টনসু নদীর বামতটে সংস্থিত, এবং আজম্‌খাঁ নামক একজন ধনাঢ্য মুসলমান ইহার স্থাপয়িতা । আজম্‌খাঁ কর্তৃক এই নগরে একটি দুর্গ নির্মিত হওয়ার ইহার নাম “আজম্‌-গড়” হয়, সেই প্রাচীন দুর্গের ভগ্নাবশেষ অদ্যাপি বিদ্যমান আছে ।

—০—

গাজীপুর ।

জেলা-গাজীপুরের উত্তরে বাগরা নদী ও আজম্‌গড়, পূর্বসীমায় গঙ্গানদী, যাহার অপারতীর হইতে বাঙ্গলা প্রদেশাধীন শাহাবাদের প্রারম্ভ, দক্ষিণে বনারস এবং

৬৮ উত্তর পশ্চিম অঞ্চলের ভূরক্তান্ত ।

পশ্চিমে আজমগড় । লোকসংখ্যা ১৩,৪২,২৩৪, গ্রাম
৫,১৩৩, রাষ্ট্র ৪৩,০২,০৭৩ ।

তহসীল ।	পরগণা ।
গাজীপুর	গাজীপুর, পচোতর, করন্দা, শাদিয়া- বাদ ।
মহম্মদাবাদ	মহম্মদাবাদ, ডেহমা, গড়ছা ।
বল্লিয়া	বল্লিয়া, খরীদ, দোয়াবা ।
রসরা	জহুরাবাদ, কোপাচিন্ট, লক্ষণেশ্বর ।
সৈয়দপুর	সৈয়দপুর, বহরিয়াবাদ, খানপুর ।
জমানিহা	জমানিহা, মহাইচ ।

এই জেলার প্রধান স্থান গাজীপুর, একটি ব্যবহারিক
নগর, ৩৮,০০০ লোকের আবাস, বারানসীর ইশান কোণে
২৬ ক্রোশ, এবং এলেহাবাদের ইশানকোণে ৮৫ ক্রোশ
ব্যবহিত, গঙ্গার বামতটে সংস্থিত । নগরের পূর্বপ্রান্তে
দাঙ্গলা প্রদেশের পূর্বতন নবাব মীর কানিম আলির
প্রাচীন প্রাসাদের ভগ্নাবশেষ আজও বিদ্যমান আছে ।
এই নগরে ১৮০৫ খৃঃ অব্দে লর্ড কর্নওয়ালিস পরলোক
গমন করেন, তাঁহার সমাধিমন্দির নির্মাণে প্রায় এক
লক্ষ টাকা ব্যয় হয় । এইখানে ব্যবহারিক কার্যালয়
ভিন্ন, একটি অফিস-কার্যালয়ও আছে, এবং এখান-
কার পণ্য-ক্রয়-মধ্যে এতর্ ও গুলাব-জল অতিশয়
প্রসিদ্ধ, এমন কি এখনও ৫০ টাকা তোলার এতর্ প্রস্তুত
হইয়া থাকে, জল-বায়ু স্বাস্থ্যকর ।

জৌনপুর ।

জেলা জৌনপুরের উত্তরে আজমগড়, পূর্বদিকে বনারস ও গাজীপুর, দক্ষিণে মির্জাপুর ও এলেকাবাদ, এবং পশ্চিমে অযোধ্যাভুক্ত প্রতাপগড় ও সুলতানপুর।
লোকসংখ্যা ১০,১৫,৪২৭, গ্রাম ৩,৪৩১, রাষ্ট্র ৩০,০৪,৯৮৩।

তহসীল ।

পরগণা ।

জৌনপুর

জৌনপুর, তালুক খুপুরা,
তালুক সেরম, বেলসি, রারী,
জকরাবাদ, করয়াত দোস্ত ।

মরিয়াছ

মরিয়াছ, তালুক গোপালপুর,
বরলি ।

অঙ্গুলী

অঙ্গুলী, সংগ্রামো, করয়াত-
মিটা ।

ঘিসওয়া

ঘিসওয়া, গড়বাড়ী, মুগরা ।

বাওলাপুর

(কেরা কোট)

তালুক পিসারা, চণ্ডোক,
গুজারা, দরিয়াপুর ।

এই জেলার বাবহারিক নগর জৌনপুর, ২৭,০০০ লোকের আবাস, বারানসীর বায়ুকোণে ১৮ক্রোশ, এলেকাবাদের ঈশানকোণে ৩৭ক্রোশ ব্যবহিত, গোমতীর উত্তর তটেই সংস্থিত, এবং সত্রাট মহম্মদ তুগলকের প্রধান মন্ত্রী খাজে খা ইছা স্থাপন করিয়া, শ্বীয়প্রভুর কথরউদ্দীন জুনা নামে প্রতিষ্ঠা করেন। এই নগরে

৭০ উত্তর পশ্চিম অঞ্চলের ভূরূপান্তর ।

গোমতীর উপর ২৫ টা খিলানে প্রথিত একটি প্রস্তরময় প্রাচীন সেতু আছে, উহা সম্রাট জলাল উদ্দিন আকবর কর্তৃক নির্মিত হয়। সেতুটি এরূপ দৃঢ় যে, ১৭৭৩খঃ অব্দে উহার উপর বন্যার জল উঠিয়াছিল, তাহাতে উহার লেশমাত্রও হানি হয় নাই, উহার কারু-কার্যে ইংরাজেরাও প্রশংসা করিয়া থাকেন। এতদ্ভিন্ন প্রাচীন দুর্গ ও তৎসম্বন্ধিত তিনটি প্রাচীন উচ্চ মসজীদের কারু-কার্যও সুদৃঢ় এবং স্থানিক গৃহস্থালির প্রায়শঃ প্রস্তরময়, জল-বায়ু মন্দ নয়।

বনারস ।

জেলা বনারসের উত্তরে গাজীপুর ও জৌনপুর, পূর্বে দিকে বাঙ্গলা প্রদেশাধীন শাহাবাদ, দক্ষিণে মির্জাপুর, এবং পশ্চিমে এলহাবাদ ও জৌনপুর।
লোক ৭,৯৩ ২৭৭, গ্রাম ২,৩০৭, রাষ্ট্র ১২,২৭,৬৭৮

তহসীল ।

পরগণা ।

কুজুরতহসীল দেহাৎ আমানত, কসিওয়ার সরকার, লোইতা, পণুহা, কোটীহর, শিবপুর, সুলতান পুর, বালুপুর, কোলাসলা, অধর্কণ, কসিওয়ার রাজসাহী ।

চন্দৌলী

বড়বল, ধুস, মবাই, মছবাড়ী, মন্ওয়াড়, নিক্কাণ, রালতপুর ।

এই জেলার প্রধান স্থান বনারস, একটি বাবহারিক
 টৈসনিক নগর, ১,৮১,০০০ লোকের আবাস, এলেহাবাদের
 পূর্বদিকে ৩৭ ক্রোশ এবং মির্জাপুরের ঈশান কোণে
 ১৫ ক্রোশ ব্যবহিত, গঙ্গার বামতটে সংস্থিত । এই
 স্থানে গঙ্গা বনারসের উত্তর প্রান্ত পর্যন্ত উত্তরবাহিনী
 হইয়া, তৎপরে উত্তর-পূর্বাভিমুখে এবং পরিশেষে
 পূর্বাভিমুখে প্রবাহিত হইতেছে । উত্তরবাহিনী
 গঙ্গার পশ্চিম পাশে বনারস, এবং পূর্ব পাশে একটি
 লোহ-বর্জ-স্থানীয় । শেষোক্ত স্থানে গঙ্গার উপকূল
 হইতে বনারসের দিকে যখন দৃষ্টিপাত করা যায়,
 তখন উহার শ্রেণীভূত প্রস্তরময় ঘাট, উচ্চ-চূড় মন্দির,
 বেণীমাধবের ধ্বজা এবং চক ও চৌখান্নার উন্নতশির
 হর্ম্মা সমূহ একটি প্রগাঢ় ভাবের সহিত উহার অতুল
 ঐশ্বর্যের পরিচয় দেয় ।

বনারসের যাবনিক নাম * মহম্মদাবাদ, কিন্তু সেই
 অকালজাত নামটি অকালেই বিলুপ্ত হইয়াছে, এবং
 আধার্কৃত নাম “কাশী” বা “বারাণসী” । কাশীর
 ধাত্ত্বর্থ—“কাশতে প্রকাশতে ইতি কাশী,” এবং এই অর্থ
 অন্যান্য গ্রন্থেও সংরক্ষিত হইয়াছে, যথা,—

* মুসলমান সম্রাটদিগের রাজত্ব কালে এ প্রদেশের প্রায়
 সকল নগরই প্রাচীন নামের পরিবর্তে এক একটি যাবনিক নামে
 উক্ত হইত, এবং অদ্যাপি অনেক নগরের যাবনিক নামই
 অচলিত ।

“কাশীরণামুক্তিঃ” ।

যজুর্বেদ ।

“কাশতে হত্র যতো জ্যোতি শুদনাথোরমীশ্বর ।

“অতো নামাপরং চাস্ত্র কাশীতি প্রথিতং বিভো ॥

কাশীখণ্ড ।

বারাণসীর ব্যুৎপত্তি সম্বন্ধে আধুনিক কোন ভূগোল-বেত্তা বলেন যে, ‘বকণা,’ এবং “অসী” এই দুইটি উপ-নদী দুই দিকে থাকা হেতু কাশীর নাম “বারাণসী” হইয়াছে । এক্ষণে এ যুক্তিটি কতদূর সমূলক তাহা দেখা আবশ্যিক, বকণা এবং অসীর মধ্যবর্তী স্থান যে বারাণসী নামে আখ্যাত তাহাতে কোন কথা নাই, কেননা অনেক স্থলে তাহার প্রমাণ পাওয়া যায়, যথা,—

“বারাণসীতি যৎ খ্যাতং তন্মানং নিগদামি বঃ ।

“দক্ষিণোত্তরয়োর্মদ্যৌ বকণাসিচ্চ পূর্বতঃ ॥

পদ্মপুরাণ, কাশীমাহাত্ম্য ।

“দক্ষিণোত্তর দিক্কাগে কুত্বাসিং বকণাং সূতাঃ ।

“ক্ষেত্রস্য মোক্ষনিক্ষেপ রক্ষারিং বৃতিমঃ সূঃ ॥

স্কন্দপুরাণ, কাশীমাহাত্ম্য ।

কিন্তু উপরোক্ত দুইটি উপনদীই যে বারাণসী শব্দের ব্যুৎপত্তি-জনক, তাহাতেই আপত্তি, কেননা যদি তাহা স্বীকার করা যায়, তাহা হইলে বারাণসীর শব্দ-সাধন দুরূহ হইয়া উঠে, বিশেষতঃ সিদ্ধান্তকৌমুদীর

প্রাচীন ঢীকাকার, তত্ত্ববোধিনী ঢীকার অনুগত শব্দের
অর্থ-প্রসঙ্গ. বারানসীর যে ব্যুৎপত্তি লেখেন তাহাও
উপেক্ষিত হয়। তিনি এইরূপ বলেন—

বরঞ্চ ত-দনশ্চেতি বরণঃ (শ্রেষ্ঠোদকং). তস্যাদূরে
ভবা যা নগরী সা বারানসী। এবং প্রসিদ্ধ আৰ্য্য-
ভূভাগবেত্তা মহামতি থরল্টন সাহেব অনেক মতের সুস-
ঙ্গতিতে এই ব্যুৎপত্তিতেই অনুমোদন করেন, ইহা যদিও
যোগ্য হইয়া কাশীকে বুঝায় বটে, কিন্তু ব্যাকরণ-সিদ্ধ
তাহাতে কোন সন্দেহ নাই, অন্যথা ব্যাকরণ-বিকল্প হয়,
তাহা টেবয়াকরণদিগের নিকট একটি সামান্য দোষ
বলিয়া কখন গৃহীত হইতে পারে না, অতএব শেষোক্ত
ব্যুৎপত্তিটিই সর্ব-বাদি সম্মত বোধ হইতেছে। অপর
একগকার প্রচলিত নাম যে বনারস, ইহার ব্যুৎপত্তি
সম্বন্ধেও বিমত, কেহ কেহ ইহা বারানসীর অপভ্রংশ
বলেন, এবং পঞ্চালুরে কাশীর প্রাচীন রাজ-বংশীয়
বনার নামক রাজার নাম-সম্ভূত বলিয়া থাকেন, বিষয়টি
বিবাদাম্পন্ন, সুতরাং ইহার মীমাংসা অনাবশ্যক।

বারানসী অতিশয় প্রাচীন নগরী, ইহা কোন কালে
কাহার কর্তৃক স্থাপিত হইয়াছে, তাহা কেহই বলিতে
পারে না, ইহার প্রাচীনত্ব বিষয়ে মহাত্মা শেরিং, (যিনি-
কট বারানসীর অনেক রত্নানু জন্য আশি কৃতজ্ঞতা পাশে
বদ্ধ আছি,) এইরূপ লেখেন,—“বারানসী কোনরূপেই
সামান্য প্রাচীন নর, ইহা অতি নূন কল্পেও বিগত
পঞ্চবিংশতি শতাব্দীর পূর্বে বিখ্যাত ছিল, যৎকালে

৭৪ উত্তর পশ্চিম অঞ্চলের ভূরত্নাত্ত ।

নেনিভ এবং বাবিলন প্রাধান্য সংরক্ষণে পরস্পর বিদ্বেষিণী ছিল, যৎকালে টায়র নামা উপকূলে উপনিবেশ সংস্থাপন করিতেছিল, যৎকালে এথেন্স টেকেশোর কালিক পুষ্টতায় পরিবর্দ্ধিত হইতেছিল, এবং রোমের খ্যাতিলাভের পূর্বে, গ্রীস সমর-সূত্রে পারস্য রাজ্যের সহিত সম্মুখীন হওয়ার পূর্বে, সাইরস কর্তৃক পারস্য রাজ-কুল সমুজ্জ্বল হওয়ার পূর্বে, অথবা নেবিউ ক্যাডমজরের জেফজেনম অবরোধ করার পূর্বে এবং জুডিয়াবাসিগণের কারা বন্ধ হওয়ার পূর্বে, বারাগসী যদিও খ্যাতিলাভী না হউক, কিন্তু প্রৌঢ়াবস্থায় ছিল ।”

অনন্তর কাশী সপ্তপুরীর * অন্তর্গত হওয়ায় আর্ঘ্যদিগের একটি মহাতীর্থ বলিয়া পরিগৃহীত হইয়াছে, এই স্থানে নানা আর্ঘ্য-ভূভাগ হইতে যাত্রিদিগের সমাগম হয়, এবং নানা প্রদেশীয় লোক ইহাকে মুক্তি-ক্ষেত্র বলিয়া এই স্থানে বাস করে । কলিকাতা বল, বোম্বাই বল, মাদ্রাজ বল, এ সকল স্থানে লোক কেবল কর্ম-সূত্রেই আবদ্ধ আছে, কাশীকে উভয় সুখের আশ্রয় বলিয়া লোকের আস্থা থাকায়, কাশী যদিও বঙ্গ-জ্যেষ্ঠা, কিন্তু এ পর্য্যন্তও গতবোধনা হয় নাই, বরং দিন দিন অধিক লাবণ্যযুক্তাই হইতেছে,—দিন দিন উহার লোকসংখ্যা অধিক হইতেছে, দিন দিন উহার আয়-

* কাশী কাশীচ মায়াখ্যা ভযোধ্যা দারবত্যাপি ।

নুহুরাবস্তিকা চৈতাঃ সপ্ত পুর্যোহিত বোকদাঃ ॥ কাশীখণ্ড ।

তন বৃদ্ধি হইতেছে, দিন দিন উহার পথ ঘাট বিস্তৃত হইতেছে, দিন দিন উহার পণ্যবীথিকা সকল অধিক শোভাশালী হইতেছে, অধিক কি, এই বলিলেই যথেষ্ট হয় যে, প্রতিবৎসর উহাতে নূতন কিছুনা কিছু লক্ষিত হইয়া থাকে। এক্ষণে উহাতে ন্যূনাতিরেক ১৫০০ মন্দির আছে, এবং এই সকল মন্দিরে নানা প্রকার বিগ্রহ স্থাপিত আছে, তন্মধ্যে বিশ্বেশ্বর, অন্নপূর্ণা, কেশবরেশ্বর, কালভৈরব ও দণ্ডপানি প্রভৃতি কয়েকটি বিগ্রহই প্রধান, যেহেতু এই কয়েকটি বিগ্রহ-মন্দিরে পর্জাৎসের কি কথা, অন্যান্য দিনেও অধিক জনতা হয়।

অপর, উল্লিখিত মন্দির সমুদয়ের অধ্যক্ষতায় প্রায় পঞ্চবিংশতি সহস্র ব্রাহ্মণ নিযুক্ত আছে, ইহারাই দুই শ্রেণীভুক্ত, যথা—“গঙ্গাপুত্র” এবং যাত্রাওয়ালার, প্রথমোক্তেরা কেবল গঙ্গাতটে থাকিয়া যাত্রিদিগকে স্নানাদি কর্ম করায়, এবং শেষোক্তেরা যাত্রিদিগের পুরোধ হইয়া স্থানে স্থানে বিগ্রহ দর্শন করায়, উভয় শ্রেণীই যাত্রি-প্রদত্ত অর্থে বিলক্ষণ ঋদ্ধিশালী।

কাশীর দক্ষিণ প্রান্তে অসী-সঙ্গম হইতে উত্তর প্রান্তে বরুণা সঙ্গম প্রায় তিনক্রোশ, এবং ইহাই কাশীর টৈর্ঘ্য বলিতে হইবে, কিন্তু উভয় প্রান্তের শূন্য ও বিজন ভাগ ভাগ করিলে প্রকৃত লোকালয়িক টৈর্ঘ্য বোধ হয় আড়াই ক্রোশের অধিক নয়। প্রকৃত সকল স্থানে এক-সমান নয়, ইহা অসী-সঙ্গমের অদূরবর্ত্তি অভ্যঙ্গ ঔপকূলিক লোকালয় হইতে প্রারম্ভ হইয়া প্রায় একটি

৭৬ উত্তর পশ্চিম অঞ্চলের ভূরত্নাত্ত ।

অর্ধচন্দ্রাকৃতির ন্যায়, অথবা ধনুকাকারে পশ্চিম দিকে ক্রমশঃ বৃদ্ধি হইতে হইতে মণিকর্ণিকার তট হইতে অন্যান দেড় কোশ পূর্বান্তে বিস্তীর্ণ হইয়া, তৎপরে অল্পে অল্পে বরুণা-সঙ্গমের দিকে এককালীন বিজন-প্রান্তে পর্য্যবসিত হইয়াছে ।

কাশীর দক্ষিণ প্রান্তে যে স্থান ইতঃপূর্বে অসী-সঙ্গম বলিয়া উল্লেখ করা গিয়াছে, সেই স্থানে অসী নামে একটি ক্ষুদ্র সরিৎ পশ্চিম দিক হইতে বক্র গতিতে আসিয়া গঙ্গার সহিত মিলিত হইয়াছে । উহা গ্রীষ্ম-কালে শুষ্ক প্রায় হইয়া যায়, কিন্তু বর্ষার প্রারম্ভেই একটি সতেজ স্রোতস্বতী স্বরূপ হয়, উহার সঙ্গম-তীরে একটি ঘাট আছে, তাহাকে অসী-সঙ্গম ঘাট বলে, উহা আর্ঘ্য-দিগের তীর্থমধ্যে উক্ত হইয়াছে, কেননা যাহারা “পঞ্চতীর্থ” করে, তাহারা প্রথমতঃ ঐ ঘাট হইতে আরম্ভ করিয়া, তৎপরে যথাক্রমে দশাশুমেধ, মণিকর্ণিকা, পঞ্চ-গঙ্গা ও বরুণা সঙ্গমে স্নান করিলে “পঞ্চতীর্থ” সিদ্ধ হয় ।

অসী-সঙ্গমের উপকূলে অগস্ত্যতথের একটি মন্দির আছে, উহার সম্মুখে স্নানযাত্রা উপলক্ষে একটি মেলা হয়, কিন্তু তাহা কাশীর অন্যান্য প্রসিদ্ধ মেলার মত সমারোহ-সম্পন্ন নয়, অপর এই স্থান হইতে অধিকোণে প্রায় দেড়কোশ ব্যবহিত গঙ্গার অপর তটে বালুকাময় পুলিন ও কর্ষিত ক্ষেত্রের উপর দিয়া রামনগরের প্রাসাদ ও দুর্গ দৃষ্ট হয়, কাশীর মহারাজ ঐখানেই বাস করেন ।

অসীসঙ্গম-ঘাটের অব্যবহিত উত্তরে রঞ্জা মিশ্রের ঘাট,

উহা যদিও এক্ষণে ভগ্নদশা গ্রস্ত, কিন্তু বোধ হয় উহার নির্মাণ-ব্যয় ৫।৬ লক্ষ টাকার স্থান না হইয়া থাকিবেক। উহার পরে তুলসীদাসের ঘাট, তুলসীদাস একজন প্রসিদ্ধ রামানন্দী ঠাকুর ছিলেন, তিনি ১৬৩১ সম্বতে হিন্দী ভাষায় রামায়ণের অনুবাদ করিয়া একটি মহৎ কীর্ত্তি স্থাপন করিয়া যান। তুলসীদাসের ঘাটের উত্তরে যথাক্রমে রসরাজ ঘাট, বৌদ্ধঘাট, শিবালয় ঘাট ও খিড়কী ঘাট স্থাপিত আছে। শেষোক্ত দুইটি ঘাট বনারসের পূর্বতন মহারাজদিগের নির্মিত, শিবালয়-ঘাটের উপর একটি প্রস্তরময় সুদৃঢ় দুর্গ ছিল, মহারাজ চেতসিংহ সচরাচর উহাতেই বাস করিতেন, কিন্তু নর্ড হেষ্টিংসের সময়ে উহা মৃত্তিকাসাৎ হয়।

খিড়কী ঘাটের উত্তরে হনুমান ঘাট ও মহাশ্মশান ঘাট, শেষোক্ত ঘাটে শবদাহ হইয়া থাকে, অপর, অসী-সঙ্গম-ঘাট হইতে মহাশ্মশান-ঘাট পর্য্যন্ত সমুদয় তটবর্ত্তি লোকালয়ে কেবল অনোপজীবী অধঃশ্রেণীর লোকই বাস করে, ভদ্রাবাস, ধনি-গৃহ বা প্রাচীন কোন চিহ্ন কাশীর এ অংশে প্রায়ই লক্ষিত হয় না।

মহাশ্মশান ঘাটের উত্তরে রাজাবাবুর ঘাট, এবং তৎপরে কেদারের ঘাট, এই ঘাটে গঙ্গা হইতে কেদারের মন্দির পর্য্যন্ত বহু-ব্যয়-সাম্বিত সুপ্রশস্ত প্রস্তর-সোপান স্থাপিত আছে, কাশীর এটি একটি প্রধান ঘাট, এই ঘাটে প্রতাহ নামা প্রদেশীয় স্ত্রী-পুরুষকে স্থান করিতে দেখা যায়, কোন খানে একজন সরলমতি বঙ্গ-বধূ অক্ষুট

বাক্যে “নমো মহিষঃ পারন্তে” বলিয়া গালবান্য পূর্বক শিব বিসর্জন করিতেছে, কোন খানে বা একজন মহা-রাষ্ট্রীয় স্ত্রী কাছা দিয়া কাপড় পরিয়া তিলক ধারণপূর্বক এক হাতে জলের লোটা এবং এক হাতে ভিজা কাপড় লইয়া মট্ মট্ করিয়া চলিয়া যাইতেছে, কোন খানে এক জন রক্তিতোগী বাঙ্গালি ব্রাহ্মণ একখানি নামাবলি গায়ে দিয়া কুণ্ডিতজানু উপবিষ্ট হইয়া, হস্ত প্রসারণ পূর্বক “অত্রিদ্ধ শ্ব-পর্যাস্তং জগৎ তৃপ্যতু” বলিয়া তর্পণ করিতেছে, কোন খানে বা একজন মহারাষ্ট্রীয় ব্রাহ্মণ স্নান করিয়া ত্রিপুণ্ড্র ধারণ পূর্বক অর্দ্ধজানু জলে বক্রীভূত দণ্ডায়মান হইয়া স্বহস্তে বস্ত্র প্রক্ষালন করিতেছে, আর মহারাষ্ট্রীয় স্বরে এইসকল বেদমন্ত্র পাঠ করিতেছে—

অগ্নিমীলে পুরোহিতং বজ্রস্য দেবহৃদ্বিজং ।
হোতারং রত্নধাতমম্ ।

ইষেভা উর্জেভা বায়বশ্চঃ দেবো বঃ সন্নিভা-
প্রার্পরতু । শ্রেষ্ঠতমায় কৰ্ম্মণে ।

অথ আয়াহি বীতয়ে গুণানো হব্যদাতয়ে ।
নিহোতা সংসিবর্হষি ।

শংনো দেবীরভীষ্ঠয়ে আপো ভবন্তু পীতয়ে
শংযো রুভিঅবন্তু নঃ ।

অপর এই ঘাটের জলগত সোপান হইতে কয়েক সোপান উপরে উঠিলে একটি কুণ্ড দৃষ্ট হয়, তাহাকে “গৌরীকুণ্ড” বলে, ঐবেদনিক যাত্রীরা উহাতে স্নান তর্পণ করে, ঐ স্থান হইতে অনূ্যন ২৫। ২৬ টি সোপান উত্তীর্ণ হইলে কেদারের নাটমন্দিরে প্রবিষ্ট হওয়া যায়, নাটমন্দিরটি পূর্ব-পশ্চিম-দীর্ঘ, উহার পশ্চিমদিকে কেদারের মন্দির সংস্থিত, কিন্তু উভয় মন্দিরের ছাদ সম্মিলিত হওয়ায়, কেদারের মন্দিরটি এককালে অন্ধকারময় হইয়া থাকে, এমন কি, দিবাভাগেও প্রদীপ ভিন্ন কেদার দর্শন হয় না, কেদারের গৌরী-পীঠটি অতিরূহৎ, উহার উপর প্রত্যহ যাত্রি-প্রক্ষিপ্ত কুল-বিলুপত্র রাশীকৃত দৃষ্ট হয়। কেদারের মন্দির প্রদক্ষিণ করিতে গেলে, উহার চতুর্দিকে অন্যান্য অনেক দেব-দেবীর প্রতিমূর্তি দৃষ্ট হয়, এবং উহার অব্যবহিত দক্ষিণে একটি ক্ষুদ্র প্রাঙ্গণের পশ্চিম দিকে যে একটি রূহৎ দ্বার আছে, উহাই কেদারের মন্দির প্রবেশের বাহির্দ্বার, উহার সম্মুখে উত্তর-দক্ষিণ-দীর্ঘ একটি পথ আছে, তাহা অসীমঙ্গম হইতে বক্রভাবে আসিয়া উত্তরাভিমুখে বাঙ্গালী টোলার মধ্য দিয়া, তদুত্তরবর্তী দশাশুমৈধ-ঘাটের উপকূলে যে একটি প্রাত্যহিক হাট আছে তাহাতেই মিলিত হইয়াছে।

কেদারের ঘাটের উত্তরে চৌকি ঘাট ও মাম-সরোবর-ঘাট, শেষোক্ত ঘাটের তট হইতে পশ্চিম দিকে একটি শুষ্ক সরোবর দৃষ্ট হয়, তাহাকে “মামসরোবর” বলে,

তাহার চতুর্দিকে রাজা মানসিংহের প্রতিষ্ঠিত অনেক মন্দির আছে । অপর এই সরোবর হইতে কিঞ্চিৎদূর নৈঋত কোণে এক মন্দির মধ্যে “তিল ভাণ্ডেশ্বর” নামে একটি রুহৎ শিবলিঙ্গ স্থাপিত আছে, তাহার বেড় প্রায় দশ হাত এবং উচ্চতাও অন্যান্য তিম হাত হইবে, এরূপ বিশ্বাস যে, ঐ মূর্তিটি প্রতিদিন তিল পরিমাণে রুদ্ধি হয় ।

মানসরোবরের ঘাটের উত্তরে যথাক্রমে নারদ ঘাট, রাজা অমৃতরাও পেশওয়ার ঘাট, প্রতাপসিংহ বাবুর ঘাট, পাঁড়ে ঘাট, মথুরাছত্র ঘাট, দিঘাপতিরার রাজার ঘাট, চৌষাট্টি যোগিনীর ঘাট, রাণাঘাট, মুনসিঘাট, এবং অহল্যা বাইয়ের ঘাট, শেষোক্ত ঘাটটি প্রসিদ্ধ রাজ্ঞী অহল্যা বাই কর্তৃক নির্মিত হয়, উহার উপর উক্ত পুণাশীলা রাজ্ঞীর প্রতিষ্ঠিত একটি সদারস্ত আছে । ঐ ঘাটের উত্তরে শীতলা ঘাট এবং তৎপরে রাজা রাজবল্লভের মন্ত্রী রামানন্দ সরকারের ঘাট, অপর উপরের লিখিত নারদ ঘাটের তট অর্থাৎ এই শেষোক্ত ঘাটের তট পর্য্যন্ত সমুদয় ত্রৈপকৃতিক লোকালয়ে যদিও অনেক পল্লিসংভুক্ত, কিন্তু তৎসমুদায় সামান্যতঃ “বাজালী-টোলা” বলিয়াই বিখ্যাত, এই স্থানে বঙ্গবাসি আর্ষাগণ বহুকাল হইতে উপনিবেশ সংস্থাপন করিয়াছেন, এবং তাঁহাদিগের প্রতিষ্ঠিত কয়েকটি ছত্র আছে, তন্মধ্যে প্রত্যহ অনেক অমাধ, অবীরা, দীন দরিদ্র প্রতিপালিত হইতেছে । বিশেষতঃ রাণী ভবানীর

অতুল কীর্তি যদিও তাঁহার কাশীর বিষয় সমুদয় অশ্বা-
মিক বস্তুর ন্যায় নানাছস্তগত হওয়ায়, ক্রমশঃ বিলুপ্ত-
প্রায় হইয়া আসিতেছে, তবুও এপর্য্যন্ত কাশীবাসিগণের
বহিঃস্মরণ হয় নাই । রাণী ভবানীর কেবল একমাত্র
কাশীর ক্রিয়া কলাপ ধরিলেও, আজ পর্য্যন্ত আর্ষ্যবর্ত্ত-
মধ্যে অন্য কোন রাজা বা রাণী সাধারণ-হিতকর কার্য্যে
তাঁহার সমকক্ষ হইতে পারেন নাই, পুণ্যকর্মে তিনি
উচ্চতম অধিরোহণীতেই অধিকৃতা হইয়া আছেন, বলিতে
কি, সমুদয় দেবালয়িক ও লোকালয়িক কাশী একত্র
কর, অর্দ্ধেক কাশী রাণী ভবানীর দেখিতে পাইবে ।
প্রথিত আছে তিনি পণ্ডিতমণ্ডলী সমভিব্যাহারে
কাশীতে আসিয়া কাশীখণ্ড অনুসারে কাশীর যে যে বিষয়ে
অসম্ভাব ছিল, তাহা পূর্ণ করেন, তিনি আর্ষ্য-ধর্ম্ম-বি-
দেষ্টা সত্রাট অরঙ্গজিবের বিধ্বংসিত দেবালয় সমূহের,
কাহারো নষ্টোদ্ধার, কাহারো বা জীর্ণোদ্ধার করেন,
তিনি যবন-রাজ্য-বিলুপ্ত-প্রায় বেদাদি শাস্ত্রের পুনরু-
দ্ধার জন্য মহারাষ্ট্রে হইতে ৩৫০ ঘর ব্রাহ্মণ আনিয়া
কাশীতে স্থাপন * করেন, তিনি নানা প্রদেশীয় নিঃস্ব-
ব্যক্তিদিগের কাশী-বাস জন্য নগরের ভিন্ন ভিন্ন স্থানে
৩৬০টি প্রস্তরালয় নির্মাণ করেন, তাহার এক একটির
নির্মাণ-ব্যয়, বোধ হয় ৫০।৬০ সহস্রের নূন না হইবেক,

* এই সকল ব্রাহ্মণদিগকে রাণী ভবানী যে সকল বসংবাটী
প্রদান করেন, তাহা একে " ব্রহ্মপুরী " বলিয়া বিখ্যাত ।

তিনি দুর্গাকুণ্ড ও কুরুক্ষেত্র-সরোবর প্রভৃতি কয়েকটি
 বৃহৎ জলাশয় খনন করান, তিনি দেবনাথ পুরাতে কালী,
 তারা, গোপাল প্রভৃতি, অনেক বিগ্রহ স্থাপন করেন,
 এবং বহু ব্যয়ে ঐ সকল বিগ্রহালয় নির্মাণ করেন,
 এতদ্ভিন্ন কাশীর বাহিরে “পঞ্চক্রোশী তীর্থ” প্রায়
 ত্রিংশৎক্রোশ বিস্তীর্ণ, এককালে অরণ্যময় ছিল,* কেহই
 ঐ সকল স্থানে গমনাগমন করিতে পারিত না, কিন্তু
 তিনি ঐ বন কাটাইয়া সুপ্রশস্ত পথ নির্মাণ করেন,
 পথের দুই পাশে বৃক্ষ-শ্রেণী রোপণ করান এবং
 পান্থগণের সুখাগমের জন্য স্থানে স্থানে জলাশয় ও
 ধর্মশালা স্থাপন করেন। তাপর উক্ত পুণ্যশীলা
 রাজ্ঞী প্রধান প্রধান যোগোপলক্ষে কাশীতে যে ব্যয়
 করিতেন, তাহাও অপরিাপ্ত, ঐ প্রকার কোন সাময়িক
 ব্যয় সম্বন্ধে কাশীর লোক-পরম্পরায় যে একটি প্রাচীন
 শ্লোক কথিত হইয়া আসিতেছে, তাহা এস্থলে উদ্ধৃত
 হইল, —

“শালং কেচন লেভিরে কতিপয়গ্রামং পরে ভেভিরে
 শালগ্রামমথাপরে নিকপমং হারং পরে লেভিরে ।

নেদৃগ্ দৃষ্টচরো নবা অতিচরো নেক্ষিষাতে শ্রোষাতে
 যাদৃক্ চন্দ্রকলাকিরীট-নগরে রাজ্ঞ্যা ভবান্যা কৃতং ॥”

* শেরিং সাহেব বলেন যে, বানী ভবানীর পঞ্চক্রোশীর পথ
 নির্মাণের পূর্বে, “পঞ্চক্রোশী তীর্থ দর্শনার্থি দিগকে হিংস্র
 জন্তু ও দস্যুতরে দল-বদ্ধ হইয়া যাইতে হইত।

অবশেষে একটি কথা বক্তব্য এই যে, মহামতি শোরিং কান কোন স্থানে রাণী ভবানীকে সুবিখ্যাত মহা-
াষ্ট্রীয় রাজ্ঞী বলিয়া প্রকাশ করেন, বোধ হয় শোরিং
হাজা বিশেষশুরের মন্দিরের উত্তরে একটি চতুরস্র
প্রাঙ্গণ মধ্যে রাণী ভবানীর প্রতিষ্ঠিত শিবমন্দিরটি
নেখেন নাই, তাহাইলে তাঁহার এ সংশয় থাকিত না,
কেননা ঐ মন্দিরের ললাট দেশে এই শ্লোকটি অঙ্কিত
আছে, যথা,—

বঙ্গবারেঙ্গ ভূমীঙ্গ রামকান্তস্য ভাবিনী ।
নির্মমে শ্রীভবানী শ্রীভবানীশুর-মন্দিরং ॥

অপর ইতঃপূর্বে যে রামানন্দ সরকারের ঘাটের
উল্লেখ হইয়াছে, তাহার উত্তরে প্রসিদ্ধ দশাশুমেধের
ঘাট, ইহাকে প্রয়াগ ঘাট বা পুঁঠিয়ার রাজার ঘাটও
বলে, এরূপ বিশ্বাস যে, ব্রহ্মা এই ঘাটে দশাশুমেধ
করাতে ইহার নাম দশাশুমেধের ঘাট হইয়াছে, এবং
মাঘমাসে এই ঘাটে স্নান করিলে প্রয়াগের দশাশুমেধের
ঘাটে স্নানের তুল্য ফল হয়, এই বিশ্বাসমূলক ইহা প্রয়াগ-
ঘাট বলিয়া প্রসিদ্ধ, অপর পুঁঠিয়ার রাজা ইহা বাঁধিয়া
দেওয়ান, এবং ইহার তটে একটি শিবমন্দির স্থাপন
করায়, ইহা তন্নানুসারেও আখ্যাত । ইহার উপকূলে
একটি হাট আছে, তাহাকে “নূতন বাজার” বা “দশাশু-
মেধ ঘাটের বাজার” বলে, বাঙ্গালী-টোলা-বাসিগণের
প্রাত্যহিক প্রয়োজনীয় দ্রব্য ঐ হাটেই ক্রীত হয়, উহার

৮৪ উত্তর পশ্চিম অঞ্চলের ভূরূপান্তর ।

উত্তর-দক্ষিণ দৈর্ঘ্য স্থানাতিরেক ৪০০ হাত, এবং পূর্ব-পশ্চিম প্রস্থও অনূ্যন ১৫০ হাত, উহার পশ্চিম-দক্ষিণ উভয় দিকে শ্রেণীভূত পণ্যালয়, পূর্বদিকে গৃহস্থাবাস, উত্তরে একটি সংপথ এবং তদুত্তর পণ্যালয় যথা-শ্রেণি স্থাপিত আছে ।

দশাশুমৈধ ঘাটের উত্তরে ঘোড়াঘাট, এই ঘাটের তট হইতে একটি প্রস্তু পথ (যাহা ইতঃ পূর্বে উক্ত হইয়াছে) প্রারম্ভ হইয়া পশ্চিমাভিমুখে সূর্য্য-কুণ্ডের দিকে প্রগত হইয়াছে, এই পথ-সংভুক্ত স্থানে পূর্বে গোদাবরী নামে একটি তড়াগ ছিল, তদ্বারা নগরের অধোগত আবর্জনা সমুদয় ধৌত হইত, কিন্তু কাল সহকারে তাহা ভরস্তু হওয়ায়, তাহারই ভরাটের উপর এই পথ, এবং ইহার দক্ষিণ পাশে শ্রেণীভূত পণ্যালয় ও বামপাশে কোন স্থানে পণ্যালয়, কোন স্থানে বা গৃহস্থাবাস স্থাপিত হইয়াছে ।

ঘোড়াঘাটের উত্তরে মানমন্দির ঘাট, ইহা জয়পুরের মহারাজ জয়সিংহ কর্তৃক নির্মিত হয়, ইহার তটে উক্ত মহারাজের নির্মিত বহু-ব্যয়-সাধিত একটি প্রস্তর-গৃহ আছে, তাহাকে “মানমন্দির” বলে, এবং তাহাতে গ্রহ ও উপগ্রহের কক্ষিক গতি নিক্রপণার্থ রাশিচক্র অঙ্কিত আছে, জ্যোতির্বিদ ভিন্ন আর কেহ তাহা বুঝিতে পারেন না, কিন্তু শুনা যায় যে, উপরোক্ত মহারাজ-প্রণীত “সিদ্ধান্তস্মৃতি” নামক গ্রন্থে এ সমুদয় সরল ভাষায় বর্ণিত আছে ।

অতঃপর যথাক্রমে মিরঘাট, ললিতা ঘাট, সিদ্ধগিরি ঘাট, রাজা রাজবল্লভের ঘাট, ও জলসাঁই ঘাট দৃষ্ট হয়। শেষোক্ত ঘাটে শব্দাহ ইইয়া থাকে, এবং ইহার পরেই প্রসিদ্ধ মণিকর্নিকার ঘাট, এই ঘাটের ব্যুৎপত্তি সম্বন্ধে “নানামুনির নানামত,” কেহ বলেন যে, একদা স্নান করিতে করিতে পার্বতীর মণি (কর্ণফুল) ইহাতে পড়ায়, ইহার নাম মণিকর্নিকা ইইয়াছে, কেহ বা ঐ স্থলে মহাদেবের কর্ণফুলের উল্লেখ করেন। কেহ এই ঘাটের অনতিদূরস্থিত মনস্কামনেশ্বর শিবের নামানুসারে “মনস্কামনিকা” অপভ্রংশে মণিকর্নিকা বলেন। এবং কেহ এই অনুভব করেন যে, রাজা সত্রাজিৎ-প্রদত্ত বহুমূল্যের মণি অক্রুর অপহরণ পূর্বক তজ্জাত “কর” দ্বারা এই ঘাটের উপকূলে একটি সদাহৃত স্থাপন করায়, তদনুযায়ী ইহা প্রসিদ্ধ। বিষয়টি বিদাদাম্পাদ, এবং ইহার নীমাংসাও এস্থলে অনাবশ্যক, সুতরাং এক্ষণে অন্যান্য বিষয়ই বক্তব্য।

এই ঘাটের উপরে একটি কুণ্ড আছে, তাহাকে “চক্র-তীর্থ” বা “বিষ্ণুখনিত” বলে, এক্ষণে বিশ্বাস যে, একদা সুদর্শন-চক্র দ্বারা বিষ্ণু ইহা খনন করিয়া, ইহার জলে মহাদেবের তপস্যা করেন, এক্ষণে ঠৈবদেশিক যাত্রিরা ইহাতে স্নান-তর্পণ করে। অপর, এই ঘাটের অন্তর কথ্য কি বলিব! প্রতাহ মণিকর্নিকাতে যাও, সূর্যোদয় ইহাতে দশ ঘটিকা পর্য্যন্ত একটি মেলার মত লোক দেখিতে

৮৬ উত্তর পশ্চিম অঞ্চলের ভূরত্নান্ত ।

পাইবে ! এদিকে চক্রতীর্থে পাণ্ডারা চক্রতীর্থে স্নান-তর্পণ করিয়া পিতৃলোক উদ্ধার করিতে বলে, এদিকে মণিকর্ণিকার পাণ্ডারা মণিকর্ণিকায় স্নান-তর্পণ করিতে আহ্বান করিয়া ঐরূপ আশ্বাস দিয়া থাকে, সুতরাং আগন্তু ব্যক্তি প্রথমতঃ কি করিবে কিছুই স্থির করিয়া উঠিতে পারে না, কেবল হতাশাস স্নাতন্থা বিহীনের মায় ইতস্ততঃ দৃষ্টি নিক্ষেপ করে ।

অনন্তর চক্রতীর্থে কিঞ্চিৎ উপরে সুপ্রশস্ত সোপান-প্রথিত একটি অত্যাচ্চ মন্দির আছে, প্রথম দৃষ্টিে উহা একটি অট্টালিকা সদৃশ বোধ হয়, কিন্তু উহা তারকেশ্বরের মন্দির, উহাতে তারকেশ্বর নামে একটি শিবলিঙ্গ এবং বিষ্ণুর চক্রগ-পাদুকা স্থাপিত আছে । ঐ মন্দিরের নৈঋত কোণে প্রায় ৩০০ হাত, ললিতাঘাটের পশ্চিমে ৪০০ হাত, এবং মানসমন্দিরের বামুকোণে অন্যান্য ৫০০ হাত বাবহিত একটি সঙ্কীর্ণ পথের ধারে এক দক্ষিণ-দ্বারী চতুরস্র প্রাঙ্গণমধ্যে বিশেষ্বরের মন্দির সংস্থিত, ঐ প্রাঙ্গণের চতুর্দিকে যে সকল গৃহ আছে, তাহাতে শিবলিঙ্গ এবং অন্যান্য অনেক প্রকার বিগ্রহ স্থাপিত আছে, এবং বিশেষ্বরের মন্দিরে একটি সুচিকণ প্রস্তর-ময় লিঙ্গধার কুণ্ডে বিশেষ্বর সংস্থিত, এই স্থানে প্রত্যাহ দুই বেলাই শত শত স্ত্রী-পুরুষ দৃষ্ট হয়, এবং চারি দিক হইতে কেবল “বম্, বম্, মহাদেব” তিন্ন আর কিছুই শুনা যায় না, অপর এই চতুঃশালক এবং মন্দির-বহিঃস্থ বানী ভবানীর নির্মিত এবং মন্দিরের চড়া করেকটি

পঞ্জাবের পূর্বতন মহারাজ রণজিৎ সিংহ কর্তৃক স্বর্ণ-মণ্ডিত হইয়াছে ।

বিশেশ্বরের চতুঃশালক হুইতে বাহির হইয়া, যে সঙ্কীর্ণ পথের ইতঃপূর্বে উল্লেখ হইয়াছে, সেই পথদিয়া টেনকত কোণের দিকে ন্যূনাত্মিক ১৫০ পদ গেল বাম-পার্শ্বে একটি চতুরঙ্গ প্রাঙ্গণের বহির্দ্বার দৃষ্ট হয়, উহার সম্বন্ধিত অনেক তিকাজীবী বসিয়া থাকে। ঐ দ্বার দিয়া প্রবিষ্ট হইলে সম্মুখেই উল্লেখিত প্রাঙ্গণ মধ্যে অন্ন-পূর্ণার মন্দির ও মাটমন্দির দেখা যায়, মাটমন্দিরটি পূর্ব-পশ্চিম দীর্ঘ, উহার ছাদ-সংযুক্ত পূর্বদিকে অন্ন-পূর্ণার মন্দির সংস্থিত, এবং তন্মধ্যে এক প্রস্তরময় পদ্মা-সনে অন্নপূর্ণা সংস্থাপিত আছেন, অন্নপূর্ণার শৃঙ্গার-সময়ে নানা প্রকার বহুমূল্যের আভরণে বিভূষিত দেখা-যায়, তাহার আধিকাংশ রানীভবানীর প্রদত্ত, এবং বর্ত-মান মন্দিরটি পূর্ণার মহারাজ কর্তৃক নির্মিত হয় ।

বিশেশ্বরের চতুঃশালকের অব্যবহিত পূর্বদিকে একটি ক্ষুদ্র পথ আছে, ঐ পথ দিয়া কিঞ্চিৎ উত্তরাভিমুখে গিয়া, তৎপরে কয়েক পদ পশ্চিম মুখে গেল, বাম পার্শ্বে একটি মসজিদ দৃষ্ট হয়, উহা বিশেশ্বরের চতুঃশালকের অব্যবহিত বায়ুকোণে সংস্থিত, এবং “অন্নজিব-মস-জিদ” বলিয়া বিখ্যাত। প্রথিত আছে ঐ মসজিদ-তু ই বিশেশ্বরের প্রাচীন মন্দির-সংযুক্ত ছিল, কিন্তু আর্য্য-ধর্মবিদ্বেষোত্তম সম্রাট সেই মন্দির সমুৎপাটন করিয়া ঐ মসজিদ স্থাপন করেন। কি আশ্চর্য্য! পৃথিবীর কি

চঞ্চল গতি! যে কাশীর পল্লীতে পল্লীতে পুরদ্বার, এমন কি, মক্ষিকারও প্রবেশ করা ভার, যে কাশীর উত্তর-দক্ষিণ দুই দিকে দুইটি সুদৃঢ় প্রস্তরময় দুর্গ, যাহার ভোরগদ্বারে শ্রেণীভেদে শত শত সৈন্য-সেনানী পর্যায়ক্রমে দিবা-রাত্রি দণ্ডায়মান থাকিত, যে কাশীর সংরক্ষণে কাশ্মীরের অধিতা কা হইতে কুমারিকা অনুরীপ পর্য্যন্ত সমুদয় আৰ্য্যবংশীয়েরা একাবাক্য, সেই কাশীর অভ্যন্তরে এই দুর্ঘটনা যে, আৰ্য্যদিগের সর্বপ্রধান দেবতা বিশেষর মুসলমান সত্ৰাট কর্তৃক দূরীভূত হইয়া মাতৃহীন বালকের ন্যায় বিষণ্ণবদনে বঙ্গীয় রাজার আশ্রয় গ্রহণ করে!

অপর, উপরোক্ত মসজীদের কিঞ্চিৎ পূর্বদিকে একটি রহৎকূপ আছে, তাহাকে “জানবাণী” বলে, এরূপ বিশ্বাস যে একদা একক্রমে দ্বাদশ বর্ষ রুষ্টি না হওয়ায়, প্রকৃতি-পুঞ্জের অসাধারণ ক্লেশ হইয়াছিল, তদ্রূপে জনৈক দেবর্ষি মহাদেবের ত্রিশূল দ্বারা এই স্থানে মৃত্তিকাঘাত করাতে এই কূপটি খাত হয়, এবং ইহা হইতে অনর্গল জল নির্গত হওয়ায়, সাধারণ কষ্ট দূর হয়, তৎপরে মহাদেব স্বয়ংই ইহাতে প্রবেশ করেন। এক্ষণে ইহাতে যাত্রিদিগের প্রক্ষিপ্ত কুল জল বিলপত্র বিগলিত হইয়া ইহা হইতে একটি পুতিগন্ধ নির্গত হয়, তাহা নিতান্ত অস্বাস্থ্যকর। অপর, এই কূপের উপর একটি কাঁককার্য্য বিশিষ্ট শ্রেণীভূত স্তম্ভাশ্রয় প্রস্তর-গৃহ আছে, তাহা গোয়ালিয়রের ভূতপূর্ব অধীশ্বর মহারাজ

উলংরাও সিদ্ধিরার বিধবা রাজ্ঞী বাইজা বাই কর্তৃক নির্মিত হয় ।

ইতঃপূর্বে মণিকর্ণিকার উল্লেখ হইয়াছে, এক্ষণে উহার উত্তরে যে সকল ঘাট তাহাই বক্তব্য । মণিকর্ণিকার উত্তরে যথাক্রমে সঙ্কটা ঘাট, বেণীরাম পশুভৈরব ঘাট, ও সিদ্ধিয়া ঘাট, শেষোক্ত ঘাটটি বাইজাবাই কর্তৃক বিপুল-বায়ে নির্মিত হয় । ইহার পরে রামঘাট, এই ঘাটে চৈত্র মাসে রামনবমী উপলক্ষে মহাসমারোহে একটি মেলা হয় । অপর, মণিকর্ণিকার তট হইতে এই ঘাটের তট পর্য্যন্ত সমুদয় ঐপকূলিক লোকালয়ে “চক” এবং “চৌখান্দা” প্রভৃতি স্থান, এই সকল স্থানে অনেক ভাগ্যবস্তু বণিক বাস করে । বনারস ভারতবর্ষের বাণিজ্য-সংসারের মধ্যস্থল, সুতরাং লাকপতি, ক্রোরপতি যা দেখিতে চাহ এই সকল স্থানে দেখিতে পাইবে । চকের উত্তরে কালভৈরব-টোলা, এখানে একটি মন্দিরমধ্যে কাল ভৈরব * প্রতিষ্ঠিত, কালভৈরবের মন্দিরটি পুণ্ডার বাজি রাও কর্তৃক নির্মিত হয়, এবং উহার অনতিদূরে কালকূপ ও দণ্ডপাণির মন্দির সংস্থিত, দণ্ডপাণির প্রতিমূর্তি ও মন্দির রাণীতবানীর প্রতিষ্ঠিত ।

কাল ভৈরবের মন্দিরের উত্তরে প্রায় ১০০০ পদ ব্যব-

* কালভৈরবের একটি জাঁতা কথিত হইয়া থাকে, একপ নিশ্বাস দে, যত্নের পর পাপাখ্যা উহাতে সম্বর্দ্ধিত হইয়া নির্য্যণ মুক্তি লাভের সোণ্য হয় ।

হিত “রক্তকাল” নামে এক পল্লী আছে, ঐ পল্লীতে কীর্ত্তি-বিশেষুরের মন্দির সংস্থিত, ঐ মন্দির-সঙ্খ্যাস্ত্র দ্বাদশটি রূহৎ চতুঃশালক ছিল; কিন্তু তাহার অনেক গৃহ ও মন্দির সম্রাট অরঙ্গজিব কর্তৃক সমুৎপাটিত হয়, এবং অবশিষ্ট যাঁহা ছিল, তাহার কতক এক্ষণে লোকালয়-সংভুক্ত ও কতক অসংস্কৃতাবস্থায় আছে, বস্তুতঃ উহার তুল্য প্রাচীন মন্দির কাশীতে আর লক্ষিত হয় না। উহার অনতিদূরে একটি প্রাচীন মসজীদ আছে, তাহাকে “অলম্‌গীর মসজীদ” বলে, তাহা অরঙ্গজিবের প্রতিষ্ঠিত, এবং বোধ হয় কীর্ত্তিবিশেষুরের মন্দিরের মাল মসল্লা দিয়াই নির্মিত হইয়া থাকিবেক, ঐ মসজীদের ললাটদেশে কোরানশরীফ-উদ্ধৃত এই শ্লোকটি অঙ্কিত আছে, যথা,—

“ফবাল্লে ওব্ হকাশৎ রোল্ মসজীদীল হারাম।”

হিজরি সন ১০৭৭।

অর্থাৎ এই মহাজন-মন্দির সম্মুখে সম্মুখীন হও।

অপর ইতঃপূর্বে রামঘাটের উল্লেখ হইয়াছে, উহার উত্তরে মানারাও পেশওয়ার ঘাট, কিন্তু লক্ষণ বালার ঘাট বলিয়া প্রসিদ্ধ। তৎপরে বেণিমাধবের ঘাট, ঐ ঘাটের তটে বেণিমাধবের * মন্দির সংস্থিত, কিন্তু উহাতে

* আধুনিক কোন ভূগোল-বেত্তা এখানে বিন্দুমাধব উল্লেখ করেন, কিন্তু বিন্দুমাধবের যোগার্থের কোন অর্থ নাই, এবং উহা স্থানীয় পরম্পরাগত প্রাচীন রক্তাস্ত্র মূলকও বোধ হয় না।

মন্দিরটি অরঙ্গজিবের সময় মসজিদ স্থাপিত হয়, উহার
 দুই পাশে ছাদ হইতে আনুমানিক ১০০ হাত, এবং
 মন্দির-পাদ হইতে প্রায় ১৫০ হাত উচ্চ দুইটি বক্র
 সোপান শূন্য-গর্ভ স্তম্ভ আছে, তাহার উপর উঠিলে
 সমুদয় কাশী দৃষ্ট হয়, এবং তাহাকে বাঙ্গালিরা “বেণি-
 মাধবের ধ্বজা” এবং হিন্দুস্থানিরা “মাধুদাস-কা
 ধড়ারা” বলে ।

বেণিমাধবের ঘাটের উত্তরে পঞ্চগঙ্গার ঠাট, এই
 ঘাটে কার্তিক মাসে কাশীবাসিগণ প্রাতঃস্নান করে,
 তাহাতে প্রতিদিন চারি দশ রাত্রি থাকিতে সূর্য-অনুদয়
 পর্যন্ত অধিক জমতা হয়, এবং কার্তিকী পূর্ণিমায়
 ইহার তটে মহাসমারোহে একটি মেলা হয় । ইহার
 পরে দুর্গাঘাট ও তৎপরে রাজমন্দির ঘাট, এই ঘাটে

* প্রথিত আছে বেণিমাধব দাস নামক জনৈক ভাগ্যধর
 বীতম্প্রহ বাঙ্গালী তীর্থবাসোদ্দেশে প্রথমতঃ পুরুমোক্তম গিয়া-
 ছিল, কিন্তু সে স্থান মনোনীত না হওয়ার, কাশীতে আসিয়া
 এই মন্দির এবং ঘাট নির্মাণ করে ।

† একরূপ বিশ্বাস যে, এখানে পাঁচটি নদী মিলিত হইয়াছে,
 এবং তজ্জন্য ইহা আৰ্য্যদিগের একটি মহাতীর্থ, যথা—

কিরণা ধূতপাণা চ পুণ্যতোয়া-সরস্বতী ।

গঙ্গা চ যমুনা চৈব পঞ্চ নদ্যোহত্র কীর্তিতাঃ ॥

অতঃ পঞ্চনদং নাম তীর্থং ত্রৈলোক্যবিশ্রুতম্ ।

কাশীগণ্ড ।

চৈত্রমাসে রাজপুতনার মারওয়াড়িদিগের উদ্‌যোগে একটি মেলা হয়। অতঃপর যথাক্রমে শীতলাঘাট, গয়াঘাট, ব্রহ্মাঘাট, ও ত্রিলোচনঘাট, এই ঘাটে গঙ্গা হইতে ত্রিলোচনের মন্দির পর্যন্ত সুপ্রশস্ত প্রস্তর-সোপান প্রথিত আছে। ত্রিলোচনের মন্দিরটি পুণার নাথুবানী কর্তৃক নির্মিত হয়, এবং ইহার সম্বন্ধিত বৈশাখী অক্ষয়-তৃতীয়ায় মহাসমারোহে একটি মেলা হয়। ইহার পর রাজঘাট, এই ঘাটে গঙ্গার অপর তটবর্তী লৌহ-বর্ষ-স্থানীয় হইতে নৌকা-সেতুতে একটি পথ আসিয়া সৈনিকাবাসে প্রগত হইয়াছে, ঐ পথ দিয়া পশ্চিমাভিমুখে গেলে স্থানে স্থানে অনেক প্রাচীন চিহ্ন লক্ষিত হয়। রাজঘাটের উপর একটি প্রাচীন কবরো-স্থান আছে, বোধ হয় ঐ স্থানে কোন কালে বৌদ্ধ-মন্দির ছিল, কিন্তু তাহা সমুৎপাটন করিয়া ঐ কবরো-স্থান নির্মিত হয়। ঐ স্থান হইতে পশ্চিমে আদ্য কোশ ব্যবহিত “কপিলমোচন” নামে একটি প্রাচীন জলাশয় আছে, উহার ঘাট সমুৎপাটন প্রস্তর-ময় ও সুদৃঢ়, এবং উহার উত্তরতীরে একটি প্রাচীন স্তম্ভ আছে, তাহাকে স্থানীয় লোকে “মহাদেবকা লাট” বা “শিবস্তম্ভ” বলে। এই জলাশয়ের অনতিদূরে আলি-পুর নামে এক পল্লী আছে, তথাতে বৌদ্ধ-মন্দিরের ভগ্নাবশেষ ও অনেক প্রকার বৌদ্ধ-প্রতিকৃতি দৃষ্ট হয়।

রাজঘাটের উত্তরে কুটাই কোটের ঘাট, এবং তৎপরে বকণা-সঙ্গম ঘাট, ইহাকে আদিকেশব ঘাটও বলে, এই

স্থানে বকনা নামে একটি ক্ষুদ্র সরিৎ পশ্চিম দিক হইতে বক্র গতিতে আসিয়া গঙ্গার সহিত মিলিত হইয়াছে, ইহার সঙ্গমতীরে কয়েকটি মন্দির আছে, শুনা যায়, মহারাজ সিদ্ধিয়ার জনৈক প্রধান মন্ত্রী উহা নির্মাণ করেন, উহার মধ্যে আদিকেশব, সূর্য্য, ব্রহ্মা ও সঙ্গমেশ্বরের প্রতিমূর্ত্তি স্থাপিত আছে, এবং উহার সন্নিকটে একটি প্রাচীন দুর্গের ভগ্নাবশেষ দৃষ্ট হয়, বোধ হয়, প্রাচীন কাশী-রাজারা এই দুর্গেই বাস করিতেন। উহার অব্যবহিত পশ্চিমে একটি ক্ষুদ্র উচ্চ প্রান্তুর আছে, তাহার দৈর্ঘ্য প্রায় ৩৫২০ হাত, এবং প্রস্থও অন্যান্য ৮০০ হাত হইবে, বোধ হয় কাশী-রাজাদিগের সময় তাহাতে দৈনিক-ব্যায়াম হইত। দৈনিক দৃষ্টে স্থান-খানি যেরূপ সুরক্ষিত তাহা কেবল সমর-নিপুণ দৈনিক পুরুষই অনুভব করিতে পারেন। উহার অধিকোণে গঙ্গা, ও উত্তরে ও ঈশানকোণে বকনা, এবং মধ্যকোণে একটি প্রাকৃতিক খাত, বোধ হয়, উহাই কোন কালে বকনা-গর্ভ ছিল।

বকনা-সঙ্গমের উত্তরে, কিন্তু কিঞ্চিৎ পশ্চিমোত্তর কোণাংশে প্রায় আদ্যক্রোশ ব্যবহিত একটি প্রাচীন জলাশয় আছে, তাহাকে “সোনেকা তলাউ” বা “স্বর্ণ-সরোবর” বলে, তাহার ঠিক মধ্যস্থলে একটি বৃহৎ স্তম্ভ আছে, এবং ঘাটের উপর অনেক বৌদ্ধ-প্রতিকৃতি দৃষ্ট হয়, বোধ হয়, ইহা সারনাথ হইতে নীত হইয়া থাকিবেক।

অপর উপরোক্ত জলাশয়ের অন্যান্য একত্রোশ উত্তরে এক মন্দিরমধ্যে সারনাথ মহাদেব স্থাপিত আছেন, ঐ মন্দির সম্বন্ধিত সমুদয় লোকালয়ও সারনাথ বলিয়া প্রসিদ্ধ। সারনাথের অব্যবহিত পশ্চিমে ধমেগ নামে এক গ্রাম আছে, উহাতে বৌদ্ধ-মন্দিরের ভগ্নাবশেষ অদ্যাপি বিদ্যমান আছে। ঐ স্থানেই শাকা

* ধমেগ ধর্মযুগের অপভ্রংশ। প্রথিত আছে প্রাচীনকালে কাশীবাসিগণ ধর্মার্থ যুগ পালন করিত, এবং সেইসকল যুগ এই স্থানে বিচরণ করিত বলিয়া ইহার নাম ধমেগ হইয়াছে। কেহ কেহ বলেন যে, প্রাচীন কালে এই স্থান “ইষ্টপ্রাপ্তম্ যুগ-গেহ বলিয়া বিখ্যাত ছিল।

† ইহার আর এক নাম গৌতম ছিল, ইনি খ্রীস্টীয় শকারস্তুর ৬৩০ বৎসর পূর্বে পাটলিপুত্রের অন্তর্গত কপিলবস্ত্র নগরের রাজ-ভবনে জন্ম গ্রহণ করেন। কপিলবস্ত্রকে একে “রাজ-গৃহ” বলে, এবং ঐ স্থান একটি বিজন নগরের মত, আধুনিক পাটনার অধিকরণে ২০ ক্রোশ ব্যবহিত বিস্তারপাদে সংস্থিত। তাহার বৌদ্ধ-গ্রন্থে গৌতম-চরিত্র যেরূপ লিখিত আছে, তাহাতে ইহার ঠিক-শব্দকালীয় গাভ্রীর্ষ্য ও চিন্তাশীলতাতে ইহা স্পষ্টই বোধ হইতে যে, তিনি কোন মহৎকর্ম সম্পাদনের জন্য জন্মগ্রহণ করিয়াছিলেন। তিনি বিংশতি বৎসর বয়ঃক্রমেই বীতশুভ হইয়া সংসারাত্মক ত্যাগ করেন, এবং আধুনিক গয়া হইতে চারি ক্রোশ পূর্বেদিবে (যে স্থান একে বৌদ্ধগয়া বলিয়া প্রসিদ্ধ) এক অশ্বখপুলে ইন্দ্রিয় সংকমে কালক্ষেপ করেন, কিছু দিন পরে ঐ স্থান হইতে “বুদ্ধি” প্রাপ্ত হইয়া বৌদ্ধ নাম ধারণ করত তিনি বারাণসীর উত্তরে সারনাথে আসিয়া স্বমত প্রচারে প্ররত হন এবং খ্রীঃ অব্দে ৫১০ বৎসর পূর্বে, এবং তাঁহার অশীতি বৎসর বয়সে উত্তর-কোণলাতে মানবলীলা সম্বরণ করেন।

যুনি বৌদ্ধ-মত প্রচার করেন, এবং তাঁহার পরলোক-প্রাপ্তির পর চন্দ্রগুপ্তের পৌত্র মহারাজ অশোক ও বঙ্গাধিপ মহীপাল, শ্রীপাল, বসন্তপাল ও ভূপাল প্রভৃতি সত্রাটগণ কর্তৃক ঐ ধর্ম সমাদৃত হইয়া, দেশ দেশান্তরে প্রচারিত হয়। এক্ষণে আমরা যেমন স্থানে স্থানে খৃষ্টধর্ম-প্রচারক দেখিতে পাই, উল্লেখিত সত্রাটগণের রাজত্বকালে সেইরূপ বৌদ্ধ-ধর্ম-প্রচারক ভিন্ন ভিন্ন জনপদে প্রেরিত হইত, এমনকি ধর্ম-প্রচারিকার কথা কেহ কখন শুনেন নাই, কিন্তু মহারাজ অশোকের সময়ে তাহাও শুনা যায়। প্রথিত আছে কুণ্ডিন নগরে বাসদেব নামে এক ব্রাহ্মণ ছিলেন, তাঁহার সঙ্গাশিত্রা নামী এক কুহিতা এবং মহেন্দ্র নামে এক পুত্র ছিলেন, উভয়ই সুপণ্ডিত, এবং উভয়ই বৌদ্ধ-ধর্ম-ঘোষণার্থ লঙ্কায় প্রেরিত হইয়াছিলেন।

অনন্তর, ধর্মের প্রাস্তরে এক্ষণে কেবল দুইটি মন্দিরের ভগ্নাবশেষ বিদ্যমান আছে, এতদ্ভিন্ন কোন খানে ভগ্ন গৃহের পত্তন, কোন খানে প্রস্তরময় বৃহৎ কূপ, কোন খানে খণ্ড-প্রতিকৃতি, কোন খানে প্রস্তরখণ্ড, কোন খানে স্তূপাকার ইফক, এবং কোন খানে ভগ্ন-স্তম্ভ দৃষ্ট হয়, ফলতঃ এই স্থান যে কোন সময়ে অষ্টা-লিকা-সদৃশ ছিল, তাহার অণুমাত্র সন্দেহ নাই। খৃঃ অব্দের পঞ্চম শতাব্দীতে বৌদ্ধ-মতাবলম্বী কহিয়ান এবং সপ্তম শতাব্দীতে হিয়েন থসান্গ চিন হইতে বৌদ্ধ-মন্দির দর্শনার্থে ধর্মেরে আইসেন, তাঁহাদিগের বর্ণ-

নাতেও ইহা প্রতীত হয় যে, বৌদ্ধ-মন্দিরের সমুদয় গৃহ বহু ব্যয়ে নির্মিত হইয়াছিল, এবং তাঁহারা আর বলেন যে, এই মন্দিরের অধীন বহুবায়-সাধিত আর ত্রিশটি মন্দির বারাগসীর স্থানে স্থানে ছিল, তাহাতে অনূন তিন সহস্র বৌদ্ধ বাস করিতেন।

এই দুইটি চিন-পর্ষাটকের নিকট শুনা যায় যে, ইহারা যে যে সময়ে এদেশে আসিয়াছিলেন, ততঃ কালে এদেশের প্রায় সকল স্থানে, বিশেষতঃ ত্রেকাবর্তে বৌদ্ধ-ধর্মের বিলক্ষণ চর্চা ছিল।

অপর, সময়ে সময়ে ধর্মের মন্দির-ভিত্তি খনন করাতে, অনেকে অনেক ত্রব্য প্রাপ্ত হইয়াছেন। একদা প্রিন্সেপ সাহেব এক ভিত্তি-মধ্যে একটি স্থালীতে কিঞ্চিৎ তস্য ও পালী অক্ষরে লিখিত একটি প্রাচীন শ্লোক পাইয়াছিলেন, সেই শ্লোকটি এ স্থলে অবিকল বাঙ্গলা অক্ষরে উদ্ধৃত হইল, যথা,—

যে ধর্মহেতু প্রভবা হেতুতেষাং তথাগতা হবদং তেষাং
চরোনিরোধ এবং বাদী মহাশ্রমণঃ ॥

প্রথিত আছে শাক্যমুনির পরলোক প্রাপ্তির পর, উত্তরভারতবর্ষীয় বৌদ্ধ-মতাবলম্বী রাজগণ, তাঁহার মৃত দেহ লওয়ার জন্য পরস্পর কলহকারী হইয়াছিলেন, কিন্তু শাক্যমুনির কতিপয় শিষ্য তাৎকালিক কলহ নিবারণার্থ কৌশলক্রমে শবদাহ করিয়া, উপস্থিত রাজগণকে কিঞ্চিৎ কিঞ্চিৎ শবদাহকৃত তস্য এবং বৌদ্ধ-

ধর্মমূলক একটি শ্লোক লিখিয়া দিয়া বিদায় করেন ।
বোধ হয় উল্লেখিত স্থানী ঐ সকল রাজাদিগের মধ্যে
কাহারো কর্তৃক রক্ষিত হইয়াছিল, অপর উপরোক্ত
শ্লোকটি যে বৌদ্ধ-ধর্মমূলক তৎপক্ষে কোন সন্দেহ
নাই, যেহেতু বেহার অঞ্চলের অনেক তৈজসমন্দিরে,
বিশেষতঃ রাজগৃহের কোন কোন প্রতিকৃতিতে ঐ
শ্লোকটি অঙ্কিত আছে ।

সারনাথের নৈঋত কোণে কিঞ্চিৎ ব্যবহিত “শিক-
রোল” নামে এক শাখানগর আছে, উহা কাশীর
বায়ুকোণে অন্যান্য দেড়ক্রোশ দূরে, কাশী হইতে
বক্কার অপরতীরে সংস্থিত, ঐ স্থানে ধর্ম্মাধিকরণ,
টেননিকানাস, ও টৈবদেশিক পণ্যালয় সমুদয় স্থাপিত
আছে, তন্নির অনেক আশ্রিত রাজ্যের নিরক্ষাসিত রাজ-
গণ নিবেশিত হইয়াছেন, তন্মধ্যে কুর্গের রাজ-পরি-
বারই প্রসিদ্ধ ।

কাশীর পশ্চিম প্রান্তে “পিশাচমোচন” নামে একটি
জলাশয় আছে, উহার পূর্বতীরে ঘাটের উপর এক
মন্দির মনো একটি শিবলিঙ্গ এবং তৎপাশ্বে পিশাচের
মস্তক স্থাপিত আছে, এই জলাশয়টি আৰ্য্যদিগের
একটি তীর্থ, এবং ইহার তীরে প্রতিবৎসর অগ্রহায়ণ
মাসে একটি মেলা হয়, তাহাকে “লোটাভাঁটার মেলা”
বলে ।

কাশীর নৈঋত কোণে সূর্য্যাকুণ্ড নামে একটি জলাশয়
আছে, উহার পূর্বতীরে সূর্য্যনারায়ণের প্রতিমূর্ত্তি এক

মন্দিরমধ্যে প্রতিষ্ঠিত, ঐ মন্দিরটি কোটাবুন্দীর মহারাজ কর্তৃক নির্মিত হয়, এবং উহা যাত্রিদিগের দর্শনীয়।

কাশীর দক্ষিণে অন্যান্য আদিক্রোশ ব্যবহিত “দুর্গাকুণ্ড” নামে একটি জলাশয় আছে, উহার দক্ষিণতীরে দুর্গার মন্দির প্রতিষ্ঠিত, ঐ মন্দির এবং কুণ্ড রাণী ভবানীর নির্মিত, উহার সম্বন্ধিত প্রতিবৎসর চৈত্র মাসে নয় দিন ব্যবৎ মহাসমারোহে একটি মেলা হয়, তাহাকে “নবরাত্রির মেলা” বলে।

দুর্গাকুণ্ডের পূর্বদিকে কিকিৎ ব্যবহিত একটি প্রস্তর-সোপান বিশিষ্ট সরোবর আছে, তাহাকে “কুষ্কক্ষেত্র-সরোবর” বলে, প্রথিত আছে রাণী ভবানী কুষ্কক্ষেত্র-সরোবরের অনুকরণে এই সরোবরটি নির্মাণ করেন।

কুষ্কক্ষেত্র-সরোবরের দৈশান কোণে বহু-ব্যয়-নির্মিত প্রস্তর-সোপান-প্রথিত একটি কুণ্ড আছে, তাহাকে “লোলারিককুণ্ড” বলে, তাহা অংশতঃ রাজ্ঞী অহল্যা বাই কর্তৃক, এবং অংশতঃ বেহারের অনেক রাজা ও অমৃত রাও কর্তৃক নির্মিত হয়।

কাশীর অধিকোণে গঙ্গার অপারতীরে প্রায় দেড়ক্রোশ ব্যবহিত রামনগর নামে একটি উপনগর আছে, উহাকে “ব্যাসকাশী”ও বলে, ঐ স্থানের প্রাসাদ হইতে দৈশান কোণে অন্যান্য আদিক্রোশ ব্যবহিত একটি জলাশয় আছে, তাহার পূর্বতীরে বহু-ব্যয়-নির্মিত একটি মন্দির আছে, মহারাজ চৈত-সিংহ

উহার আরম্ভ করিয়াই পরলোক গমন করেন, তৎপরে বর্তমান কাশীরেশ কর্তৃক উহা সম্পূর্ণ হয়, উহাতে নৈপুণ্যশীল কাঞ্চ-হস্ত বিনির্মিত অনেক দেব-দেবী ও ঋষিকুলের প্রতিমূর্তি সুচারুরূপে অঙ্কিত আছে।

কাশীতে যে সকল মেলা হইয়া থাকে ইতঃপূর্বে প্রায়ই তাহার উল্লেখ হইয়াছে, এক্ষণে একটি মেলার বিষয় বলিয়া, ইহার নাম “বুড়ামঙ্গলের মেলা,” ইহা দোলযাত্রার পর মঙ্গলবারের সাংকাল হইতে নৌকার উপর অনুষ্ঠিত হইয়া, সমুদয় রাত্রি, এবং পর দিন দুই প্রহর পর্যন্ত থাকে, ইহার আনুষঙ্গিক নৃত্য-গীত রঙ্গ রহস্য সমুদয় নৌকার উপরই হয়।

কাশী সংস্কৃত ভাষার একটি প্রাচীন সমাজ, এই স্থানে প্রাচীন কালে যে কয়েক জন প্রসিদ্ধ ঐনুকার জন্ম গ্রহণ করেন তাঁহারদিগের নাম এ স্থলে সন্নিবেশিত হইল, যথা, সিদ্ধান্তকৌমুদী-প্রণেতা ভট্টোজি দীক্ষিত, প্রক্রিয়াকৌমুদী-প্রণেতা কৃষ্ণভট্ট, মধাকৌমুদী প্রণেতা বরদরাজ, মঞ্জুস্মৃতি-প্রণেতা বৈদ্যানাথ ভট্ট, এবং শেখর-প্রণেতা নাগোজি ভট্ট।

—০—

পঞ্চকোশী তীর্থ।

কাশীবাসিগণ এবং বৈদেশিক যাত্রিরা উভয়েই “পঞ্চকোশী তীর্থ” পর্যটন অবশ্য-কর্তব্য বলিয়া

১০০ উত্তর পশ্চিম অঞ্চলের ভূতত্ত্ব।

জানেন। যাঁহারা এই তীর্থ পর্যটনে প্রবৃত্ত হন, তাঁহারা প্রথম দিন মণিকর্ণিকায় স্নান করিয়া, বিশ্বেশ্বরের মন্দিরের অনতিদূরে সাক্ষী-গণেশ দর্শন-পূর্বক অসী-সঙ্গমে যান এবং তথায় স্নান করিয়া, জগন্নাথ দর্শন করত জগন্নাথের মন্দিরের ৪ ক্রোশ পশ্চিমে কাঁধোয়া গ্রামে গিয়া রাত্রি বাস করেন, কাঁধোয়া কর্দ্দমেশ্বরের অপভ্রংশ, ঐ গ্রামে দুইটি মন্দির মধ্যে কর্দ্দমেশ্বর ও সোমেশ্বর নামে দুইটি শিবলিঙ্গ স্থাপিত আছে, এবং চঞ্জকূপ নামে একটি কুণ্ড আছে, ঐ সমুদয় যাত্রিদিগের দর্শনীয়। দ্বিতীয় দিনে পঞ্চক্রোশী তীর্থার্থীগণ কর্দ্দমেশ্বর হইতে বায়ুকোণে ৬ ক্রোশ ব্যবহিত “ভীমচণ্ডী” গ্রামে গিয়া অবস্থিত হন, ঐ গ্রামে এক মন্দির মধ্যে চণ্ডীর একখানি প্রতিমূর্তি স্থাপিত আছে। তৃতীয় দিনে তাঁহাদিগকে ভীমচণ্ডীর বায়ুকোণে ৮ ক্রোশ ব্যবহিত “রামেশ্বরে” গিয়া থাকিতে হয়, রামেশ্বর বরুণা নদীর দক্ষিণ তীরে সংস্থিত, ঐ গ্রামে এক মন্দির মধ্যে রামেশ্বর নামে একটি শিবলিঙ্গ স্থাপিত আছে। চতুর্থ দিনে তাঁহারা রামেশ্বরের ঈশান কোণে ৫ ক্রোশ ব্যবহিত “শিবপুরে” গিয়া থাকেন, ঐ গ্রামে এক মন্দির মধ্যে পঞ্চপাণ্ডবের প্রতিমূর্তি স্থাপিত আছে। অতঃপর পঞ্চক্রোশী তীর্থার্থীগণ পঞ্চম দিনে শিবপুরের পূর্বদিকে ৪ ক্রোশ ব্যবহিত “কপিলধারা” গিয়া অবস্থিত হন, এবং অবশেষে ষষ্ঠ দিনে কপিলধারার দক্ষিণে ২ ক্রোশ ব্যবহিত বরুণা সঙ্গমে

স্নান করিয়া, তৎপরে মণিকর্ণিকায় স্নান করত, সাকী-
গণেশ দর্শন পূর্বক আপন আপন গৃহে প্রত্যাগত হন ।

পঞ্চক্রোশী তীর্থের পথ সুপ্রশস্ত, ইহার দুই পার্শ্বে যথা-
ক্রোশী বৃক্ষ আছে, এবং স্থানে স্থানে কূপ, পুষ্করিণী ও ধর্মশালা
স্থাপিত আছে, এ সমুদয় রানী ডবানী কর্তৃক নির্মিত হয় ।

—০—

মির্জাপুর ।

জেলা মির্জাপুরের উত্তরে বনারস, পূর্বদিকে বাঙ্গালা
প্রদেশাধীম শাহাবাদ, দক্ষিণে রিমার অন্তর্ভুক্ত রাজগড়
প্রভৃতি স্থান এবং পশ্চিমে এলেহাবাদ । লোকসংখ্যা
১০,৫৪,৪১৩, গ্রাম ৫,৩৭৬, রাষ্ট্র ১,০০,৬৭,৬৪৭ ।

তহসীল ।

পরগণা ।

হজুর তহসীল

উগ্রোধ, চৌরাশী, কোণ,

মাবারা, কসবা ।

চরণাসি, চুণার,
চরণার গড় বা
চণ্ডাল গড়

}

কিরাত শিখর, ভোলী, আর্ছোরা,
ভগবৎপুর, হাবেনিচুয়ার, তালুক
শক্তেশগড়, কালিদ ।

কৌড়

ভদোহী ।

চুকিয়া

মুঙ্গরোর ।

মির্জাপুর একটি ব্যবহারিক ও টেমিক নগর, ৭৫০০০
লোকের বসতি, এলেহাবাদের পূর্বদিকে কিন্তু কিষ্কিৎ

এলেহাবাদ বিভাগ ।

এই বিভাগের উত্তরে অযোধ্যা প্রদেশ, পূর্ব দিকে বনারস বিভাগ ছুঁতে জৌনপুর, বনারস ও মির্জাপুর, দক্ষিণে বুদ্ধেলখণ্ড ও রিমার আশ্রিত রাজ্য, এবং পশ্চিমে আগরা বিভাগ ছুঁতে এটাওয়া ও করেখাবাদ । এই বিভাগান্তর্ভুক্ত এলেহাবাদ, হমীরপুর ও বাঁদার জেলায় স্থানে স্থানে অনেক ক্ষুদ্র ক্ষুদ্র পর্বত আছে, কিন্তু সে সমুদয় বিষ্ণুগিরির ঐকদেশিক তিন্ন স্বতন্ত্র পর্বত বলিয়া হ্রদ্বোধ হয় না ।

এলেহাবাদ ।

এই জেলার উত্তরে অযোধ্যাপ্রদেশাধীন প্রতাপগড়, পূর্বসীমায় জৌনপুর, বনারস ও মির্জাপুর, দক্ষিণে বুদ্ধেলখণ্ড ও রিমার আশ্রিত রাজ্য, এবং পশ্চিমে ফতেপুর । লোকসংখ্যা ১৩,৯৩,১৮৩, গ্রাম ৩,৯৯৪, রাষ্ট্র ৫৩,৫২,৯৪০ ।

তহসীল ।

পরগণা ।

চায়েল

চায়েল (প্রয়াগ নগর এবং মৈনিকাবাস)

পশ্চিম সরায়

অথর্বণ, করালী ।

কর্হা

কর্হা ।

ভহসীল ।

পরগণা ।

সুরাঁও

সুরাঁও, নবাবগঞ্জ, চৌহারী-
মির্জাপুর ।

কেওয়াই

কেওয়াই, মাছি ।

সেকেজা

সেকেজা, নূসী ।

আরায়েল

আরায়েল ।

বারে

বারে ।

ধায়রাগড়

তাল বড়কর, তাল চৌরাশী,
তাল দয়া, তাল কোঁচওয়ার,
তাল খুরকা, তাল মেঁড়া ।

এলেহাবাদ * উ. প. অঞ্চলের রাজধানী, ৭২০০০
লোকের বসতি, গঙ্গা-যমুনার সঙ্গমতীরে সংস্থিত, ইহার
প্রাচীন নাম প্রয়াগ †, এবং ইহা আর্যাদিগের একটি
তীর্থ ‡ । এই নগর পূর্ব-পশ্চিমে দীর্ঘ, ইহার কিঞ্চিদূর

* এলেহাবাদ যাবনিক শব্দ, এলাহি এবং আবাদ হইতে
উৎপন্ন, এলাহির অর্থ পরমেশ্বর, এবং আবাদের অর্থ
স্থাপন ।

† প্রয়াগের ধাতুর্থ “প্রকর্ষেণ যাগঃ প্রয়াগঃ” অর্থাৎ
সমাধানোপযোগী স্থান ।

‡ প্রয়াগে প্রতিষাত্ত্ব বেজনত্রয় মিশ্যতে ।

কৌরং কুড়াভু বিধিবৎ ততঃ স্মারাং সিভাসিতে ॥

নির্ণয়সিদ্ধ, চতুর্থ পরিচ্ছেদ ।

১০৬ উত্তর পশ্চিম অঞ্চলের ভূবৃত্তান্ত ।

উত্তরে ও অব্যবহিত পূর্বদিকে গঙ্গানদী প্রবাহিত হইতেছে, এবং দক্ষিণ দিক দিয়া যমুনানদী প্রবাহিত হইয়া নগরের ঠিক অগ্নিকোণে গঙ্গার সহিত মিলিত হইয়াছে। যমুনা-সঙ্গম ঘাট আর্ধ্যদিগের একটি তীর্থ, উহাকে “ত্রিবেণীর ঘাট” বলে, কেননা একরূপ বিশ্বাস যে, সরস্বতী নামে আর একটি অন্তঃসলিলা নদী ঐ স্থানে গঙ্গার সহিত মিলিত হইয়াছে, কিন্তু তাহার কিছুমাত্র চিহ্ন উপলব্ধ হয় না, এবং ভাবিয়া আনিলেও মনের অগোচর বোধ হয়, অপর ঐ ঘাটের উপর টেবদেশিক যাত্রিরা মস্তক মুণ্ডন ও তীর্থশ্রদ্ধা করে, কিন্তু তাদৃশ লোকের মধ্যে অনঙ্গর বা অধঃশ্রেণীর লোকই অধিক দৃষ্ট হয়, মাঘমাসে প্রত্যহ ঐ ঘাটে অধিক জনতা হয়, কেননা সে সময়ে নানা আর্ধ্যভূভাগ হইতে কল্প-বাসার্থ যাত্রিদিগের সমাগম হইয়া থাকে।

ত্রিবেণী-ঘাটের উপর একটি বৃহৎ দুর্গ আছে, উহা সম্রাট আকবর কর্তৃক নির্মিত হয়, এক্ষণে উহাতে রাজকীর আয়ুধাগার স্থাপিত আছে। অপর ঐ দুর্গমধ্যে একটি তলগৃহ আছে, তাহাতে একটি বৃক্ষ-দৃষ্ট হয়, লোকে উহাকে “অক্ষয় বট” বলে, বস্তুতঃ ঐ মূল-সম্বিহিত স্থানেই কোন কালে সঙ্গম-স্থান ছিল, এবং তত্তীরে ঐ মূলজাত একটি বৃহৎ বৃক্ষ ছিল, সেই বৃক্ষ হইতে সংসার-ক্লিষ্ট ঋজুস্বভাবেরা কামনা করিয়া গঙ্গায় প্রাণত্যাগ করিত, বোধ হয় তদুচ্চে মহামনা আকবর ঐ অনিষ্ট নিবারণার্থ সেই বৃক্ষ ছেদন করিয়া, তাহার

উপর উল্লেখিত ভলগ্হ নির্মাণ করেন। ঐ ভলগ্হের বহির্দেশে একটি প্রস্তর-স্তম্ভ প্রোথিত আছে, উহাকে স্থানীয় লোকে “ভীমসেনের গুদা” বলে, বস্তুতঃ উহা ধর্মশীল মহারাজ অশোকের স্তম্ভ, এবং ঐ প্রকার স্তম্ভের আর তিনটি বিহৃত অঞ্চলে গণ্ডকী-প্রদেশের স্থানে স্থানে আছে, এবং একটি সম্রাট ফিরোজ ভুগলক কোন স্থান হইতে উঠাইয়া লইয়া দিল্লীর রাজভবনে স্থাপন করিয়াছিলেন। এই সকল স্তম্ভে মহারাজ অশোকের ধর্ম-বিষয়ক অতিপ্রায় পালী অক্ষরে অঙ্কিত আছে, তাহার মূল মর্ম এই যে, “অহিংসা পরমো ধর্মঃ” এই সূত্রমূলক ধর্ম আমি অবলম্বন করিয়াছি, এবং আমার এই ইচ্ছা যে, “আমার প্রজাপুঞ্জও ইহাই অবলম্বন করে”।

ত্রিবেণী-ঘাটের কিঞ্চিৎ উত্তরে “দশাশ্বমেধঘাট”, উহা আর্ষাদিগের একটি তীর্থ, কেমনা একরূপ বিশ্বাস যে, ব্রহ্মা ঐ স্থানে দশাশ্বমেধ করিয়াছিলেন। অপর ঐ ঘাটের উপর কিঞ্চিৎ বায়ুকোণাংশে বেণিমাধবের মন্দির সংস্থিত, উহাতে বেণিমাধবের প্রতিমূর্তি স্থাপিত আছে, ঐ মূর্তিটি প্রয়াগদত্তের * স্মরণ চিহ্ন স্বরূপ নির্মিত হয়।

* প্রথিত আছে প্রয়াগদত্ত নামে জনৈক জ্যোতিষী ব্রাহ্মণ কোন কারণ বশতঃ সম্রাট আকবরের নিকট বিশেষ প্রতিপন্ন হওয়ার, তাহার মৃত্যুর পর প্রয়াগবাসিগণ তাহার স্মরণার্থে বেণিমাধবের প্রতিমূর্তি স্থাপন করেন।

১০৮ উত্তর পশ্চিম অঞ্চলের ভূরত্নাস্ত্র।

দশশতাব্দীর উত্তরে রাজঘাট, ঐ ঘাটে গঙ্গার অপর তীর হইতে নৌকা-সেতুতে কলিকাতা হইতে পেশওয়ারের সংপথ আসিয়া এলেহাবাদের সৈনিকাবাসে প্রগত হইয়াছে। অপর ঐ স্থানে গঙ্গার অপরতীর হইতে পূর্বাভিমুখে উল্লেখিত পথ দিয়া অন্যান্য আদ-ক্রোশ গেলে, পথের দক্ষিণ পাশে "রাসী" নামে একখানি গ্রাম দৃষ্ট হয়, উহাতে একটি পথিকাশ্রম আছে, এবং উহার কিঞ্চিৎ দক্ষিণে বিজননগর সদৃশ একটি প্রাচীন লোকালয় আছে, তাহাকে স্থানীয় লোকে "পুরাণা রাসী" বলে, বস্তুতঃ তাহার প্রাচীন নাম "প্রতিষ্ঠান পুর" ●, ঐ স্থানেই বৈবস্বত মনুর চুহিতা ইলা বুদ্ধের সহিত পরিণীতা হইয়া রাজধানী স্থাপন করেন, এবং তদ্বংশে ক্রমান্বয়ে পুরুরবা, আয়ু, নকুশ, যযাতি ও পুরু প্রভৃতি কয়েক জন সম্রাট যশের সহিত রাজত্ব করেন, পরে, "রাজার পাপে রাজ্য নাশ" হইয়া নগরটি ক্রমশঃ ধ্বংস-মুখে পতিত হইতে থাকে, এবং অবশেষে ধরাস্তুরাণি সম্রাট কোন আধিত্যাতিক ঘটনায় এককালেই বিধ্বস্ত হয়, এক্ষণে উহাতে একটি ওতুপ্ত মৃগয় দুর্গ ভিন্ন অন্য কোন প্রাচীন চিহ্ন লক্ষিত হয় না, অপর যে রাজার

* আধুনিক কোন আভিধানিক কাণপুরের অন্তর্গত বিঠোর নগরকে প্রাচীন প্রতিষ্ঠানপুর স্থির করিয়াছেন, বস্তুতঃ তাহা সম্পূর্ণ ভ্রম।

রাজত্ব-সময়ে ঐ দুর্ঘটনা সংঘটিত হয়, তাহার অপব্যয়
অদ্যাপি প্রয়াগবাসী-গণের মধ্যে প্রবাদ-স্বরূপ কীর্তিত
হইয়া থাকে যথা,—

“আন্ধের নগরী ধুম ধুমর রাজা ।

“টাকা সের ভাজি অপর টাকা সের খাজা ॥

কিন্তু প্রয়াগ-বাসী বাঙ্গালীগণ ঐ স্থানে “হবচন্দ্র
রাজা, গবচন্দ্র পাত্র” বলিয়া থাকেন ।

অমলুর ইতঃপূর্বে প্রয়াগের পূর্ব দিকে গঙ্গাতীরে
দশাশুমেধ ঘাটের উল্লেখ হইয়াছে, ঐ স্থান হইতে
পশ্চিমে অনধিক এক ক্রোশের পর প্রয়াগের চক
সংস্থিত, উহা অতিশয় সুদৃশ্য ও সুপ্রশস্ত, কিন্তু উহাতে
এপ্রদেশের অন্যান্য স্থানের চকের মত অধিক ধনাঢ্য
বণিক দৃষ্ট হয় না ।

চকের পশ্চিমে কিঞ্চিৎ ব্যবহিত একটি প্রাচীন
উদ্যান আছে, উহাকে “খস্ক সুলতানের বাগান”
বলে, ঐ বাগানে কুমার খস্ক সমাহিত হন, এবং
তাঁহার সমাধি-মন্দির অদ্যাপি বিদ্যমান আছে ।

চকের বায়ুকোণে লৌহ-বস্ত্র-স্থানীয়, এবং তাহার
উত্তরে লৌহ-বস্তুর অপর ধারে “বক্তিয়ারা” নামে
এক পল্লী আছে, ঐ স্থানে অনেক ইংরাজের বাসস্থান,
গীর্জাঘর, ও কতকগুলি টেবৈদিক পণ্যনির দৃষ্ট হয়,
উহার কিঞ্চিৎ পশ্চিমে উচ্চতম বিচারালয়, ও প্রতি-

নিধি শাস্ত্রার নদাবাস, এবং পূর্বদিকে অন্যান্য আদি ক্রোশ ব্যবহিত “মালাকা” নামে স্থানে কারাগার সংস্থিত। কারাগারের কিঞ্চিৎ উত্তরে মৈনিকাবাস, এবং উহার পূর্বদিকে প্রায় আদিক্রোশ ব্যবহিত প্রাচীন প্রাসাদ, উহাতেই এক্ষণে এপ্রদেশীয় প্রতিনিধি শাস্ত্রা বাস করেন। অপর প্রাচীন প্রাসাদের ঈশান কোণে কিঞ্চিৎ ব্যবহিত কর্ণালগঞ্জ নামে এক প্রসিদ্ধ পল্লী আছে, ঐ স্থানে ভরদ্বাজ মুনির আশ্রম কীর্তিত হইয়া থাকে, প্রথিত আছে রামচন্দ্র বনবাস গমনে কয়েক দিন যাবৎ ঐখানেই ভরদ্বাজের আতিথা স্বীকার করেন। কর্ণালগঞ্জের বায়ু কোণে অন্যান্য এক ক্রোশ ব্যবহিত গঙ্গাতীরে একটি ঘাট আছে, তাহাকে “কাঁফার্মোর-ঘাট” বলে, ঐ ঘাট দিয়া গঙ্গাপার হইয়া, উত্তরে কিন্তু কিঞ্চিৎ বায়ুকোণাংশে প্রায় তিন ক্রোশ গেলে সুরাঁও নামে একটি উপনগর দৃষ্ট হয়, বোধ হয় ইহারই প্রাচীন নাম “শৃঙ্গবের পুর” হইবে, এক্ষণে ইহাতে একটি ভগ্নোন্মুখ দুর্গ ভিন্ন অন্য কোন প্রাচীন চিহ্ন লক্ষিত হয় না।

সুরাঁও হইতে পূর্বদিকে প্রায় দুই ক্রোশ ব্যবহিত সেকেন্দ্রা নামে এক উপনগর আছে, ঐখানে একটি দরগা আছে, তাহাকে স্থানীয় লোকে “মথদুম সাহেবের দরগা” বলে, মহরমের সময় ঐখানে একটি মেলা হয়।

সুরাঁওর উত্তরে প্রায় ১৬ ক্রোশ ব্যবহিত চৌহারী

মির্জাপুর নামে এক উপনগর আছে, ঐ স্থানে এক মন্দির মদ্যো ভবানীর একখানি প্রতিমূর্তি প্রতিষ্ঠিত, ঐ চত্রে মাসে নয় দিন যাবৎ ঐ মন্দিরের সম্মুখানে একটি মেলা হয়, তাহাকে “নবরাত্রির মেলা” বলে ।

এলেছাবাদের দক্ষিণে যমুনার অপার তীরে দর্শন-যোগ্য বিশেষ কোন বিষয় লক্ষিত হয় না, তবে এই মাত্র জ্ঞাপনীয় যে, যমুনা-সেতুর কিঞ্চিৎ দক্ষিণে নরমী নামে লৌহ-বত্ম-স্থানীয় হইতে একটি শাখা লৌহ-বত্ম দক্ষিণাভিমুখে মধ্যভারতবর্ষে নির্গত হইয়াছে ।

ফতেপুর ।

এই জেলার উত্তরে গঙ্গা নদী, যাহার অপার তীর হইতে অযোধ্যা প্রদেশ ভুক্ত রায়বরেলী এবং প্রতাপ-গড়ের প্রান্ত, পূর্ব দিকে এলেছাবাদ, দক্ষিণে বাঁদা এবং পশ্চিমে কাণপুর । লোকসংখ্যা ৬,৮০,৭৮৬, গ্রাম ১,৬১৭, রাষ্ট্র ১০,৫৯,৫৬৩ ।

তহসীল ।

পারগণা ।

ফতেপুর

ফতেপুর, হসুরা ।

গাজীপুর

{ গাজীপুর, আমসাহ,
মুতৌর ।

১১২ উত্তর পশ্চিম অঞ্চলের ভূরূপান্তর ।

তহসীল	পরগণা
কল্যাণপুর,	বিন্দকী, কুটিয়াগুণীর, তপ্পেজার ।
খাগা	হত গাঁ, কোতকলা ।
খুখেরু	একডামা, ধাতা ।
কোরা	কোরা ।

এই জেলার প্রধান স্থান ফতেপুর, একটি ব্যবহারিক নগর, ২০,০০০ লোকের বসতি, এলেহাবাদের বামুকোণে ৩৬ ক্রোশ ব্যবহিত এক প্রান্তর মধ্যে সংস্থিত ।

বাঁদা ।

এই জেলার উত্তরে যমুনা নদী, বাহার অপারতীর হইতে ফতেপুরের প্রান্তর, পূর্বেদিকে এলেহাবাদ, ও রিমার রাজ্য, দক্ষিণে বুদ্ধেলখণ্ড, এবং পশ্চিমে হমীর-পুর । লোকসংখ্যা ৭,২৪,৩৭২, গ্রাম ২৬৫, রাষ্ট্র ৫৮,৬৬,৩৫৫ ।

তহসীল ।	পরগণা ।
বাঁদা	বাঁদা ।
টৈলানী	টৈলানী, পশ্চিম সেমোনী ।

ভহসীল

পরগণা

ববেরু

ঔগাছী, পূর্ব সেমৌনী ।

কমাসীন

দরসেন্দা ।

মৌ

ছীবৌ ।

কিরুই

তিহান ।

বুদৌসা

বুদৌসা ।

সিঁউদা

সিঁউদা ।

বাঁদা, প্রাচীন কালের গুহক-চণ্ডাল-পুরী, ৪১,০০০, লোকের বসতি, এলেহাবাদের পশ্চিমে, কিন্তু কিম্বিওৎ টেমখাত কোণাংশে আনুমানিক ৪৫ ক্রোশ ব্যবহিত এক বৃহৎ প্রান্তর মধ্যে সংস্থিত । ইহার দক্ষিণে ২৫ ক্রোশ ব্যবহিত একটি পর্বত আছে, তাহার পরিধি নূনাতিরেক আড়াই ক্রোশ, এবং পর্বত-পাদ-সম্বি-হিত প্রান্তর হইতে উচ্চতা অনূন ৪০০ গজ হইবে । ঐ পর্বতের উপর প্রসিদ্ধ “কালিঞ্জর” দুর্গ প্রতিষ্ঠিত, উহা যদিও কালসহকারে একগে জীর্ণদশা গ্রস্ত, কিন্তু উহার কারু-কার্য্য সুদৃঢ় এবং সুকৌশল-সম্পন্ন, উহা আর্ঘ্যদিগের রাজত্বকালে নির্মিত হয়, কিন্তু কোন সময়ে এবং কাহার কর্তৃক নির্মিত হয়, তাহা অনিশ্চিত, তবে এই মাত্র শুনা যায় যে, প্রাচীনকালে ঐখানে বেদজ্ঞ পণ্ডিতেরা শাস্ত্রার্থ জন্য সমবেত হইতেন ।

কালিঞ্জর হইতে ঈশান-কোণে প্রায় ৬ ক্রোশ দূরে এবং বাঁদার অধিকোণে অনধিক ২০ ক্রোশ ব্যবহিত

১১৪ উত্তর পশ্চিম অঞ্চলের ভূরূপান্তর ।

“চিত্রকূট পর্বত” সংস্থিত, উহা সূর্যমন্দিরগতি মিনারে এবং ছায়াতকতে সুশোভিত হইয়া রহিয়াছে, এক্ষণে ঐ স্থানে কয়েকটি মন্দির দৃষ্ট হয়, এবং অনেক উদ্যানীন বাস করে, অপর ঐখানে রামচন্দ্র বনগমনকালে কিয়-
দিন অবস্থিতি করেন, এবং তাঁহার প্রতিনিবর্তন জন্য ভরত উপস্থিত হইলে, রামচন্দ্র ঐখানে ভরতকে যে কয়েকটি উপদেশ দেন, তৎপ্রসঙ্গে আদি কবি বিশুদ্ধ রাজনীতির সূত্র ও সত্যপালনের ঐচ্ছিতা সংক্ষেপে এবং দৃঢ়তার সহিত বর্ণনা করিয়াছেন, যথা,—

আগতা ত্বামিয়ং বুদ্ধিঃ স্বজা টেবনয়িকী চ য়া ।

ভূশমুৎসহসে তাত রক্ষিতুং পৃথিবীমপি ॥

অমার্ভেত্যশ্চ সুহৃদ্ভিঃ বুদ্ধিমদ্ভিঃ মদ্বিত্তিঃ ।

সৰ্বকার্যাণি সম্যক্কা মহান্তাপি হি কারয় ॥

লক্ষ্মীশ্চন্দ্রাদপেয়াদ্বা হিমবান্ বা হিমং ত্যজেৎ ।

অভীয়াৎ সাগরো বেলাৎ ন প্রতিজ্ঞামহং পিতুঃ ॥

অনন্তর কালিঞ্জর এবং চিত্রকূট দর্শনার্থিদিগকে এলেছাবাদ হইতে ঝাঝলপুরের লৌহ-বতো মাণিকপুর অথবা মারকুণ্ডিতে উত্তীর্ণ হইয়া ঐ দুই স্থানে গমন করিতে হয় ।

হমীরপুর ।

এই জেলার উত্তরে যমুনা নদী, বাহার অপার তীর হইতে ফতেপুর ও কাণপুরের প্রান্ত, পূর্বদিকে বাঁদা, দক্ষিণে বুন্দেলখণ্ড, এবং পশ্চিমে বাঁসী । লোকসংখ্যা ৫,২০,৯৪১, গ্রাম ৯১৮, রাষ্ট্র ৪৪,৩০,৫৩৯ ।

তহসীল	পারগনা ।
হমীরপুর	হমীরপুর, সুমেরপুর ।
মৌধা	মৌধা ।
জলালপুর	জলালপুর ।
রাট	রাট ।
পানবাড়ী	পানবাড়ী, তৈজতপুর ।
মহুবা	মহুবা ।

হমীরপুর একটি ক্ষুদ্র ব্যবহারিক নগর, এলেছাবাদের পশ্চিমে কিন্তু কিষ্কিৎ টেনখাঁত কোণাংশে ৬৮ ক্রোশ, এবং কাণপুরের দক্ষিণে অনূ্যন ১৮ ক্রোশ ব্যবহিত, বেতোয়া নদীর বামতটে এবং বাঁদা হইতে কাণপুরের পথের ধারে সংস্থিত । এই নগরের অনতিদূরে বেতোয়া যমুনার সহিত মিলিত হইয়াছে ।

১১৬ উত্তর পশ্চিম অঞ্চলের ভূরূপান্তর ।

কাণপুর ।

এই জেলার উত্তরে গঙ্গা নদী, যাহার অপরতীর হইতে অযোধ্যা প্রদেশ-ভুক্ত উনাউর প্রারম্ভ, পূর্বদিকে ফতেপুর, দক্ষিণে হমীরপুর ও নাসী, এবং পশ্চিমে ফেরাখাবাদ ও এটাওয়া । লোকসংখ্যা ১১,৮৮,৮৬২, গ্রাম ২,২৭২, রাষ্ট্র ৪৫,৪০,৪৪৭ ।

তহসীল	পরগণা ।
আকবরপুর	আকবরপুর ।
বিল্হোর	বিল্হোর ।
ভগ্নীপুর	ভগ্নীপুর ।
জাজমো	জাজমো, কাণপুর শহর ।
দেরাপুর	দেরামঙ্গলপুর ।
রসূলাবাদ	রসূলাবাদ ।
সাতসলেমপুর	সাতসলেমপুর ।
শিবরাজপুর	শিবরাজপুর ।
ঘাতমপুর	ঘাতমপুর ।

কাণপুর, কৃষ্ণপুরের অপভ্রংশ, একটি ব্যবহারিক ও টৈমনিক নগর ১,১৮,০০০ লোকের বসতি, এলেহাবাদের বায়ুকোণে ৭৫ ক্রোশ ব্যবহিত গঙ্গার দক্ষিণ তটে সংস্থিত । এই নগরে গঙ্গার উপর একটি ভাসমান লৌহ-সেতু আছে তদ্বারা গঙ্গাপার হইয়া, অপর তীর হইতে

উত্তরাভিমুখে পুলিন দিয়া কতক দূর গেলে একটি লোহ-
বস্তু দৃষ্ট হয়, উহা লক্ষণৌর দিকে নির্গত হইয়াছে ।
কাণপুরের বায়ুকোণে প্রায় ৬ ক্রোশ ব্যবহিত বিঠোর
নামে একটি প্রাচীন উপনগর আছে, উহা গঙ্গার দক্ষিণ
তটে সংস্থিত, ঐ স্থানে বিদ্রোহি প্রধান নামা রাণয়ের
রাজধানী ছিল, কিন্তু বিদ্রোহকালে তাহা মৃত্তিকাসাৎ
হয় । অপর ঐ উপনগরকে কেহ কেহ প্রাচীনকালের
“বাল্মীকের তপোবন” বলিয়া থাকেন, এবং এপ্রদেশের
(উৎ পং অঞ্চলের) পশ্চিভেরা উহাকে “ত্রক্ষাবর্ত্ত”
বলেন, শেষোক্ত অনুমানটি অসঙ্গত বোধ হয়, কেননা
প্রাচীনকালে কোন বিশেষ নগরের নাম ত্রক্ষাবর্ত্ত ছিল
না, চম্বল (দৃষদ্বতী) প্রদেশ হইতে হস্তিনাপুরের পশ্চি-
মোক্তর সরস্বতী-প্রদেশ পর্য্যন্ত সমুদয় আৰ্য্য-ভূভাগ
‘ত্রক্ষাবর্ত্ত’ * নামে প্রসিদ্ধ ছিল ।

বাঁসী বিভাগ ।

এই বিভাগের উত্তরে হমীরপুর ও যমুনানদী, যাহার
অপর তট হইতে কাণপুরের প্রারম্ভ, পূর্বসীমায় হমীর-

* সরস্বতী দৃষদ্বত্যোর্দেবনদ্যোর্ধদত্তরম্ ।

তদেবনির্মিতদেশম্ ত্রক্ষাবর্ত্তপ্রচকতে ॥

১১৮ উত্তর পশ্চিম অঞ্চলের ভূরূপান্তর ।

পূর ও বুদ্ধেলখণ্ড, দক্ষিণে ও পশ্চিমে গোয়ালিয়রের স্বাধীন রাজ্য ।

বাঁসী ।

এই জেলার উত্তরে জালৌন ও গোয়ালিয়র রাজ্য, পূর্বেদিকে হমীরপুর ও বুদ্ধেলখণ্ড, দক্ষিণে ললিতপুর ও বুদ্ধেলখণ্ড, এবং পশ্চিমে গোয়ালিয়রের অধিকার ।
লোকসংখ্যা ৩,৫৭,৪৪২, গ্রাম ৬৯৮, রাষ্ট্র ৩০,৯৩,৬১৭ ।

তহসীল	পরগণা
বাঁসী	বাঁসী ।
মোঁ	মোঁ ।
পাণ্ডহা	পাণ্ডহা ।
মোট	মোট ।
গরতা	গরতা, গুরু সরায় ।

বাঁসী, বুদ্ধেলখণ্ডের একটি প্রাচীন রাজধানী, কাণ-পুরের নৈঋত কোণে প্রায় ৪১ ক্রোশ ব্যবহিত, বেতোয়া নদী হইতে কিঞ্চিৎ দূরে, আগরা হইতে সাগরের পথের ধারে সংস্থিত । এই নগরের প্রাচীন প্রাসাদ ও দুর্গ মৃত্তিকাসাৎ হয়, কিন্তু তাহার কোন কোন চিহ্ন অদ্যাপি বিদ্যমান আছে, অপর ১৮৫৭ খৃঃ অব্দে যখন বিদ্রোহানল অতিশয় প্রবল হইয়া উঠে, তখন বাঁসীর

ভূতপূর্ব মহারাজ গঙ্গাধর রাওয়ের বিধবা রাজ্ঞী লক্ষ্মী-বাই সমর-বেশে অশ্বারোহণ পূর্বক, স্বয়ং যুদ্ধক্ষেত্রে প্রবিষ্ট হইয়া, ইংরাজ সৈন্যকে এককালে ব্যতিব্যস্ত করেন, এবং গোয়ালিয়র পর্য্যন্ত উহার অনুসরণ করিয়া অবশেষে প্রকৃত বীরপুরুষের মত সমরশায়িনী হন ।

বাঁসীর দক্ষিণে কিছু কিঞ্চিৎ নৈঋত কোণাংশে অনূন ১২ ক্রোশ ব্যবহিত “চন্দেরী” নামে একটি উপ-নগর আছে, উহা এক্ষণে একটি বিজন নগর সদৃশ দৃষ্ট হয়, কিন্তু এক সময়ে উহা অত্যন্ত সমৃদ্ধিশালী ছিল । আকবর বাদশার সচিব-শ্রেষ্ঠ আবুল ফজল এইরূপ লেখেন যে, ঐ নগরে ১২০০০টি মসজিদ, ৩৬০টি সরায়, এবং ৩৮৪ টি বাজার ছিল ।

জালোন ।

এই জেলার উত্তরে যমুনা নদী, যাহার অপরতীর হইতে কাণপুরের প্রারম্ভ, পূর্বদিকে হমীরপুর, দক্ষিণে বাঁসী এবং পশ্চিমে গোয়ালিয়র-রাজ্য । লোকসংখ্যা ৪.০৫ ৬০৪, আয় ২৬০, রাষ্ট্র ২৯৯৩,৮৮১ ।

তহসীল	পন্নগণা ।
জালোন	জালোন ।
আট্টা	আট্টা ।
ওরাই	ওরাই ।

১২৪ উত্তর পশ্চিম-অঞ্চলের ভূতাত্ত্বিক।

এটা।

এই জেলার উত্তরে বদায়ুঁ, পূর্বেদিকে এবং দক্ষিণে মৈনপুরী, পশ্চিমে আলিগড়। লোকসংখ্যা ৬,১৪,৩৫১, গ্রাম ১৩১৯, রাষ্ট্র ২৭,১৮,৯৮৪।

তহসীল।

পরগণা।

এটা,

এটা, মারহরা, সকাটগঞ্জ,
সুন্দহার।

আলিগঞ্জ,

আজমুনগর, বর্নাহা, পাটিয়ালী,
নিধপুর।

কাশগঞ্জ,

উলাই, বলরাম, পচলানা,
শোরোঁ, ফৈজপুরবদরিয়া, সি-
হাওয়াড়, কুর্মানা।

“এটা” একটি ক্ষুদ্র ব্যবহারিক নগর, আগরার উত্তরে অন্যান্য ২৬ ক্রোশ, এবং আলিগড়ের পূর্বেদিকে স্যামা-তিরেক ২১ ক্রোশ ব্যবহিত এক প্রান্তর মধ্যে কলিকাতা হইতে পেশওয়ারের পথের ধারে সংস্থিত। এই নগরের উত্তরে ১৬ ক্রোশ এবং আলিগড়ের দক্ষিণ কোণে ২২ ক্রোশ ব্যবহিত গঙ্গার দক্ষিণ তটে এবং আলিগড় হইতে বদায়ুঁর পথের ধারে “শোরোঁ” নামে একটি উপনগর আছে, উহাকে “বরাহকেন্দ্র”ও বলে, এ

* বোধ হয় শোরোঁ “শুকর-কেন্দ্রের” অপভ্রংশ।

স্থান অর্থাৎদিগের একটি তীর্থ, কেননা একুণ বিশ্বাস যে, ঐখানে ভগবান বরাহ মূর্তি ধারণ করিয়া দুর্দান্ত হিরণ্যাক্ষকে বধ করেন । ঐখানে সময়ে সময়ে বিশেষতঃ কার্তিকী পৌর্নমাসীতে অনেক যাত্রির সমাগম হয়, এবং তাহাদিগের দর্শন বিষয়ক “সূর্য্যকুণ্ড”, “স্বর্ণমোচনকুণ্ড”, “পাপমোচনকুণ্ড” প্রভৃতি কয়েকটি কুণ্ড, “বটুক-ভৈরব” ও “যোগেশ্বর” নামে দুইটি শিবলিঙ্গ এবং গজাতীরের ঘাটমধ্যে “রামঘাট” “লক্ষ্মণ ঘাট”, “বলদেবঘাট”, “সোমতীর্থ”, “চক্রতীর্থ” ও “বিশ্রাম-ঘাট” প্রভৃতি কয়েকটি ঘাট অপেক্ষাকৃত প্রসিদ্ধ । বিশ্রাম ঘাটে টেবদেশিক যাত্রিরা তীর্থ শ্রদ্ধা ও পিতৃ-তর্পণ করে ।

মৈনপুরী ।

এই জেলার উত্তরে ফরোখাবাদ ও এটা, পূর্বেদিকে ফরোখাবাদ, দক্ষিণে এটাওয়া ও যমুনা নদী, যাহার অপরাপর হইতে আগরার প্রারম্ভ এবং পশ্চিমে আলিগড় ও মথুরা । লোকসংখ্যা ৭,০০,২০০, গ্রাম : ৪:২, রাষ্ট্র ৩২,২৬,২৬৫ ।

তহসীল ।

পরগণা ।

মৈনপুরী,

মৈনপুরী, উত্তর মৌজা,

কুরাওলী, মরোর ।

১৩০ উত্তর পশ্চিম অঞ্চলের ভূরত্নাস্ত্র ।

সুরমা উদ্যান, এবং অব্যবহিত পূর্বদিকে একটি প্রাঙ্গণ আছে, ঐ প্রাঙ্গণের পূর্বদিকে “খাসমহাল” নামে বিপুল ব্যয় নির্মিত একটি গৃহ আছে, অপর ছয়ন বুরুজ অবধি এই খাসমহাল পর্য্যন্ত সমুদয় স্থান শাজাহা বাদশাহর অবরোধ ছিল, ইহাতে সুকোনলাঙ্গী অন্তঃপুরিকারা বাস করিতেন। খাসমহালের দক্ষিণে একটি বৃহৎ উদ্যান আছে, তাহাকে “আঙ্গুরী-বাগ” বলে, এবং পূর্বদিকে কয়েকটি ক্ষুদ্র ক্ষুদ্র চৌবাচ্চা আছে, উহাতে রাজস্বীদিগের স্নানার্থ জল আনীত হইত, অপর এই সকল চৌবাচ্চার পূর্বদিকে বিপুল ব্যয় নির্মিত একটি গৃহ আছে, তাহাকে “জাহাঙ্গীর মহাল” বলে, উহা সম্রাট আকবর কর্তৃক নির্মিত হয়, এবং কুমার সলিম, (যিনি সিংহাসনারূঢ় হইয়া জাহাঙ্গীর উপাধি গ্রহণ করেন), জয়পুর এবং মারওয়াড়ার রাজকুমারীদিগের পানিগ্রহণ করিয়া তাঁহাদিগের বাসার্থ, ঐ গৃহ নির্ধারণ করেন। অনন্তর খাসমহালের সম্মুখে কতকগুলি ভূমাস্তুর সোপানশ্রেণীভূত দৃষ্ট হয়, উহা জাহাঙ্গীর মহালের পূর্বদিকে যে একটি বৃহৎ কূপ আছে, তাহার ধার পর্য্যন্ত প্রস্থিত, বোধ হয়, রাজস্বীরা ঐ সোপানশ্রেণী দিয়া কূপ-ধারে যাইতেন। আগরার দুর্গ-মধ্যে এক্ষণে প্রাচীনকালের কেবল উপরোক্ত কয়েকটি গৃহই আছে, উহা পূর্বতন বাদশাহদিগের স্মরণ-চিহ্ন স্বরূপ রাজবায়ে সংরক্ষণ করার জন্য এ অঞ্চলের বর্তমান প্রধান রাজপুরুষকে বিশেষ যাত্নিক দেখা যায়।

ভূর্গের ইশানকোণে কিষ্কিৎ ব্যবহিত “তাজগঞ্জ” নামে এক পলি আছে, ঐখানে একটি পূর্বদ্বারী রূহৎ চতুরস্র প্রাঙ্গণের পশ্চিম প্রান্তে যমুনার ঠিক অব্যবহিত তটবর্তী একটি সূচিক্ৰণ শ্বেত প্রস্তরময় সমাধিমন্দির দৃষ্ট হয়, উহাকে “মমতাজ মহাল” কিন্তু সাংগান্যতঃ “তাজ” “তাজমহাল” বা “তাজ বিবীর রোজা” বলে, সম্রাট শাজাহাঁ তাঁহার প্রিয়সী মহিষী মমতাজুন্নেসা * বা আর্জমন্দবানু † জন্য উহা নির্মাণ করেন । ঐ সমাধি-

* মমতাজ, মনোমীতা, নেসা, স্ত্রী ।

† আর্জমন্দ শ্বেতা, বানু স্ত্রী ।

আধুনিক কোন ভূগোল-বেত্তা ভ্রমবশতঃ এইরূপ বলেন যে, সম্রাট শাজাহাঁ তাঁহার প্রিয়তমা ভার্য্যা নূরজাহান বা নূরমহাল রাজ্যীর নিবিত্ত “মমতাজমহাল” নামে এই প্রসিদ্ধ সমাধিমন্দির নির্মাণ করেন । বস্তুতঃ নূরজাহান বা নূরমহাল নামী শাজাহাঁ বাদশাহর কোন রাজ্যী ছিলেন না, গয়াসউদ্দিনের হতভর্তৃকা দুহিতা সম্রাট জাহাঙ্গীরের সহিত পুনর্কিবাহিতা হইয়া, নূরজাহান উপাধি প্রাপ্ত হন, কিন্তু তিনি এখানে সমাধিত হন নাই । শাজাহাঁ বাদশাহ বিপুল-ব্যয়ে তাঁহার বে রাজ্যীর জন্য এই সমাধিমন্দির প্রস্তুত করেন, তাঁহার নাম মমতাজুন্নেসা বা আর্জমন্দ বানু এবং উপাধি মমতাজ মহাল (মমতাজ মনোমীতা, এবং মহাল অস্তঃপুরিকা) অর্থাৎ অস্তঃপুরিকা-দিগের মধ্যে মনোজা স্ত্রী, এবং এই রাজ্যী শ্বেতা উল্লেখিত রাজ্যী নূরজাহানের ভ্রাতা আফগাঁর দুহিতা, ইহার রূপ লাবণ্যের বিষয় একরূপ কথিত আছে যে, ইহার সমকালিক রমণীকুল মধ্যে ইহার মত রূপবতী স্ত্রী প্রায়ই দৃষ্ট হইত না ।

১৩২ উত্তর পশ্চিম অঞ্চলের ভূরূপান্তর।

মন্দিরের উর্দ্ধ বর্তুল (যাহাকে যাবনিক ভাষায় “গুম্বজ” বলে) মন্দির-পাদ হইতে অন্ত্যম ১৬০ হাত উচ্চ, এবং উহার মধ্যভাগের চতুর্কোণে যে চারিটি শূন্য-গর্ভ, বক্র-সোপান-স্তম্ভ আছে (যাহাকে যাবনিক ভাষায় “মিনার” বলে) মন্দির-পাদ হইতে প্রায় ২০০ হাত উচ্চ, তাহার উপরে উঠিলে সমুদয় নগর ও দূরবর্তী স্থান সমূহ দৃষ্ট হয়। মন্দিরের নীচের তালার গৃহতলে * রাজী মমতাজুন্ নেসা এবং তাঁহার প্রিয় স্বামী সত্ৰাট শাজ্জাহা উভয়ই পাশাপাশী সমাহিত হইয়াছেন এবং উভয়ের কবরই শ্বেত প্রস্তরময়। সত্ৰাটের কবরে কেবল এই মাত্র অঙ্কিত আছে যে, সন ১০৭৬ হিজরির ২৬ শে রজব (অর্থাৎ আরাবি বৎসরের সপ্তম মাসের ২৬ শে তারিখে) ইহার লোকান্তর প্রাপ্তি হয় এবং রাজীর কবরের উপর এই বাক্যটি অঙ্কিত আছে, যথা।

মর্কদে মনোওয়ার আজমন্দবানু বেগম মোখাতিব বা মমতাজমহাল তউকিয়ত সন ১০৪০ হিজরি।

অর্থাৎ মমতাজমহাল উপাধি বিশিষ্টা রাজী আজমন্দবানু হিজরি ১০৪০ সনে লোকান্তর গমন করেন, এই কবরটি তাঁহার জ্যোতিঃ পূর্ণ।

অনন্তর তাঁজের উত্তর দক্ষিণ দুই দিকে দুইটি লোহিত-প্রস্তর-নির্মিত মসজিদ আছে। তাহার অন্তঃ ভিত্তি বহুলোম্বর প্রস্তর-বিমণ্ডিত এবং কারু-কার্য্য

* মেকের অর্থে ব্যবহার করা গিয়াছে।

প্রশংসনীয়, এবং অব্যবহিত পূর্বদিকে যে রূহৎ প্রাঙ্গণ, তাহাতে ছায়াতরু বিশিষ্ট আঙ্গুরী বাগু সুদৃশ্য করুণময় পথে এবং স্থানে স্থানে ভূমাস্তুরগত শতধারের কৃত্রিম জলোচ্ছ্বাসে (যাহাকে যাবনিক ভাষায় “ফফারা” বলে) সুশোভিত আছে, বস্তুতঃ প্রাঙ্গণ সহিত তাহার চতুঃশালক অতিশয় সুরমা, ইহার সকল্য নির্মাণ-ব্যয় তিন কোটি সপ্ততি লক্ষ মুদ্রা লিখিত আছে, এবং নির্মাণকৌশল এরূপ সুদৃশ্য যে যদিও কিঞ্চিৎমান তিন শত বৎসরের নির্মিত, তথাপি যখন দেখ, তখনই বোধ হয় যেন ইহার নির্মাণ কার্য সম্প্রতিই সমাপ্ত হইয়াছে, ইহার নির্মাণ-কৌশল সম্বন্ধে জটনক পারস্য কবি এইরূপ লেখেন—

অগর ফেরদৌস বরুয়ে জমিনাস্ত ।

হামিনাস্ত, হামিনাস্ত, হামিনাস্ত ॥

অর্থঃ

যদি ধরাতলে স্বর্গ স্বরূপ স্থান কল্পনা করা যায়,
তবে সে এই স্থান, সে এই স্থান, সে এই স্থান ।

চূর্ণের পূর্বদিকে কিন্তু কিঞ্চিৎ অধিকোণাংশে
অনধিক এক কোণ ব্যবহিত আগরার টেমিকাভাস
সংস্থিত, উহা অতিশয় প্রশস্ত এবং অনেক গৃহ বিশিষ্ট,
এ প্রদেশে দিগঠের টেমিকাভাস ভিন্ন, এরূপ সুদৃশ্য
সেনানিবেশ অন্যত্র দৃষ্ট হয় না ।

আগরার পরপারে লৌহ-বর্ম-স্থানীয়ের কিঞ্চিৎ

১৩৪ উত্তর পশ্চিম অঞ্চলের ভূরূপান্তর ।

পশ্চিমে “রামবাগ” নামে একটি প্রসিদ্ধ রক্ষ-বাটিকা আছে, উহাতে কাক-কার্য্য বিশিষ্ট একটি প্রাচীন সমাধি-মন্দির দৃষ্ট হয়, কেহ কেহ বলেন যে, উহা এয়েমা-কৌলার মকুবরা, এবং অন্য পক্ষে এই বলিয়া থাকেন যে রাজ্ঞী আজমন্দবানু তাঁহার পিতা আক্ষ খাঁর জন্য উহা নির্মাণ করিয়াছিলেন ।

আগরার বায়ুকোণে আড়াই ক্রোশ ব্যবহিত যমুনা-তটে কৈলাসেশ্বর নামে একটি শিব-লিঙ্গ এক মন্দির-মধ্যে প্রতিষ্ঠিত আছে, শ্রাবণ মাসের শেষ সোমবারে ঐ স্থানে মহা সমারোহে একটি মেলা হয়, তাহাকে “কৈলাসের মেলা” বলে ।

আগরার পশ্চিমে কিন্তু কিষ্কিণ্ড বায়ুকোণাংশে অন্যান্য দুই ক্রোশ ব্যবহিত “সেকেন্দ্রা” নামে একটি প্রসিদ্ধ শাখানগর আগরা হইতে মথুরার পথের ধারে সংস্থিত, এবং সম্রাট সেকন্দর লোধী উহার স্থাপয়িতা, ঐ শাখানগরের পশ্চিম প্রান্তে প্রায় বিশ হাত উচ্চ লোহিত-প্রস্তরময় সুদৃঢ়-প্রাচীর-বেষ্টিত একটি রহৎ চতুরস্র প্রাঙ্গণ আছে, ঐ প্রাঙ্গণ অন্যান্য বর্গ প্ৰাঙ্গণত হস্ত বিস্তৃত, এবং প্রাসাদ-দ্বার সদৃশ চারিটি প্রস্তরময় খিলান-প্রথিত দ্বার বিশিষ্ট, কিন্তু ভয়মধ্যে পূর্ব, উত্তর ও পশ্চিমের তিনটি দ্বার ইচ্ছক দ্বারা বন্ধ হইয়াছে, কেবল দক্ষিণের দ্বারটি অবদ্ধ আছে, ঐ দ্বার দিয়া প্রাঙ্গণ-প্রবেশ করিলে শোভনীয় পুষ্প-বাটিকা ও স্থানে স্থানে প্রস্তরময় রহৎ কূপ এবং প্রাঙ্গণের ঠিক মধ্য-

স্থলে একটি বিপুল-ব্যয়-নির্মিত চারি-তালার অভূচ্চ প্রস্তর-গৃহ দৃষ্ট হয়, ঐ গৃহের নীচের তালার গৃহ-তলে মহাজা আকবর সমাহিত হইয়াছেন।

আকবরের কবর দর্শনার্থ গমন করিলে, চিত্তাশীল ব্যক্তির মনে সমুদয় ঐতিহাসিক রূপান্তর উদয় হওয়ায়, তিনি প্রথমতঃ এই মনে করেন যে, তিনি যেন সজীব আকবরের সহিতই সাক্ষাৎ করিতে গাইতেছেন, কিন্তু এ ভ্রান্তি অধিক কণ থাকে না, যখন তিনি সঙ্করময় নির্জন স্থানে অচেতন কবর, ও তৎপার্শ্বে চড়ইর আবর্জনা দেখেন, তখন তাঁহার মনে সাংসারিক গৌরবের প্রতি বৃত্তাবতঃই একটি ছেয়জ্ঞান হয়। দেখ! যে আকবর সমুদয় সার্থ্যাবর্তের রাজত্ব তৃপ্ত হন নাই, আজ সেই আকবরের জন্য এ হাত যুক্তিকাই পর্যাপ্ত, যে আকবর সজীব থাকায়, সমুদয় সার্থ্যাবর্তের মহানান্য রাজারা তাঁহার সম্মুখে সভীত দণ্ডায়মান থাকিতেন. আজ সেই আকবর শূন্য-জীবন হইয়া, তদীয় কবরের পার্শ্বস্থিত চড়ইর আবর্জনা-পরিষ্কারার্থ এক বৃদ্ধা ককিরনীর যত্নস্পদ হইয়া আছেন!

আগরার পশ্চিমে, কিন্তু কিঞ্চিৎ নৈঋত কোণাংশে সম্মুখ ৯ ক্রোশ ব্যবহিত, আগরা হইতে জয়পুরের পথের পার্শ্বে “ফতেপুর সিকরী” নামে একটি প্রাচীন উপনগর আছে, ঐখানে প্রাচীন কালে চিত্তৌড়ের * রাজা বানাসাঙ্গার সহিত বাবরের তুমুল যুদ্ধ হইয়া, সার্থ্যাবর্তে মগল-রাজ্যের সংস্থাপন হয়, এক্ষণে ঐখানে প্রাচীন চিহ্ন স্বরূপ কেবল পূর্বকালীন প্রাসাদের

* চিত্তৌড় যেওয়াদেড়র রাজধানী ছিল।

১৩৮ উত্তর পশ্চিম অঞ্চলের ভূরূপান্তর।

ক্ষারিত প্রসিদ্ধ। ঐ ঘাটের অব্যবহিত পশ্চিমে একটি প্রস্তর-স্তূপ দৃষ্ট হয়, তাহাকে স্থানীয় লোকে “কংস-চিতা” বলে, এবং পূর্বদিকে অন্ত্যন ৪০০ পদ ব্যবহিত একটি ঘাট আছে, তাহাকে “ক্রবঘাট” বলে, সেইখানে বৈদেহিক যাত্রীরা তীর্থশ্রাদ্ধ ও পিতৃতর্পণ করে। অপর এই স্থানের তীর্থ-বাজকদিগের উপাধি “চোবে,” ইহারা অর্থ দোহন পক্ষে বিলক্ষণ তৎপর এবং কেবল কুস্তি, ভাঙ্গপান ও উদ্যানবাসে কালক্ষেপ করেন, ওদিকে মাথুরীরা নিতান্ত নিরলঙ্ক।

মথুরার উত্তরে, কিন্তু কিষ্কিণ্ড বায়ুকোণাংশে অনধিক তিন ক্রোশ দূরে, যমুনার দক্ষিণতটে “রুন্দাবন” * নামে এক প্রসিদ্ধ উপনগর আছে, এইস্থান কুষের ক্রীড়া-স্থল বলিয়া উক্ত হওয়ায়, আর্ষাদিগের তীর্থ-মধ্যে পরিগণিত, এইখানে অনেক গুলি বিগ্রহ আছে, তন্মধ্যে “গোবিন্দ” “গোপীনাথ” ও “মদনমোহন” ই প্রসিদ্ধ। গোবিন্দ রূপে গোস্বামীর প্রতিষ্ঠিত, গোপীনাথ বৃন্দাবনের প্রতিষ্ঠিত এবং মদনমোহন সনাতন গোস্বামীর প্রতিষ্ঠিত। এই সকল প্রাচীনবিগ্রহ ভিন্ন, এইখানে নানা স্থানীয় ধনাঢ্য ব্যক্তিদিগের সংস্থাপিত অনেক গুলা “কুঞ্জ” আছে, তন্মধ্যে লালাবাবু, লক্ষ্মীচন্দ্র শেঠ ও

* রুন্দাবনের ব্যুৎপত্তি সম্বন্ধে এইরূপ কথিত আছে যে, জনকর রাজপত্নী রুন্দা কুলভ্রষ্টা হইয়া এইখানে একটি উপবন

গোয়ালিগরের অধীশ্বরের কুঞ্জই সর্বাঙ্গোৎকর্ষিত, এই তিনটি কুঞ্জ সুপ্রশস্ত, সুদৃশ্য এবং বহুবায়-নির্মিত । অমলুর এই খানের তীর্থ-যাজকদিগের উপাধি “ব্রজ-বাসী” এবং “কুঞ্জবাসী”, স্থানীয় পুরোহিতদিগকে “ব্রজবাসী” বলে, এবং ঠেবেদেশিক ব্যক্তিমধ্যে যাহারা কুঞ্জে বাস করে এবং লোকযাত্রা নির্যাহার্থ পোঁরে-হিতো ব্রতী হয়, তাহাদিগকে “কুঞ্জবাসী” বলে । রূন্দাবনের সামাজিক অবস্থা অতিশয় শোচনীয়, ব্রজা-ক্ষত্র ও বাঙ্গলা প্রদেশের উপনিবিষ্টা ঠেবেবীদিগের স্বভাব-লক্ষ্যতাই তাহার মূল কারণ ।

মথুরা-রূন্দাবনের সম্বন্ধিত সকল্য বহিভূমি সামান্যতঃ “ব্রজ” বলিয়া আখ্যাত, ব্রজের বিস্তার ৮০ ক্রোশ কথিত হইয়া থাকে, এবং ইহার স্থানে স্থানে ১২টি বন এবং ১২টি উপবন আছে, তাহা অতিশয় সুরম্য, এবং ঐক্ককের কোন না কোন ক্রীড়াশ্বল বলিয়া উল্লিখিত হওয়ার, আখ্যাদিগের তীর্থমধ্যে পরিগণিত, এতদ্ভিন্ন ব্রজে যে সকল গ্রাম দৃষ্ট হয়, তাহাও প্রাকৃতিক শোভা জন্য অতিশয় রমণীয় ।

মথুরার পশ্চিমে অন্যান্য ৮ ক্রোশ দূরে “গিরিগোব-র্জন” নামে এক উপনগর আছে, ঐখানে “নামস-গঙ্গা” নামে একটি সুরম্য জলাশয় দৃষ্ট হয়, উহার পূর্ব-দিকের তীর দিয়া “গোবর্জন” পর্বত দক্ষিণ-পূর্বাভি-মুখে প্রসারিত হইয়াছে, এবং বায়ুকোণের অব্যবহিত তীরবর্তী একটি বহুবায়-নির্মিত সমাধি-মন্দির আছে,
অন্য নামের উপর উক্ত পর্বতপার্বত্য পর্বতের অধীশ্বর

১৪২ উত্তর পশ্চিম অঞ্চলের ভূতত্ত্ব।

কর্ণবেধ হইয়াছিল, এবং এই বিশ্বাস জন্য ঐখানে দূরাদূরের অনেক বালকের কর্ণবেধ সংস্কার সম্পাদিত হয়। অপর প্রাচীনকালে গোকুল উপনগরে কয়েক জন ধর্ম-প্রবর্তক জন্ম গ্রহণ করেন, যথা “বিষ্ণু স্বামী”, “বিল্বমঙ্গল”, এবং “বল্লভাচার্য্য”, ইঁহারা স্ব-রচিত-ধর্ম-প্রবর্তক ছিলেন না, কেবল বৈষ্ণব-ধর্মের সংস্কারক মাত্র, ইঁহাদেরিগের মধ্যে বল্লভাচার্য্যের মতই প্রবল, এই মতাবলম্বীদিগকে “বল্লভাচারী” বলে, গোকুল-নিবাসী বল্লভাচারীদিগের অনুষ্ঠিত ধর্মোদ্ভ-বোধক কর্ম-গুলি বিশেষতঃ কৃষ্ণ-লীলার অনুকরণ নিতান্ত ঘৃণাকর।

গোকুলের অগ্নি কোণে অন্যান্য দুই ক্রোশ ব্যবহিত যমুনার বামতটে, এবং মথুরা হইতে এটাওয়ার পথের ধারে “মহারন” নামে একটি প্রাচীন উপনগর আছে, ঐখানে প্রাচীন কালের একটি প্রস্তরময় দুর্গ বিধ্বংসিত প্রায় দৃষ্ট হয়, এবং তন্নির্ন যে সকল বিষয় যাত্রীদিগের দর্শন-যোগ্য, তন্মধ্যে “চিন্তাহরণ ঘাট”, * “ত্রিকাণ্ড-ঘাট”, † “নন্দকূপ” ও শ্রীকৃষ্ণের বর্জীপূজা স্থান অপেক্ষাকৃত প্রসিদ্ধ।

* কথিত আছে কৃষ্ণের মৃত্তিকা ভক্ষণজন্য এইখানে যশোদার চিন্তা নিবারণিত হওয়ায় ইঁহার নাম “চিন্তাহরণ ঘাট” হইয়াছে।

† এরূপ বিশ্বাস যে এইঘাটে মুখব্যান পূর্বক শ্রীকৃষ্ণ আপন উদর মধ্যে সমুদয় ত্রিকাণ্ড দেখাইয়াছিলেন।

গিরঠ বিভাগ।

এই বিভাগের উত্তরে মন্সুরি বা মন্সুরি পর্বত, পূর্ব
দিকায় গঙ্গানদী, যাহার অপর তীরে রোহিলখণ্ড-ভুক্ত
বজ্রনৌর, মুরাদাবাদ এবং বদায়ুঁ, দক্ষিণে আগরা
বিভাগ এবং পশ্চিমে যমুনানদী যাহার অপর তীরে
পঞ্জাব-ভুক্ত দিল্লী বিভাগ।

আলিগড়।

এই জেলার উত্তরে বলদশহর এবং গঙ্গানদী, যাহার
অপর তীরে বদায়ুঁ, পূর্বদিকে এটা, দক্ষিণে মথুরা এবং
পশ্চিমে যমুনানদী, যাহার অপর তীরে পঞ্জাব প্রদেশা-
ধীন গোর গাঁ। লোক সংখ্যা ৯,২৬,৫৩৪, গ্রাম ১৭৯৯,
পাট্টা ৩৬,০০,১০৬।

তহসীল।

পরগণা।

আলিগড়

(কোয়েল)

অত্রৌলী,

এগলাস,

হাতরস,

সেকেজারাও,

খয়ের,

কোয়েল, বরৌলি, মোর্থল।

অত্রৌলী, গঙ্গিরী।

হোস্নগড়, গোরই।

হাতরস, মুরসান।

সেকেজারাও, হসায়েন।

খয়ের, চণ্ডোস,

সোমনা, টপ্পল।

এই জেলার প্রধান স্থান কোয়েল ৫৫০০০, লোকের বসতি মিরঠের অগ্নি কোণে ৫০ ক্রোশ এবং মথুরার উত্তরে ২৫ ক্রোশ ব্যবহিত এক প্রান্তর মধ্যে সংস্থিত।

এই নগরের স্থাপন বিষয়ে এবং “কোয়েল” ও আলিগড়ের ব্যুৎপত্তি সম্বন্ধে এইরূপ কথিত আছে যে, স্থাপনযুগে “কুশম্ব” নামে জটনক চন্দ্রবংশীয় রাজা এই নগর স্থাপন করিয়া ইহার নাম “কৌশাম্বী” রাখেন, এবং তৎপরে শ্রীকৃষ্ণের টৈমাত্রেয় বলরাম এইখানে “কোয়েল” নামে একজন দুর্দান্ত অসুরকে বধ করায়, ঐ ঘটনা স্মরণার্থ ইহার নাম “কোয়েল” হয়। অনন্তর যবনরাজ্যের শেষাবস্থায় সাবৈৎ খাঁ নামে একজন নবাব বহু-ব্যয়ে এইখানে একটি মূখ্য দুর্গ নির্মাণ করিয়া, ইহার নাম “সাবৈৎ-গড়” রাখেন, কিন্তু অভ্যুৎপ কাল মধ্যেই ভরতপুর-অধীশ্বরের সূর্যমল নামে জটনক সেনা-নায়ক কতিপয় জাঠের সহকারে তাঁহাকে পরাস্ত করিয়া, এই স্থান হস্তগত করেন, এবং সাবৈৎ-গড়ের পরিবর্তে ইহার নাম “রামগড়” রাখেন। অনাগ্ষে সত্রাট শা আলমের রাজত্বকালে তদীয় প্রধান সেনা-নায়ক মজফ খাঁ জাঠদিগকে দূরীকৃত করিয়া এই স্থান পুনরুদ্ধার করেন এবং রামগড়ের স্থলে “আলিগড়” নাম রাখেন, সেই অবধি শোষোক নাম টি প্রচলিত।

*কেহ কেহ ইহাও বলেন যে, এই নগর জটনক কোয়েল সংস্থিত, তন্মধ্য ইহার নাম কোয়েল, কিন্তু এ যুক্তি প্রামাণিক নয়।

অপর এই নগরের উত্তরে প্রায় এক ক্রোশ ব্যবহিত
সাবেৎ খাঁর নির্মিত মৃৎয় দুর্গটি এ পর্য্যন্ত বিদ্যমান
গাছে, উহার চতুর্দিকের পরিখা শুষ্কপ্রায় দৃষ্ট হয়,
এবং উত্তরদিকের সঙ্ক্রামটি ভগ্ন হইয়া গিয়াছে ।

নগরের পূর্বপ্রান্তে একটি সুরম্য জলাশয় আছে,
উহার পূর্বতীরে এক মন্দির মধ্যে “অচলেশ্বর ” নামে
একটি শিবলিঙ্গ প্রতিষ্ঠিত, সায়ংকালে ঐ খানে অনেক
প্রবাসীর সমাগম হয় ।

নগরের নৈঋত কোণে একটি উপর কোট আছে,
ইহা নবাব সাবেৎ খাঁ নির্মাণ করেন, এবং উহার উপর
ইক্ক নবাবের প্রতিষ্ঠিত একটি জামে মস্জীদ আছে,
উহার চতুর্দিকে প্রতিদিন বৈকালে একটি হাট
হয় ।

নগরের পশ্চিমে অনধিক এক ক্রোশ দূরে
“শাজামাল” নামে একটি প্রাচীন দরগা আছে, ঐখানে
শাজামাল চিশ্টি নামে একজন দরবেশ সমাহিত হন,
প্রাচীন মাসের প্রতি মঙ্গলবারে ঐ দরগার সম্মুখে একটি
মেলা হয় ।

কোরেলের দক্ষিণ কিঞ্চিৎ অধিকোণাংশে প্রায়
১২ ক্রোশ দূরে হাতরস্ নামে এক প্রসিদ্ধ উপনগর
গাছে, ঐ স্থান এপ্রদেশে একটি প্রধান মণ্ডী এবং অনেক
ভাগ্যবন্ত বণিকের বাসস্থান ।

১৪৮ উত্তর পশ্চিম অঞ্চলের ভূরত্নান্ত ।

তহসীল ।

পরগণা ।

মোওনা,

হস্তিনাপুর, কীঠোর ।

গাজীয়াবাদ,

ডাসনা, জলালাবাদ, লৌনী ।

বাগপথ,

বাগপথ, বরৌদ, কুতামা,

ছপ রৌলী ।

মিরঠ, প্রাচীন কালের “ময়দানবপুর”, এবং ইদানীং একটি বিখ্যাত মৈনিক ও ব্যবহারিক নগর, ৪০,০০০ লোকের আবাস, দিল্লীর ঈশান কোণে ১৮ ক্রোশ ব্যবহিত কালী নদীর দক্ষিণ তটে সংস্থিত । নগরের পূর্বদিকে একটি প্রাচীন উপর কোট আছে, ঐখানে ময়দানবের বাস-স্থান কীর্তিত হইয়া থাকে, এবং ঐ স্থান হইতে পশ্চিমে, প্রায় এক ক্রোশ দূরে “সদর বাজার” নামে একটি প্রসিদ্ধ সুদৃশ্য বাজার আছে, তাহার দক্ষিণে কিঞ্চিৎ ব্যবহিত একটি প্রাচীন শিবমন্দির দৃষ্ট হয়, স্থানিক প্রবাদ এই যে, ঐ মন্দির-স্থিত শিব-মিষ্টি রাজী মন্দোদরীর প্রতিষ্ঠিত । অল্পদূর সদর বাজারের কিঞ্চিৎ উত্তর হইতে আরম্ভ করিয়া পূর্বদিকে অন্যান্য দেড় ক্রোশ পর্য্যন্ত সমুদায় স্থান সেনা-নিবেশ-সংভুক্ত, মিরঠের সেনানিবেশ এপ্রদেশে অতিশয় বিখ্যাত, উহাতে পুষ্প বা বৃক্ষ-বাটিকা সমেত অনেক সুদৃশ্য ইষ্টকালয় দৃষ্ট হয়, তাহাতে মৈনিক পুরুষ এবং ব্যবহারিক কর্মচারীরা বাস করেন । অপর মিরঠে প্রতিবৎসর দোলযাত্রার পরে আগরওয়াল বাণিয়া-

দ্বিগের একটি সামাজিক সভা হয়, তাহাতে অনেক সামাজিক নিয়ম নিবর্তিত, পরিবর্তিত এবং স্থাপিত হয়, এবং দোলযাত্রার দুই সপ্তাহ পরে একটি মেলা হয়, তাহাকে “নবচন্দ্রিকার মেলা” বলে, তাহাতে দূরাদূরের অনেক পণ্যাজীব সমবেত হয়।

মিরঠের বায়ুকোণে ৬ ক্রোশ দূরে “সেরধনা” নামে এক উপনগর আছে, ঐখানে সমরু বেগম নামী জনৈক ফরাসী মহিলার প্রতিষ্ঠিত একটি গীর্জাঘর দৃষ্ট হয়, উহা জতিশয় সুদৃশ্য এবং বহু-ব্যয়-নির্মিত।

মিরঠের তৈখত কোণে ১৭ ক্রোশ ব্যবহিত গঙ্গার দক্ষিণ তটে “গড়মুক্তেশ্বর” নামে এক উপনগর আছে, ঐ স্থানে কার্তিকী পৌর্ণমাসীতে মহাসমারোহে একটি মেলা হয়, তাহাতে নানা স্থান হইতে যাত্রী এবং ব্যবসায়ী লোক স্বাগত হয়। মিরঠের পূর্বদিকে অনূন ১০ ক্রোশ ব্যবহিত মোওনা তহসীলের অন্তর্গত এক প্রান্তর মধ্যে একটি প্রাচীন কোট দৃষ্ট হয়, উহাকে স্থানীয় লোকে “পরীক্ষিৎ গড়” বলে। ঐ গড়ের পশ্চিমে কিঞ্চিৎ ব্যবহিত এক মন্দির মধ্যে গান্ধারেশ্বর নামে একটি শিবলিঙ্গ আছে, এবং পূর্ব দিকে অনধিক এক ক্রোশ দূরে ছায়াতরু-বিশিষ্ট একটি রুহৎ অর্দ্ধভগ্ন বেদিকা দৃষ্ট হয়, তাহাকে “শ্বাশুঙ্গ-আশ্রম” বলে।

মিরঠের ঈশান কোণে ১৭ক্রোশ দূরে গঙ্গার দক্ষিণ

১৫০ উত্তর পশ্চিম অঞ্চলের ভূবৃত্তান্ত।

তটে প্রাচীন “হস্তিনাপুর” সংস্থিত, ঐ স্থান এক্ষণে অরণ্যবৎ দৃষ্ট হয়, এবং একটি ভগ্নোন্মুখ মন্দির ভিন্ন অন্য কোন প্রাচীন চিহ্ন উহাতে লক্ষিত হয় না।

মুজফ্ফর নগর।

এই জেলার উত্তরে মহারণ পুর, পূর্বদিকে গঙ্গানদী, যাহার অপর তীরে বিজ্জনৌর, দক্ষিণে মিরঠ এবং পশ্চিমে যমুনা নদী যাহার অপর তীরে পঞ্জাবভুক্ত পানীপথ। লোকসংখ্যা ৬,৮২,২১২, গ্রাম ১০৪১, রাস্তা ৩১,৮৮,৫৫৬।

তহসীল	পরগণা।
মুজফ্ফর নগর	মুজফ্ফর নগর, বঘরা, পুর, চর্খাওল, গোবর্দ্ধনপুর।
শ্যামলী,	খানাতবন, বাগ্গনা, বিদৌলী, শ্যামলী কিরানা।
বুঢ়ানা, জানসট্,	বুঢ়ানা, শিকারপুর, কান্ধলা। খতৌলী, জৌলী জানসট্, তোকরহেড়ী, ভূমাসম্বলেহড়া।

মুজফ্ফর নগর একটি ক্ষুদ্র নগর, মিরঠের উত্তরে ২০ক্রোশ ব্যবহিত কালী নদীর বামতটে সংস্থিত।

বুঢ়ানার বন্য অকৃত অন্য, মিরঠ অঞ্চলে একটি প্রাচীন প্রবাদ প্রচলিত আছে, যথা, “হাতমে ডাঙা বুঢ়ানেকা রাস্তা ।”

কিরানাতে অধিক কোলি রুফ থাকায়, ইহার আর এক নাম “বদরীগ্রাম”, এই গ্রামে জমাদিয়েচ সামি অর্থাৎ আরাবি ষষ্ঠমাসের ১৩ ই, ১৪ ই এবং ১৫ ই তারিখে একটি মেলা হয়, তাহাকে “খোয়াজে মইম উদ্দিনের মেলা” বলে ।

সহারণপুর ।

এই জেলার উত্তরে ছেরাদুন, পূর্বসীমায় গঙ্গানদী, যাহার অপর তীরে বিজ্জের, দক্ষিণে মুজফ্ফর নগর এবং পশ্চিমে যমুনানদী যাহার অপর তীরে পানীপথ ।
লোকসংখ্যা ৮,৬৬,৪৮৩, গ্রাম ১৯২৬, রাষ্ট্র ৪৩,১৩,১১৮ ।

তহসীল ।

সহারণপুর,

দেববন্দ,

রুরকী,

নুকড়,

পরগণা ।

সহারণপুর, টেকজাবাদ, মুজফ্ফরাবাদ, হরওয়াড়া ।

দেববন্দ, রামপুর, নাগোল ।

রুরকী, ভগবানপুর, মজলোর, জওলাপুর ।

নুকড়, সারসোওয়া, গঙ্গো, সুলতানপুর ।

সহারণপুর ২৩০০০ লোকের আবাস, মুজফ্ফর নগরের উত্তরে ২০ ক্রোশ ব্যবহিত যমুনা-খালের ধারে সংস্থিত ।

সহারণপুরের ঈশান কোণে প্রায় ১০ ক্রোশ দূরে রুরকী নামে একটি উপনগর আছে, এখানে “টমসন কলেজ” নামে একটি সিভিল এন্ড ইঞ্জিনিয়ারীং কলেজ প্রতিষ্ঠিত, তাহাতে অনেক বৈজ্ঞানিক যন্ত্র দৃষ্ট হয়, তদ্বিষয়ে স্থানে সলালী নদীর সেতুর উপর দিয়া গঙ্গার খাল প্রবাহিত হইতেছে তাহাও দর্শন-যোগ্য ।

সহারণপুরের ঈশান কোণে ১৮ক্রোশ দূরে গঙ্গার দক্ষিণ তটে হরিদ্বার নামে এক খানি প্রসিদ্ধ গ্রাম আছে, ঐ স্থান আর্ষ্যদিগের একটি প্রধান তীর্থ ।

দেবাদুন ।

এই জেলার উত্তরে কয়ায়ুঁ-পর্বত, পূর্বদিকে গঙ্গা-নদী, দক্ষিণে সহারণপুর এবং পশ্চিমে যমুনানদী, যাহার অপর তীরে পঞ্জাব-প্রদেশাধীন অঞ্চাল । লোক সংখ্যা ১,০২,৮৩১, গ্রাম ৪২৩, রাক্ষু ১৯,৭৬,১৪৪ ।

তহসীল ।

পরগণা ।

দেৱা,

পূর্ব দুন*, পশ্চিম দুন ।

কলসী,

জৌসার বাওর ।

এই জেলার প্রধান স্থান দেৱা †, সহারণপুরের উত্তরে

* দুই পর্বতের অন্তরাল সম ভূমিকে আরাবি ভাষায় “দুন” বা “দু” বলে ।

† দেৱা ওরুদেদেৱা বা ওরুদাৱের অপভ্রংশ ।

স্থানাতিরেক ২৬ ক্রোশ দূরে এক খালের ধারে সংস্থিত । নগরটি অতিশয় ক্ষুদ্র কিন্তু সুদৃশ্য, এবং ইহার সন্নিহিত খালটি মসুরীর এক নির্যার হইতে খাত হইয়াছে । অপর এইখানে শীকদিগের একটি “গুরুদেহেরা বা গুরুদ্বার” অর্থাৎ গুরুর সমাধি-স্থান আছে, তজ্জন্য গ্রীষ্ম কালে তাহাদিগের একটি মেলা হয় । নগরে অনেক পণ্যা-স্রমা দৃষ্ট হয়, বোধ হয়, পার্বত্য স্রনেন্দ্রাদিগের সারল্য এবং অর্থ-লিপ্সাই তাহার প্রধান কারণ ।

এই জেলার অন্তর্গত মসুরী এবং লক্ষোরে গ্রীষ্মকালে অনেক ইংরাজের সমাগম হয় ।

রোহিলখণ্ড ।

অর্থাৎ

বরেন্দী বিভাগ ।

এই বিভাগের উত্তরে কমায়েঁ-পর্বত, পূর্বসীমায় অযোধ্যা-প্রদেশাধীন খেড়াগড় ও হরদৈ, দক্ষিণে আগরা বিভাগ, এবং পশ্চিমে গঙ্গানদী, যাহার অপর তীরে মিরঠ বিভাগ ।

এই বিভাগান্তর্ভুক্ত সমুদয় স্থান “রোহিলখণ্ড” নামে প্রসিদ্ধ, এবং “বরেন্দী” ইহার প্রধান নগর । কথিত আছে, যবন-রাজ্যের প্রাকালে এই স্থান রজপুতদিগের অধিকারে ছিল, পরে ১১৮২

১৫৪ উত্তর পশ্চিম অঞ্চলের ভূরূপান্তর।

১৫ অঙ্কে সম্রাট জলাল-উদ্দিন আকবর কর্তৃক ইহা দিল্লীর সাম্রাজ্য-ভুক্ত হয়। অতঃপর তৈমুরবংশীয়েরা ক্রমশঃ কীর্ণপ্রতাপ হইলে, এই স্থানে যে সকল উপনিবিষ্ট রোহিলা ছিল, তাহারা আপনাদিগকে স্বাধীন বলিয়া প্রকাশ করে, এবং তদবধি ইহা “রোহিলখণ্ড” নামে বিখ্যাত। অনন্তর অযোধ্যার পূর্বতন নবাব সূজাউদ্দৌলা এবং তৎপরে আশ্ফদ্দৌলা ব্রিটিশ সৈন্যের সহকারে অনেক চেষ্টায় এই স্থানের আধিপত্য লাভ করেন, এবং অবশেষে ১৮২১ খৃঃ অঙ্কে নবাব সাদেংআলি খাঁ কর্তৃক ইহা ব্রিটিশ রাজ্যে সমর্পিত হয়।

শাজাহাপুর।

এই জেলার উত্তরে কনায়ু পর্বত, পূর্বদিকে অযোধ্যা প্রদেশাবধীন খেড়াগড় ও হরটৈ, দক্ষিণে ফরোখাবাদ, এবং পশ্চিমে বরেলী। লোক সংখ্যা ১০,১৬,৮৪৪, গ্রাম ২৭৯৪, রাস্তা ৪৫,০৮,৫০২।

তহসীল।

শাজাহাপুর,
ভিলহর,

জালালাবাদ,
পুবারাঁ,

পরগণা।

শাজাহাপুর।
ভিলহর, জলালপুর,
খড়াবহেড়া, মিরগপুর
কাঠরা, নিগৌলী।
জালালাবাদ।
পুবারাঁ, বড়গাঁ, পুরণ-
পুর, খুটার।

শাজাঁহাপুর ৭৪০০০ লোকের বসতি, বরেন্দীর পূর্ব-
দিকে কিন্তু কিষ্কিৎ অগ্নিকোণাংশে ৩০ ক্রোশ ব্যবহিত
গরী নদীর বামতটে সংস্থিত ।

বরেন্দী ।

এই জেলার উত্তরে কমায়ে পর্বত, পূর্বদিকে শাজাঁ-
হাপুর, দক্ষিণে বদায়ে এবং পশ্চিমে মুরাদাবাদ ও রাম-
পুর-রাজ্য । লোকসংখ্যা ১৩ ৪১,৩৩৪, গ্রাম ৩০৩২,
রাষ্ট্র ৪৫,৯৩,৭০১ ।

তহসীল ।

মীরগঞ্জ,

নবাবগঞ্জ,

বিস্মলপুর,

বহেড়ি,

আঁওলা,

করিদপুর,

পিলিভীত,

পরগণা ।

শাবী, উত্তর সরৌলী,

আজাবন ।

নবাবগঞ্জ ।

বিস্মলপুর ।

চাঁবলা, সিরসাওয়া,

কাবর, রিছা ।

আঁওলা, সনেহা,

বল্লিয়া, দক্ষিণ সরৌলী ।

করিদপুর ।

পিলিভীত, জাহানাবাদ ।

বরেন্দী একটি প্রসিদ্ধ টৈনিক ও ব্যবহারিক নগর,
১,১১০০০ লোকের বসতি, “নাকাটা” নামে রাণগঙ্গার

১৫৬ উত্তর পশ্চিম অঞ্চলের ভূরূপান্তর ।

একটি ক্ষুদ্র উপনদীর উভয় তীরে সংস্থিত । নগরটি দ্বি-
অংশে বিভক্ত, যথা, “পুরাণা শহর” এবং “নূতন শহর”
এবং এই দুই শহর নাকাটী-সেতু দ্বারা সংযোজিত ।
নাকাটী সেতুর ঈশান কোণে যে প্রাচীন লোকালয়টি দৃষ্ট
হয় তাহার নাম “পুরাণাশহর” তাহাতে প্রায়ই মুসল-
মানের বসতি, এবং পশ্চিমে কিন্তু কিঞ্চিৎ নৈঋত
কোণাংশে যে বিস্তীর্ণ লোকালয় আছে, উহাকে “নূতন
শহর” বলে, উহাতে ধর্মাধিকরণ, টেমিকাবাস, রাজকীয়
নানা শ্রেণীর বিদ্যালয়, চিকিৎসালয়, ক্ষিপ্ত-নিবাস,
শ্রেণীভূত সুশোভিত পণ্যালয়, বহু-ব্যয়-নির্মিত অনেক
হর্মা, এবং ইচ্ছকময় সুদৃশ্য পান্থ নিবাস দৃষ্ট হয়, এত-
দ্রিয় নগর-প্রান্তের পুষ্প ও রক্ষ বাটিকা সকলও অতি-
শয় রমণীয় । অপর এই নগরে অনেক উপনিবিষ্টা
পণ্যস্ত্রী দৃষ্ট হয়, বোধ হয় নিকটবর্তী পার্বত্য প্রদে-
শীয় সরলাদিগের নগর-বাসানুরক্তি এবং অর্থ লিপ্সাই
তাহার প্রধান কারণ ।

বরেলীর উত্তরে কিন্তু কিঞ্চিৎ ঈশান কোণাংশে
আনুমানিক ১৮ ক্রোশ দূরে “পিলিভীত” নামে একটি
প্রসিদ্ধ উপনগর আছে, এখানে একটি প্রাচীন জামে
মস্জিদ দৃষ্ট হয়, উহা হাফেজ রহেমৎ খাঁর প্রতিষ্ঠিত ।

বদায়ু ।

এই জেলার উত্তরে বরেলী ও রামপুর-রাজা, পূর্ব-
দিকে শাজাহাপুর, দক্ষিণে গঙ্গানদী যাহার অপর

তীরে বলন্দসহর, আলিগড় ও এটা, এবং পশ্চিমে মুরাদাবাদ । লোকসংখ্যা ৮,৮৯,৮১০, গ্রাম ১৮৫৬, রাষ্ট্র ৩৮,১৮,৭৯৪ ।

তহসীল ।

বদায়ুঁ,
বিসৌলী,

গুরোর,

দাতাগঞ্জ,

সাহেসোয়ান,

পরগণা ।

বদায়ুঁ, উজমানী ।
বিসৌলী, সতোসী,
ইসলাম নগর ।

অসদপুর, রাজপুরা ।

সলেমপুর, উস্হিত ।

সাহেসোয়ান, কোট ।

বদায়ুঁ একটি ক্ষুদ্র ব্যবহারিক নগর, ২৭০০০ লোকের আবাস, বরেলীর দক্ষিণে আনুমানিক ১৬ ক্রোশ ব্যবহিত এক প্রান্তর মধ্যে সংস্থিত ।

বদায়ুঁর পশ্চিমে, কিছু কিঞ্চিৎ বায়ু-কোণাংশে অনূন ১২ ক্রোশ দূরে বিসৌলী উপনগরে নবাব দন্দী খাঁর প্রাচীন প্রাসাদ, দুর্গ ও মসজীদেয় ভগ্নাবশেষ অদ্যাপি বিদ্যমান আছে ।

মুরাদাবাদ ।

এই জেলার উত্তরে টৈনীতাল ও বিজনোর, পূর্ব-দিকে বরেলী ও রামপুরের আশ্রিত রাজ্য, দক্ষিণে বদায়ুঁ এবং পশ্চিমে গঙ্গা নদী, যাহার অপর তীরে মিরঠ । লোকসংখ্যা ১,০৯,৫০৬, গ্রাম ৩০২৭, রাষ্ট্র ৪৭,৬৪,০৩৪ ।

১৫৮ উত্তর পশ্চিম অঞ্চলের ভূরাস্ত্র :

তহসীল ।	পরগণা ।
মুরাদাবাদ,	মুরাদাবাদ ।
সন্তুল,	সন্তুল ।
বিলারী,	বিলারী ।
অমরোহা,	অমরোহা ।
হসনপুর,	হসনপুর ।
ঠাকুর দোয়ারা	ঠাকুর দোয়ারা ।
(ঠাকুর দেহেরা* বা	
ঠাকুর দ্বার)	
কাশীপুর	কাশীপুর ।

মুরাদাবাদ ৫৭০০০ লোকের আবাস, বরেলীর পশ্চিমে প্রায় ৩৭ ক্রোশ দূরে, রামগঙ্গার দক্ষিণ তটে সংস্থিত । এই নগর-সংভুক্ত স্থানে প্রাচীন কালে “মানপুর” “দীনদারপুর” প্রভৃতি কতিপয় গ্রাম ছিল, সম্রাট শাজাহার রাজত্বকালে রসুম খাঁ নামে তদীয় জর্নেক সেনানায়ক সেই সকল গ্রামে এই নগর স্থাপন করিয়া, ইহাতে একটি জামে মসজীদ নির্মাণ করেন । এ মসজীদ-টি অদ্যাপি বিদ্যমান আছে এবং উহার এক খণ্ড প্রস্তরে এই অঙ্কিত আছে যে, হিজরি ১০৪১ সনে উহা নির্মিত হয়, ইহাতে বোধ হইতেছে যে, নগর-স্থাপন

* “দেহেরা” পঞ্জাবী শব্দ, এবং পঞ্জাব-বাসী পণ্ডিতেরা ইহা সংস্কৃত “দ্বার” শব্দের অপভ্রংশ বলেন, কিন্তু অর্থগত অধিক ভেদ দৃষ্ট হয়, কেননা দেহেরার অর্থ সমাধি-স্থান ।

ঐ সময়ের কিঞ্চিৎ পূর্বে হইয়াছিল । অপর মুরাদাবাদের নাম প্রথমতঃ রস্তুম নগর ছিল, পরে রস্তুম খাঁ রাজসম্মানার্থ কুমার মুরাদের নামে ইহা প্রতিষ্ঠা করায় তদবধি ইহা বর্তমান নামে প্রসিদ্ধ ।

নগরটি পূর্ব-পশ্চিমে দীর্ঘ, ইহার উত্তর প্রান্তে নানা প্রকার রুকবাটিকা ও তৎপরে রামগঙ্গার পুলিন এবং হরিদ্বর্গ প্রান্তর, পূর্বদিকে রামগঙ্গা ও উহার অপরভীরে একটি রেতোহস্থান যাহা “রামপুরের ময়দান” বলিয়া প্রসিদ্ধ, দক্ষিণে নানা প্রকার সুদৃশ্য রুকবাটিকা ও তৎপরে অন্যান্য এক ক্রোশ ব্যবহিত “গাঙ্গন” নামে একটি ক্ষুদ্র নদী, বিজুনোরের অন্তর্গত মহম্মদ আক্ষপুর গ্রামের একটি পুষ্করিণী হইতে নির্গত হইয়া, এই স্থান দিয়া রামগঙ্গার সহিত মিলিত হইয়াছে, এবং পশ্চিমে ধর্ম্মাধিকরণ ও সৈনিকাবাস ।

মুরাদাবাদের দক্ষিণে ১৬ ক্রোশ দূরে এক প্রান্তর মধ্যে “সন্তুল” উপনগর সংস্থিত ; এখানে পৃথ্বী রাজার রাজধানী কীর্তিত হইয়া থাকে এবং প্রাচীন কালের অনেক চিহ্নও দৃষ্ট হয় । “হরমণ্ডল” নামে একটি কোট আছে, এবং ঐ কোটের উপর প্রাচীন শিল্পজাত একটি মন্দির আছে, তাহাকে স্থানীয় লোকে “হর জির মন্দির” বলে, কিন্তু যবনরাজ্যে উহা মসজীদে পরিণত হয় । এতদ্বিধ “মনস্কামনা” এবং “সূর্য্যকুণ্ড” নামে দুইটি প্রস্তরময় ক্ষুদ্র ক্ষুদ্র প্রাচীন জলাশয় আছে, তাহা তীর্থ-স্বরূপ গৃহীত হওয়ায়, দূরাদূরের অনেক যাত্রী সময়ে সময়ে সন্তুলে উপস্থিত হইয়া থাকে । অপর ভাগবত-

১৬০ উত্তর পশ্চিম অঞ্চলের ভূরূপান্তর ।

কার কল্কীর ভাবি আবির্ভাব এইখানেই কল্পনা করেন, যথা,

সম্ভলগ্রামমুখাস্য ব্রাহ্মণস্য মহাত্মনঃ ।

ভবনে বিষ্ণু যশসঃ কল্কী প্রাক্তুভ বিঘ্যতি ॥

ভাগবত ।

মুরাদাবাদের পশ্চিমে ১২ ক্রোশ দূরে এক প্রান্তুর মধ্যে অমরোহা উপনগর সংস্থিত, এখানে সছুমিয়ার একটি দরগা আছে, দরগাটি অতিশয় জাগ্রৎ বলিয়া রোহিলখণ্ডবাসীদিগের হৃদেধ ।

বিজনৌর ।

এই জেলার উত্তরে অলমোড়া পর্বত, পূর্বাধিকে মুরাদাবাদ, দক্ষিণে গঙ্গানদী, যাহার অপর তীরে মুজফ্ফরনগর এবং পশ্চিমে গঙ্গানদী যাহার অপর তীরে সহারণপুর । লোকসংখ্যা ৬,৯০,৯৭৫, গ্রাম ৩০২৮, রাষ্ট্র ৩৬,৪৪০,৯৩ ।

তহসীল ।

বিজনৌর,

চান্দপুর,

ধামপুর,

নজীমাবাদ, (নজীবাবাদ)

পরগণা ।

বিজনৌর, দারানগর,

মডাওর ।

চান্দপুর, বুড়পুর, বাচী ।

নোগীনা, অক্জলগড়,

বচাপুরা, সেরকোট ।

নজীবাবাদ, কিরাতপুর,

আকবরপুর ।

বিজনের ১১০০০ লোকের বসতি, বরেলীর পশ্চিমে ৬৮ ক্রোশ, এবং মুরাদাবাদের পশ্চিমে ৩১ ক্রোশ ব্যব-
হিত, মুরাদাবাদ হইতে মুজফ্ফর নগরের পথের ধারে
সংস্থিত ।

তরাই ।

এই জেলার উত্তরে কন্সার্ব-পর্বত, পূর্বদিকে ও
দক্ষিণে বরেলী এবং পশ্চিমে রামপুরের রাজ্য । লোক
সংখ্যা ৯১,৮০২, গ্রাম ৪৮০ ।

তহসীল ।

পরগণা ।

কুদ্রপুর,

কুদ্রপুর, গদরপুর, রাজপুর ।

কিলপুরী,

কিলপুরী, নানকমঠ, বিলহেরী ।

কন্সার্ব বিভাগ ।

এই বিভাগের উত্তরে হিমালয় পর্বত ও শতদ্রু নদী,
যাহার অপর তীরে টেক্সাস পর্বত, দৈশান কোণে রাবণ
হ্রদ, পূর্বদিকে নেপাল পর্বত, দক্ষিণে রোহিলখণ্ড,
এবং পশ্চিমে স্বাধীন গড়ওয়াল ও রোহিলখণ্ড ।

আলমোড়া ।

এই জেলার উত্তরে হিমালয় পর্বত ও শতদ্রু নদী,
পূর্বদিকে নেপাল-পর্বত, দক্ষিণে রোহিলখণ্ড, এবং
পশ্চিমে জীনগর ও রোহিলখণ্ড । লোক সংখ্যা
৩,৮৫,৭৯০, গ্রাম ৩৪৮৭, রাক্ষু প্রায় ১,১৬,১৬,০০০ ।

১৬২ উত্তর পশ্চিম অঞ্চলের ভূরূপান্তর ।

তহশীল ।

পরগণা ।

অলমোড়া,

পালি, বারমণ্ডল, ডাঙ্গচরম,
ফলদোকোট, গঙ্গালী,
ভোট, দানপুর, কোটৌলী,
মেহেলচৌরী ।

চম্পাৎ,

কালীকমায়ু, ধেনিরো,
শোর, সেরকোট ।

ভাবর, (হলদাউনী)

কোটাপাহাড়, চৌমুখা-
পাহাড়, চৌভিন্দি, ধনিয়া
কোট, রামগড় ।

অলমোড়া, বরেলীর বায়ুকোণে অনূন ৪০ ক্রোশ ব্যবহিত ৩৫৩৩ হাত উচ্চ এক পর্বতের উপর সংস্থিত, এইখানে প্রাচীন কালে যে রাজবংশীয়েরা রাজত্ব করিতেন, তাঁহাদিগের দুর্গ ও প্রাসাদের কোন কোন চিহ্ন অদ্যাপি লক্ষিত হয়, এবং সেই বংশের অন্যতম পরিবার মুরাদাবাদের অন্তর্গত কাশীপুরে রাজধানী স্থাপন করেন। অপর, পার্বত্য প্রদেশ মধ্যে অলমোড়া সংস্কৃত ভাষার একটি প্রধান সমাজ ছিল, পদমঞ্জরী ব্যাকরণের প্রণেতা হরদত্ত মিশ্র এই নগরেই জন্ম গ্রহণ করেন।

অলমোড়ার ঈশান কোণে নূনাতিরেক ১৮ ক্রোশ দূরে সরস্ব-নদীর বামতটে “বাঘেশ্বর” নামে এক প্রাচীন

গ্রাম আছে, ঐখানে এক মন্দির মধ্যে “বাঘ-নাথ” নামে একটি শিবলিঙ্গ স্থাপিত আছে। বাঘেশ্বরের পূর্বদিকে ৪ ক্রোশ দূরে সরষু-তটে “যোগেশ্বর” নামে আর একখানি গ্রাম আছে, এবং সেখানেও “মৃত্যু-ঞ্জয়” নামে একটি শিবলিঙ্গ এক মন্দির মধ্যে প্রতিষ্ঠিত। অপর, এই দুই গ্রামে মকর-সংক্রান্তি ও শিব-চতুর্দশী উপলক্ষে মহা সমারোহে মেলা হইয়া থাকে, তাহাকে “যোগেশ্বর-বাঘেশ্বরের মেলা” বলে, এবং তাহাতে অনেক তৈক্ৰতীয় ও নৈপালিক পণ্যাজীব সমবেত হয়।

অলমোড়ার পূর্বদিকে আনুমানিক ৫০ ক্রোশ ব্যবহিত এক পাহাড়ের উপর “চম্পাৎ” উপনগর প্রতিষ্ঠিত, ঐখানে কমাংর রাজার প্রাচীন রাজধানী ছিল, তত্রত্য প্রাসাদ ও দুর্গের ভগ্নাবশেষ অদ্যাধি লক্ষিত হয়। অপর, চম্পাৎ-পাহাড়কে স্থানীয় লোকে “কূর্মাচল” বলে, কেননা উহা কূর্মের পৃষ্ঠ সদৃশ চতুর্দিক ঢালু।

অলমোড়ার নৈঋত কোণে ১৯ ক্রোশ দূরে “নৈনী-তাল” পর্বত সংস্থিত, ঐখানে রাজপুরুষগণ গ্রীষ্মকালে অবস্থিত হন।

শ্রীনগর ।

এই জেলার উত্তরে হিমালয় পর্বত, পূর্বদিকে অলমোড়া, দক্ষিণে রোহিলখণ্ড, পশ্চিমে গড়ওয়াল ও মিরট বিভাগ। লোক সংখ্যা ২,৪৮,৭৪২, মৌজা ৪৪১৭, রাষ্ট্র ২৬,৮০,০০০।

ডহসীল ।

পরগণা ।

শ্রীনগর,

বারামরগ, বউধান, চান্দপুর, চন্দ্রকোট,
দেবলগড়, দসৌলী, নাগপুর, পাইখণ্ডা,
গঙ্গা সুলান, মাল্লা সুলান, তলা সুলান ।

অজমের ।

এই জেলার উত্তরে জয়পুর-রাজ্য, পূর্বেদিকে টঙ্ক ও
বুন্দীর রাজ্য, দক্ষিণে মেওয়াড় বা উদয়পুর রাজ্য, এবং
পশ্চিমে যোধপুর-রাজ্য । লোক সংখ্যা ৪,২৬,২৬৪,
গ্রাম ৩১৬, রাস্তা ৫১,৭৩,২৪৬, ।

তহসীল ।

পরগণা ।

অজমের,

অজমের, রাজগড় ।

রামশর,

রামশর,

বেওড়,

বেওর, বাক, চাঁঙ্গারওয়াড়,

সারোট মেওয়াড় ।

টাটগড়,

বিলান অজমের, কোট করমা,

দেওড়, মেওড়, টাটগড় ।

অজমের একটি প্রাচীন নগর, আগরার পশ্চিমে কিন্তু
কিঞ্চিৎ নৈর্ধাত কোণাংশে অন্যান ৮০ ক্রোশ ব্যবহিত
রাজপুতানার মধ্যবর্তী অর্ধলী প্রদেশে সংস্থিত । নগর-
টি প্রস্তরময় প্রাকার-বেষ্টিত এবং পাঁচটি পুরদ্বার বিশিষ্ট,
কিন্তু পুরদ্বার গুলি এক্ষণে ভয়দশাগ্রস্ত । অপর নগ-
রের উত্তর-প্রান্তে “অনাসাগর” নামে একটি হ্রৎ
অন্যান্য অন্যান্য অন্যান্য তীরে পর্য্যটনিকরণ এবং অন্যান্য

অনেক রাজকীয় কার্যালয় দৃষ্ট হয়, এবং তাহার জল পয়নালা দ্বারা নগর মধ্যে স্থানে স্থানে ক্ষুদ্র ক্ষুদ্র কুণ্ডে পতিত হওয়ায়, তদ্বারা পুরবাসীদিগের আর্থিক কর্ম নির্বাহ হয়। অনাসাগরের পূর্বদিকে কিঞ্চিৎ ব্যবহিত ৫৩৪ হাত উচ্চ এক পাছাডের উপর “তারাগড়” নামে একটি প্রাচীন দুর্গ আছে, কিন্তু তাহা এক্ষণে জীর্ণদশা-গ্রস্ত। অনন্তর, অজমেরের পশ্চিমে প্রায় তিন ক্রোশ দূরে একটি রক্তাকার জলাশয় দৃষ্ট হয় উহাকে “পুকুর” বলে, আর্য্য-মতে উহা একটি প্রধানতীর্থ, সুতরাং উহাতে স্নানার্থ নানা আর্য্য-ভূভাগ হইতে যাত্রীদিগের সমাগম হইয়া থাকে। অজমেরের নগর মধ্যে একটি দরগা আছে, উহাকে “খোয়াজে মইন উদ্দিন চিশ্তির দরগা” বলে, মুসলমানদিগের সর্বপ্রধান গুরু (মুর্সিদ) খোয়াজে মইন উদ্দিন* ঐখানে সমাহিত হন, এবং তাহার দরগা বিপুল ব্যয়ে নির্মিত হয়, দরগাটি শ্বেতপ্রস্তরময় এবং সুদৃশ্য এবং উহা দর্শনার্থ নানা স্থান হইতে মুসলমান ও আর্য্যবংশীয় ঋজুস্বভাবেরা পূর্ণমনস্কাম হওয়ার জন্য আসিয়া থাকে, তাহাতে সময়ে সময়ে বিশেষতঃ আরাবি বর্ষ মাসে মহা সমারোহে মেলা হয়।

অজমেরের অধিকোণে অনূন ৭ ক্রোশ দূরে “নসীরাবাদ” নামে একটি সৈনিক নগর আছে, ঐখানে অনেক ইংরাজ-সৈন্য বাস করে।

*। ইনি পারস্য দেশের “সিস্তান” নগরে জন্ম গ্রহণ করেন, তজ্জন্য ইহাকে কেহ কেহ “সিজজি” ও বলিত।

উত্তর পশ্চিম অঞ্চলের অন্তর্ভুক্ত
লৌহবন্ধু-স্থানীয়।

গাজাপুর।	{	গহামার দিলদরনগর জমানিহা	এলেছাবাদ।	{	মব্বাই সীর্সা কসনা এলেছাবাদ মনোরী ভারওয়াড়ী (ভারবাড়ী) সেরায়ু
বনারস।	{	সুকলডি* মঙ্গলসরায়	ফতেপুর।	{	খাগা বহামপুর ফতেপুর মালওয়া মৌহর
মির্জাপুর।	{	আহেরা (নারায়ণপুর) চুণার পাহাড়ী মির্জাপুর গাইপুরা (গাইপুর)			

* এই খানে "কালেশ্বরনাথ" নামে একটি শিবলিঙ্গ এক মন্দির মধ্যে স্থাপিত আছে, শিবচতুর্দশীতে ঐ মন্দির সম্মুখে মহাসমারোহে একটি মেলা হয়।

কাগপুর { সিরসোল
কাগপুর
তাওপুর
করা
বিজুক

জালিগড় { হাতরস
পালী
সোমনা

বলকসহর { খুরজা
চোলা
সেকেজাবাদ

এটাওয়া { ফফন্দ
অচলদহ
তর্থনা
এটাওয়া
যশবন্ত নগর

মিরঠ { দাদুরী
গাজীয়াবাদ
বেগমাবাদ
মিরঠ

ইমনপুরী { ভদাঁ
শেকোয়াবাদ

মুজফফরনগর { খতোলী
মুজফফর নগর

জাগরা { ফিরোজাবাদ
টুওলা

সহারনপুর { দেববন্দ
সহারনপুর

মথরা { বহান
অনেশ্বর

ইহার পর যে সমুদয়
লৌহবর্ম-স্থানীয় আছে
তাহা পঞ্জাব সংভুক্ত।

শাখা লৌহ-বর্ম ।

বনারস-শাখা

কাণপুর-শাখা ।

বনারস { মঙ্গলসরার
বনারস

কাণপুর

বাকুল-পুর শাখা

এলেহাবাদ { এলেহাবাদ
নয়নী
জমরা
শিবরাজপুর

অযোধ্যা-প্রদেশ { উনাউ
উন { আজগায়েন
লক্ষণৌ { হরৌণী
লক্ষণৌ

অতঃপর এই বর্ম কৈফজা-বাদ, অযোধ্যা, গোরখপুর, বনারস এবং রেহিলখণ্ড দিয়া আলিগড়ে প্রধান বর্মে সংযোজিত হইবে ।

গাঁদা { বড়গড়
উর্চাদিক
মানিকপুর
মারকুণ্ড

আগরা-শাখা

ইহার পর মধ্য-ভারত-বর্মীয় অধিকার ।

আগরা { টুণ্ডলা
আগরা

দিল্লী-শাখা

গাজিয়াবাদ,
দিল্লী ।

